

ԳԵՈՐԳ  
ԵԱԶԸՃԵԱՆ



ԿԱՐՄԻ

1920 թ. ԱՆԿՄԱՆ

ԽՈՐԲԱՅԻՆ

ՊԱՏՃԱՌՆԵՐԸ

3-16

ԳԵՈՐԳ ԵԱԶԸՆԵԱՆ-Կ



# ԿԱՐՍԻ 1920 Թ. ԱՆԿՄԱՆ ԽՈՐՔԱՅԻՆ ՊԱՏՃԱՌՆԵՐԸ

0965



Երևան - 2007

Տպագրուել է հեղինակի եւ իր ամենամտերիմ ընկերոջ միջոցներով

ՀՏԴ 941 (479.25)  
ԳՄԴ 63.3 (23)  
Ե 167

*Ի խորոց սրտի նուիրում է ազգային հերոս, Շուշիի առանձնակի գումարտակի հրամանատար, ողորմելիների սաղրանքով հայրենի բանտում արգելափակուած փոխգնդապետ*  
**Ժիրայր Աէֆիլեանին**

Խմբագիր՝ Յասմիկ Գուլակեան

Եազրճեան Գէորգ

Ե - 167 Կարսի 1920 թ. անկման խորքային պատճառները.-  
Եր.: Հեղինակային հրատարակութիւն, 2007.- 112 էջ:

Գրքոյկում քննարկուել են Կարսի 1920 թ. հոկտեմբերի 30-ի անկման եւ դրան հետեւած Հայաստանի առաջին Հանրապետութեան կործանման «ներքին» պատճառները՝ գաղափարական, ռազմական, ռազմահոգեբանական, բարոյահոգեբանական եւ վարչաիրաւական:

Հեղինակը ցոյց է տալիս, որ այդ անկումն ու կործանումը օրինաչափ էին, անխուսափելի հետեւանքը ոչ թէ արտաքին պատճառների, այլ հենց հայ հասարակութեան մէջ (ներառեալ՝ բանակում) տարածուած գաղափարական եւ բարոյահոգեբանական անկումային վիճակի ու հասարակական այլասերուած յարաբերութիւնների:

Ուսումնասիրութիւնն ունի արդիական կարելոր նշանակութիւն:

Նախատեսուում է պատմաբանների, ՀՀ բանակի զինուորների ու սպաների, ուսանողների եւ, առհասարակ, պատմական ճշմարտութեանը հետամուտ եւ իրենց ազգի ներկայով ու ապագայով մտահոգ բոլոր հայոց համար:

ԳՄԴ 63.3 (23)

ISBN 978-99930-4-714-8

© Գէորգ Եազրճեան, 2007 թ.

## ՆԵՐԱԾՈՒԹԻՒՆ

Այս ուսումնասիրութիւնը կատարուել է հոգեկան անասելի տառապանքով: Դա պայմանաւորուած չէ իւրաքանչիւր ստեղծագործութեանը յատուկ տառապանքի յաղթահարումով (ամեն ստեղծագործութիւն, ի վերջոյ, տառապանքի յաղթահարում-զանցումն է):

Իմ հոգեկան տառապանքները արդիւնքն են այն խորը ցաւի, որն առաջացել է զուգահեռներ տանելիս հայկական առաջին հանրապետութեանը կործանման առաջնորդած եւ Հայաստանի երրորդ Հանրապետութիւնում մեր օրերին տեղի ունեցող երեւոյթների միջեւ<sup>1</sup>: Սարսափում եմ այն մտքից, թէ այս ընթացքը կարող է յանգեցնել հայկական վերջին հողակտորի կորստին:

Այս ուսումնասիրութիւնը պատմագիտական հետազոտութիւն չէ դասական իմաստով, այսինքն՝ ակադեմիական սխոլաստիկ աշխատանք չէ: Դա այնպիսի գործ է, որն արտացոլում է իմ հաւատամքը, թէ «գիտութիւնը, արուեստը, մշակոյթը եւ, առհասարակ, ամեն ինչ ոչ միայն պէտք է, այլ պարտաւոր է ծառայել ազգի եւ ազգային պետութեան շահերին»: Հետեւաբար ընթերցողը այս ուսումնասիրութեան որոշ տեղերում կհանդիպի ոչ ակադեմիական, այլ աւելի շատ հրապարակախօսութիւն յիշեցնող գրելաոճի<sup>2</sup>: Դա բխում է այս ուսումնասիրութիւնը կատարելու եւ, ամենակարելորդ, այն հրապարակելու բուն նպատակից՝ **զգուշացնել հայ հասարակութեանը գալիք արհաւիրքից**:

Ու եթէ կարողացանք մեր ազգի թէկուզ մի փոքր հատուածին արթնացնել մեր այս գրքոյկ-սթափեցման կոչով, լիովին բաւարարուած պիտի լինենք:

<sup>1</sup> Այդ զուգահեռների անցկացմանը մեծապէս կօժանդակի հանրային քաղաքականութեան փորձագէտ, պատմական գիտութիւնների թեկնածու Աղասի Թադեւոսեանի «Սոցիալական վախի երեւոյթը. արմատները եւ ծելերը Հայաստանում (1991-1998 թթ.)» ուսումնասիրութիւնը. տե՛ս Աղասի Թադեւոսեան, «Անցումային շրջանի էթնոհոգեբանական փոփոխութիւնների առանձնատկութիւնները Հայաստանում» (յօդուածների ժողովածու), «Ռազմավարական եւ ազգային հետազոտութիւնների հայկական կենտրոնի» հրատարակութիւն, Երեւան, հոկտ. 1998, էջ 19-30:

<sup>2</sup> Գիտական ոճը պահպանել ենք այս գրքոյկի կրճատ տարբերակում, որը լոյս է տեսել քաղաքական գիտութիւնների դոկտոր Արմէն Այվազեանի կազմած ու խմբագրած «Ռազմավարութեան եւ անվտանգութեան հարցեր» յօդուածների ժողովածուում (Երեւան, 2007), էջ 481-549:

Կարսի անկումը 1920 թ. հոկտեմբերի 30-ին հայոց նորագոյն պատմութեան ամենախայտառակ ու ամօթալի էջերից մէկն է, եթէ ոչ ամենից ամօթալին<sup>3</sup>: Ուրիշ ի՞նչ որակում կարելի է տալ այն փաստին, որ յօգուտ հայերի՝ բանակի թուակազմի եւ ռազմամթերքի բազմապատիկ գերազանցութեան պայմաններում, ընդամենը 2-2.5 ժամուայ ընթացքում<sup>4</sup>, «առանց կռուի»<sup>5</sup> թշնամուն է անցել ամրութիւնների բազմաշարք համակարգ ունեցող մի բերդաքաղաք՝ իր աւելի քան 700 թնդանօթով եւ անհաշուելի այլ ռազմամթերքով<sup>6</sup>, գերի են ընկել տասնեակ հազարաւոր հայ

<sup>3</sup> Լիբանանահայ արծակագիր եւ Բէյրութի «Նայիրի» շաբաթաթերթի հիմնադիր-խմբագիր Անդրանիկ Ծառուկեանը Կարսի անկումը համարում է «Դէր-Չօրէն ետք հայ ժողովուրդին կրած մեծագոյն աղէտը, որուն շուրջ պատմութեան խօսքը յստակ չէ դեռ, եւ շատերու մտքին մէջ կմնայ առեղծուածային շփոթութեամբ»։ տե՛ս նրա խմբագրական ներածական խօսքը Արտաշէս Բաբալեանի «Կարսի անկումը» յուշագրութեան վերահրատարակման առթիւ, «Նայիրի» շաբաթաթերթ, Բէյրութ, ԺԵ տարուայ (1968 թ.-Գ. Ե.) 45-50 միացեալ համարների փոխարէն լոյս տեսած բացառիկ համար, էջ 8:

<sup>4</sup> Ըստ Քեագիմ Կարաբէքիրի՝ Կարսն ինքը գրաւել է 3.5 ժամուայ ընթացքում («Քեագիմ Կարաբէքիրի յուշերը Հայաստանի Հանրապետութեան վրայ թրքական յարձակումներուն մասին», թարգմ. Ա. Շորվօղլեան, «Զարթօնք» օրաթերթ, Բէյրութ, 1966 թ., 10 օգոստոսի, էջ 2):

<sup>5</sup> Կարսի Ա. Գրիգոր Լուսաւորիչ եկեղեցու ծխատէր քահանայ տէր Կորիւն Քոթանջեան. տե՛ս նրա 17 դեկտեմբեր 1922-ի զեկուցագիրը Ամենայն Հայոց Գեորգ Ե կաթողիկոսին, «Բանբեր Հայաստանի արխիւների», Երեւան, թիւ 1, 2006, էջ 100:

<sup>6</sup> Իր յուշերում Կարաբէքիրը յայտնում է. «Կարսի մէջ ահագին քանակութեամբ զինամթերք գրաւեցինք: Լաւ գործածելի վիճակի մէջ 377, նորոգութեան կարօտ 339 թնդանօթ եւ միլիոններով ռումբ ու փամփուշտ»: «Գիւմրիի մէջ ալ մեծ քանակութեամբ զինամթերք եւ զէնքեր ձեռք անցուցինք»,- աւելացնում է նա: Այս քանակների մի մասը իրեն պահելով հանդերձ, Կարաբէքիր արեւմտեան (յունական բանակի դէմ) ռազմաճակատ՝ Մուստաֆա Բենալիկն ուղարկել է 117 թնդանօթ, 12 հազար հրացան, 244 զնդացի, 14 հազար սուլին եւ սուր, հրետանու 170 հազար ռումբ, 32 միլիոն փամփուշտ, 110 հազար պայթուցիկ «եւ սնդուկներով, դէգերով, շոգեկառքերով (վագոն) զինամթերք եւ մեծագումար դրամ»: Այս բոլորը նկատի ունենալով՝ յետագայում թուրքական բանակի գլխաւոր շտաբի

քաղաքացիներ, հազարաւոր զինուորներ, աւելի քան 120 սպայ, այդ թւում՝ երեք գեներալ եւ մէկ նախարար<sup>7</sup>: Կարսի գրաւման ժամանակ ու յաջորդող շաբաթներին, մինչեւ Կարսի մարզի ամբողջական հայաթափումը 1922 թ., թուրքերը քաղաքում կոտորել են 8 հազար, իսկ մարզում՝ 12 հազար հայ՝ հիմնականում տղամարդկանց<sup>8</sup>: Գերի ընկած ռումին քաղաքացի Վասիլ Իոնեսկուն վկայում է, որ Կարսում Նուրի բէյից իմացել է, «որ քաղաքում սպաննուած են 8 հազար հայեր (կանայք, երեխաներ եւ տղամարդիկ), բայց իմ դիտարկումներով սպանուածների թիւը 10-12 հազարից քիչ լինել չէր կարող, քանի որ մի ամիս անց քաղաքի շրջակայքում դեռեւս կարելի էր տեսնել բազմաթիւ դիակներ»<sup>9</sup>: Ըստ Կարօ Սասունու՝ 2000 հայ զինուոր եւ սպայ գերի է ընկել Կարսում: Նրանցից ընդամենը 600 հոգի է վերադարձել Հայաստան՝ ութ ամսուայ գերութիւնից եւ տաժանակիր աշխատանքից յետոյ: Ըստ նոյն աղբիւրի՝ թուրքական գերութեան մէջ ոչնչացուել է նաեւ Կարսից եւ Ալեքսանդրապոլից տարուած մօտ 8000 հայ երիտասարդ<sup>10</sup>: Մէկ այլ լաւատեղեակ անձ՝ հայկական երկաթուղու բարձրաստիճան պաշտօնեայ, գերի ընկած Եղիշէ Պահլաւունին յայտնում է, որ գերի «հինգ-վեց հազար զինուորներից կենդանի վերադարձան միայն 464 հոգի: Սպաներից մահացան երեք հոգի:

պետ Ֆելզի փաշան Թուրքիայի Ազգային մեծ ժողովում իր հրճուանքը յայտնելով Կարսի առման առթիւ, յիշորտում էր. «Հայերէն առնուած զէնքերով անկախութեան պատերազմը տասը տարի ալ կրնանք շարունակել» (նոյնը, 10 եւ 11 օգոստոսի, էջ 2):

<sup>7</sup> Ըստ Կարաբէքիրի՝ «Կարսի մէջ երեք զօրավար, վեց զնդապետ, 12 տեղակալ (փոխզնդապետ - Գ. Ե.), 100-է աւելի սպայ եւ ենթասպայ եւ երկու հազարէն աւելի զինուոր գերի առինք» (նոյնը, 10 օգոստոսի, էջ 2): Նա հպարտութեամբ անուանապէս յիշատակում է իր «երեւելի» գերիներից Փիրումեանին, Վեքիլեանին եւ պաշտպանութեան նախկին նախարար Արարատեանին:

<sup>8</sup> Աշոտ Մելքոնեան, «Կարս» եւ «Կարսի մարզ» յօդուածներ, «Հայկական հարց» հանրագիտարան, Երեւան, 1996, էջ 179, 181:

<sup>9</sup> Հայաստանի ազգային արխիւ, ֆոնդ 114, ցուցակ 2, գործ 43, թերթ 34: Արտատպուել է «Հայոց ցեղասպանութեան անհերքելի փաստաթղթեր» հրապարակման մէջ (աշխատասիրեց Աւետիս Փափագեանը), «Զարթօնք», 2005 թ., 14 սեպտեմբերի, էջ 2:

<sup>10</sup> Կարօ Սասունի, «Հայ-թուրքական պատերազմը», «Հայրենիք» ամսագիր, Բոստոն [այսուհետ՝ ԴԹՊ], 1926, թիւ 7, էջ 76:

105 հոգուց մնացին 102 հոգի»<sup>11</sup>: Տեր Կորիւն քահանայ Քոթանցեանը գերի սպաների թիւը ներկայացնում է «120-ի չափ», իսկ գերիների ընդհանուր թիւը՝ «3700 հոգի, ըստ ոմանց՝ 7000», որոնցից տասնմէկ ամիս յետոյ վերադարձաւ «ոչ աւել, քան 8-900 հոգի»<sup>12</sup>, «միայն 900 հոգի, մեծ մասամբ զինուորականներ»<sup>13</sup>: Մինչդեռ «պատերազմի սկսուած օրէն մինչեւ Կարսի անկումը, այդ ճակատի Հայկական բանակի ընդհանուր կորուստը եղած էր մօտ 500 սպանուած եւ 1000 վիրաւոր»<sup>14</sup>: Այսինքն՝ գերութեան մէջ, անարգ վերաբերմունքի արժանանալով հանդերձ, կոտորուել է բազմապատիկ աւելի հայ, քան սպանուել է մարտի դաշտում: Գերիների աշխատանքի մասին ահա թէ ինչ է գրում արժանահաւատ աղբիւր Կորիւն քահանան. «Կարսի բանտում թողած հայերին անասունների նման լծում էին սայլերին եւ մահակների անգութ հարուածների տակ, ձմեռուայ սառնամանիքին, կիսամերկ, ցրտից կապտած անդամներով դիակներ, վառելափայտ եւ մեծ տակառներով ջուր էին կրել տալիս: Նոյնպիսի դաժան աշխատանքների մատուցուած են եղել եւ գերիները Սարիղամիշում, Կարաուրգանում, Ջելինում, Գանձաղում եւ Էրզրումում»: Հայ գերիներին կոտորելու հարցում այնպիսի կատաղութիւն են դրսեւորել թուրք կանայք, որ ասկեարները յաճախ ստիպուած են եղել սանձել նրանց արիւնարբու ախորժակը կամ դրան յագուրդ տալու համար կաշառք պահանջել: «Անասունի աստիճանի հասած դժբախտ հայ ժողովրդի» երիտասարդներին, այլազան կտտանքների ենթարկելով, նոյնիսկ այրել են... կենդանի»<sup>15</sup>: Հայ գերիների ահաւոր վիճակի մասին վկայում է նաեւ Գարեգին արք. Յովսէփեանցն իր օրագրում<sup>16</sup>: Մի խօսքով՝ հայ գերիները անասուններից էլ վատթար վիճակում են յայտնուել: Ահա թէ ինչ է նշանակում դաւաճանել ազգային ոգուն եւ ապաւինել թուրք թշնամու... «բարեկամութեանն» ու «ողորմածութեանը»:

<sup>11</sup> Եղիշէ Պահլաւունի, «Յուշամատեան», Երեւան, 2006, էջ 161:

<sup>12</sup> Տե՛ս նրա 17 դեկտեմբերի 1922-ի գեկուցագիրը Ամենայն Հայոց Գեորգ Ե կաթողիկոսին, «Բանբեր Հայաստանի արխիւների», թիւ 1, 2006, էջ 101:

<sup>13</sup> Նոյնը, էջ 107:

<sup>14</sup> ՀԹՊ, «Հայրենիք», 1926, թիւ 7, էջ 77:

<sup>15</sup> «Բանբեր Հայաստանի արխիւների», թիւ 1, 2006, էջ 101-103:

<sup>16</sup> Նոյնը, 1989, թիւ 3, էջ 126-158:

եւ այսքանից յետոյ ընդամենը երեք սպայ է ինքնասպանութեամբ<sup>17</sup> փորձել քաւել համազգային այս մեծ ԱՄՕԹԸ: Կարսի անկմանը հետեւեց Ալեքսանդրապոլի համանման յանձնումը թշնամուն, այնուհետեւ՝ Հայաստանի առաջին Հանրապետութեան լիակատար պարտութիւնը թուրք եւ քուրդ հորդաներից, Հայրենիքի տարածքի մէկ զգալի մասի եւ թէկուզ կիսատպռատ անկախութիւն ունեցող պետականութեան կորուստները, հարուածներ, որոնցից հայութիւնը չի սթափուել մինչ օրս:

Հակառակ Կարսի եւ ընդհանրապէս առաջին հանրապետութեան անկման մասին պատմագիտական ու յուշագրական մեծածաւալ գրականութեան առկայութեան, մեր կարծիքով, հայ պատմագիտական ու քաղաքական միտքը այս իրադարձութիւններին առ այսօր ճշգրիտ գնահատականներ չի տուել: Ուշադրութիւնը առաւելաբար սեւեռուել է անկումների քաղաքական, մասնաւորաբար արտաքին եւ դիւանագիտական պատճառների վրայ՝ յետին պլան մղելով ներքին՝ զաղափարական, ռազմական, ռազմահոգեբանական, վարչաիրաւական եւ բարոյահոգեբանական պատճառները, որոնք էլ իրականում վճռորոշն էին, յատկապէս առաջինները: Նշելով պարտութեան մի քանի պատճառներ, այն էլ՝ հարցականով, Գարեգին արք. Յովսէփեանցը գրում է, որ Կարսի անկման հարցը «մի բարդ խնդիր է, կարօտ անաչառ եւ մանրագնահին ուսումնասիրութեան»<sup>18</sup>: Իր կարգին երջանկայիշատակ եկեղեցականի յուշագրութեան երկրորդ վերահրատարակիչ Անդրանիկ Ծառուկեանը յայտնում է, որ Կարսի անկումը բուլշեիկեան քարոզչութեամբ պայմանաւորելը «կրնայ մասամբ ճիշտ ըլլալ», բայց «անբաւարար» է ու «անհամոզիչ»: Նա տրամաբանական հարց է տալիս. «Սարդարապատի մէջ կռուող հայ զօրքը ի՞նչպէս կրնար

<sup>17</sup> Խօսքը առաջին գնդի իրամանատար գնդապետ Մազմանեանի, Սեպուհի բրիգադի շտաբի պետ հազարապետ Չիլինգարեանի եւ հրետանու մարտկոցի իրամանատար գլխապետ Բագրատունու մասին է: Տե՛ս Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 63: ՀԹՊ, «Հայրենիք», 1926, թիւ 7, էջ 76:

<sup>18</sup> Գարեգին արք. Յովսէփեանց, «Կեանքիս ամենադժբախտ օրը եւ երջանկութեանս ըրոպէն». տե՛ս «Ոգուն չապաւինելու արդիւնքը» (կազմող եւ խմբագիր՝ Գեորգ Եազըճեան), Երեւան, 2002, էջ 41-42:

մէկ օրէն միւսը դասալիք բազմութեան մը վերածուիլ, մանաւանդ երբ գործ ունէր *միեւնոյն* թշնամիին, թուրքին հետ, որուն արիւնոտ ծրագիրը հայութեան հանդէպ գաղտնիք չէր ոչ մէկ հայու: Տարիներու ընթացքին մեր կատարած բոլոր ընթերցումները գոհացուցիչ պատասխան չեն տուած այս հարցումին»<sup>19</sup>: Այս առեղծուածը տասնամեակներով յուզել է նաեւ նուաստիս:

Այդ հարցումին փորձել ենք պատասխանել 2002 թուականին Երեւանում մեր կազմած եւ լոյս ընծայած «Ոգուն չապաւինելու արդիւնքը» գրքոյկով: Իսկ մեր այս ուսումնասիրութեամբ փորձում ենք էլ աւելի խորը քննութեան հիման վրայ հանգամանակի կերպով պատասխանել հայութեան գոյատեւման համար կենսական այս հարցումին:

Կարսի անկման ու հայութեան խայտառակ պարտութեան մասին յիշատակուել են տասնեակ պատճառներ, սակայն, ինչպէս Նժդեհին է նշում, չի ասուել բուն պատճառը՝ ճշմարտութիւնը, որն է՝ այդ օրերին համատարած «հայ ժողովրդի՝ իր ամբողջութեան մէջ անմարտունակ, անարի, անմշակ հոգին»<sup>20</sup>: Եւ դա լիովին հասկանալի է. ասել ճշմարտութիւնը՝ նշանակում է ընդունել սեփական սխալը եւ ապաշխարել դրա համար, իսկ ապաշխարել՝ նշանակում է սխալը գիտակցելուց յետոյ զոջալ ու ամաչել դրա համար, ներողութիւն խնդրել եւ սխալը չկրկնելու աննկուն կամք դրսեւորել: Այս առաքինութիւնը մեզ՝ հայերիս մօտ հազուագիւտ է:

Սակայն հայ հասարակութիւնը ոչ միայն պատրաստ չէ ընդունելու իր սխալը, այլեւ սուիներով է դիմաւորում քննադատողներին ու փորձում է ինքնաարդարացման հոգեբանական մեխանիզմներով ինքնահանգստանալ կամ էլ, վատագոյն դէպքում, անտեսում է սեփական սխալը, որպէսզի... այն նորից կրկնի ու կրկնի:

«Ոգուն չապաւինելու արդիւնքը» գրքոյկը լոյս տեսնելուց յետոյ 33-ում եւ արտասահմանում յիշեալ թեմայով լոյս են տեսել նոր նիւթեր: Դրանց հեղինակները կրկնում են իրենց նախորդե-

<sup>19</sup> Անդրանիկ Ծառուկեան, խմբագրական ներածական խօսք Արտաշէս Բաբալեանի «Կարսի անկումը» յուշագրութեան վերահրատարակման առթիւ, «Նայիրի», ժե տարուայ (1968 թ. - Գ. Ե.) 45-50 միացեալ համարների փոխարէն լոյս տեսած բացառիկ համար, էջ 8: Ընդգծումը Ա. Ծառուկեանինն է:

<sup>20</sup> Գարեգին Նժդեհ, «Որդիների պայքարը հայրերի դէմ», Սալոնիկ, 1927: Վերահրատարակուել է Գ. Նժդեհի «Հատընտիր»-ում, Երեւան, 2001. մէջբերումը՝ վերջինից, էջ 86:

րին՝ ինքնաարդարանալով, մեղքը օտարների (թուրքեր, բոլշեւիկներ<sup>21</sup>, դաշնակիցներ եւ այլք) վրայ բարդելով:

<sup>21</sup> Կարսի անկման գործում 337 պատասխանատուութեան մեղմացմանը միտուած այս հնացած, իրականութեանը մասամբ համապատասխանող պատճառը առաջ է քաշում պատմական գիտութիւնների թեկնածու (այժմ՝ դոկտոր) Գեորգ Խուդինեանը: Ըստ նրա՝ հայ զինուորների յուսալքման պատճառը «բոլշեւիկեան քարոզչութիւնն» ու «ծանր պայմաններն» էին (թէ ի՞նչ էին իրականում այդ «ծանր պայմանները», չի նշում): Նա աւելացնում է, որ «եւ զօրքի ներսում, եւ թշնամու խրամատներից տարուող բոլշեւիկեան քարոզչութիւնը վերջնականապէս կազմալուծել են բանակը»: Տե՛ս Գ. Խուդինեանի «Սիմոն Վրացեան (1882-1969)» յօդուածը, «Նշանաւոր ճեմարանականներ» (յօդուածների ժողովածու), Մայր Աթոռ Ս. Էջմիածին, 2005, էջ 391: Աւելի հեռու է գնում պատմական գիտութիւնների դոկտոր, 33 ԳԱԱ պատմութեան ինստիտուտի տնօրէն Աշոտ Մելքոնեանը: 33 անկախութեան հռչակման 15-ամեակի առթիւ մի հարցազրոյցում նա Հայաստանի առաջին Հանրապետութեան կործանումը պայմանաւորում է «միմիայն արտաքին գործօնների ազդեցութեամբ»՝ առաջին հերթին նշելով «քեմալա-թուրքական եւ բոլշեւիկեան Ռուսաստանի գործակցութիւնը»: Նա աւելացնում է, որ այդ կործանման «օրեքօրի ոչ մի պատճառ գոյութիւն չունի» (հարցաւար՝ Անոյշ Թրումանց: «15-ամեակ. դառնում ենք պետականութեան զգացողութիւն ունեցող ազգ»,- համոզուած է պատմաբան Աշոտ Մելքոնեանը», «Հայաստանի Հանրապետութիւն» օրաթերթ, Երեւան, 2006 թ., 7 սեպտեմբերի, էջ 3. հաստագրումը իմն է - Գ. Ե.): Ա. Մելքոնեանի այս տեսակէտին բացարձակապէս համաձայն չենք. հենց այս ուսումնասիրութիւնն այդ տեսակէտի ամբողջական ժխտումն է:

Այստեղ ցաւով արձանագրում ենք, որ Ա. Մելքոնեանի ղեկավարած ինստիտուտում պատմագիտական մօտեցումը եղել է եւ է թոյլ ու մակերեսային. գրեթէ ոչինչ չի փոխուել: «Պատմագիտութեան միակ չափորոշիչը ճշմարտութիւնն է», - հաստատում էր ԵՊՀ հայոց պատմութեան ամբիոնի նախկին, երկարամեայ վարիչ, ակադեմիկոս Լենդրուշ Խուրշուդեանը («Երեկոյեան Երեւան» օրաթերթ, 1989 թ., 23 եւ 24 օգոստոսի): Միակ փոփոխութիւնն այն է, որ եթէ Աշոտ Մելքոնեանի նախորդների շրջանում Հայաստանի առաջին Հանրապետութեան կործանման համար մեղաւորները հիմնականում դաշնակցականներն էին ու Անտանտի պետութիւնները, ապա ներկայումս մեղաւորները էլի արտաքին ոյժեր են՝ քեմալականներ, բոլշեւիկներ, 1920 թ. սեպտեմբերին Բաքլում համագումարի հաւաքուած ինչ-որ արարածներ: Հայութեան սեփական սխալների ոչ մէկ ճանաչում. ահա հայաստանեան պատմագիտական մտքի մշտական արատը... Արժէ յիշեցնել Նժդեհի դիպուկ ախտորոշումը. «Ընդունել ճշմարտութիւնը հանրապետական բանակի անյաջողութեանց մասին, պարզել Կարսի անկման իսկական պատճառները - կնշանակի պատաս-

Յուշագիրներից ճշմարտութեանը որոշ չափով մօտենում է Վահե Արծրունին: Այդ հրատարակությունների մեջ մենք կառանձնացնենք պատմական գիտությունների դոկտոր, պրոֆեսոր, ՀՀ անդամ Արարատ Յակոբեանի՝ ծաւալով եւ տպաքանակով փոքր (28 էջ, 100 օրինակ), բայց արժեքաւոր «1920 թ. թուրք-հայկական պատերազմի պատմութեան փորձն ու դասերը» ուսումնասիրութիւնը (Երեւան, 2004): Հեղինակն իր առաջ խնդիր է դրել «ուշադրութիւն դարձնել այդ պարտութեան յատկապէս բարոյահոգեբանական գործօնին, որից մեծապէս կախուած է նաեւ ռազմական յաղթանակը»<sup>22</sup>: Նա Կարսի անկման հիմնական պատճառներ է համարում ողջ հայ հասարակութեան բարոյահոգեբանական անկումային վիճակն ու պարտուողական ոգին՝ պայմանաւորուած հասարակական տարբեր արատներով, որոնք համակել էին պետական վարչամեքենան՝ վերից վար<sup>23</sup>, զօրաց նախարար, պետութեան եւ ՀՀ փաստական դիկտատոր Ռուբէն Տէր-Մինասեանին<sup>24</sup>, բանակը՝ գե-

խանատութեան բաժին ընդունել», մի բան, որից սարսափում են բոլոր ոլորտների (ներառեալ՝ պատմագիտութեան) մեր հին ու նոր պատասխանատուները:

<sup>22</sup> Արարատ Յակոբեան, «1920 թ. թուրք-հայկական պատերազմի պատմութեան փորձն ու դասերը», Երեւան, 2004, էջ 4:

<sup>23</sup> Կարսի երբեմնի նահանգապետ Ստեփան Ղորղանեանը յայտնում է, որ պետական «ապիկար պաշտօնեաները – կաշառակեր, անպէտք եւ անշնորհք – շարունակում էին պաշտօնավարել եւ կեղեքել երկիրը եւ այդ մթնոլորտում պէտք է առաջ գար անբաւական տրամադրութիւն»: «Մենք անվերջ եւ անհաշիւ բազմացնում էինք միայն պաշտօնէութիւնը, պաշտօններ էինք ստեղծում մարդիկ տեղաւորելու համար, բայց չէինք վարձատրում աշխատանքը»: Պետական պաշտօնեաների մեծ մասին յայտարարելով «կիսագրագետ ու անկիրթ»՝ Ղորղանեանը տեղեկացնում է, որ այս խառնամբոյսի «նշանաբանն էր «ազգային» հասկացողութիւնը» եւ ««ազգայինի» դրօշի տակ կատարուում էր ամեն տեսակի անհեթեթ բան» (ՀԱԱ, ֆ. 477, ց. 1, գ. 2, թ. 11: Նոյնը, գ. 18, թթ. 5, 13): Այս տողերը կարծէք գրուել են այսօրուայ ՀՀ-ի համար, ուր կեղծ-ազգայնական դաշնակցահանրապետական «ախպերութիւնը» հետեւողականօրէն յօշոտում է ազգային ու պետական արժէքները...

<sup>24</sup> Հայ Գնդունի, «Կարսի անկումին պատճառները» [այսուհետ՝ ԿԱՊ], «Մարտկոց» թերթ, Փարիզ, 1932 թ., 10 նոյեմբերի, էջ 2: Նոյն տեղում, Հայ Գնդունին մեծատառերով մէջբերում է Ռուբէնի մէկ խօսքը՝ ասուած 1920-ականների երկրորդ կեսին, Ջարեւանդի գրքի վերլուծութեանը նուիրուած մի ժողովում. «Անպատիւ կեանքը նախընտրելի է, քան պատուաւոր մահը»: Ինչպէ՞ս չասես, որ Կարսի անկումից յետոյ Ռուբէնի ստորագրու-

ներալներից մինչեւ շարքային զինուոր, հասարակութիւնը՝ մտաւորական կոչեցեալից մինչեւ արհեստաւորն ու գիւղացին:

Իսկ մի՞թէ նոյն վիճակը չէ այսօր ՀՀ-ում...

\* \* \*

Կարսի անկման մասին մեզ ծանօթ առաջին յուշագրութիւնը լոյս է տեսել ՀՀ-ի՝ Բոստոնում հրատարակած «Հայրենիք» ամսագրում (Ա տարի, 1923, թ. 12, էջ 52-68) «Կարսի անկումը» վերնագրով: Հեղինակն է Բիւրօ-կառավարութիւնում խնամատարութեան նախարար Արտաշէս Բաբալեանը: Յուշագրութիւնը վերահրատարակել է սփիւռքահայ ճանաչուած գրող եւ հրապարակագիր Անդրանիկ Ծառուկեանը իր խմբագրած «Նայիրի» թերթի (Բէյրութ) «ի հաշիւ ժե տարուան 45-50 միացեալ թիւերուն» փոխարէն լոյս տեսած բացառիկ համարում: Կառավարութեան սեպտեմբերի 30-ի որոշումով Բաբալեանը, ՀՀ գիւղատնտեսութեան եւ աշխատանքի նախարար, եւ միայն նոյեմբերի վերջին օրերին վարչապետ դարձած Սիմոն Վրացեանի հետ, որպէս կառավարութեան լիազօր ներկայացուցիչ, մեկնել է Կարս, որտեղ էլ գերի է ընկել հոկտեմբերի 30-ի կէսօրին, ապա քշուել Սարիղամիշ եւ Կարին (Երզրում): Բաբալեանը յատկապէս մեղադրում է զինուորական բարձրաստիճան հրամանատարութեանը ապաշնորհութեան, ապագայնութեան եւ անփութութեան համար: Նա նշում է ռազմական կոպիտ սխալներ, որոնց կանդրադառնանք այս ուսումնասիրութեան մէջ: Բաբալեանը մերժում է այն տեսակէտը, որ բանակն ու հայ ժողովուրդը չուզեցին կռուել եւ, որպէս ապացոյց, նշում է հազարաւոր կամաւորականների հաւաքագրումն ու սայլերի տրամադրումը բանակին: Նա թերագնահատում է մարտական ոգու բացակայութեան (առնուազն դրա թուլութեան) ՈՐՈՇԻՉ գործօնը, «վճռական մենակի» մտղեհեան սկզբունքի ՀԻՄՆՈՎԻՆ բացակայութիւնը: «Կասկած չկայ,- գրում է,- որ դրութիւնը փրկելու հնարաւորութիւն չկար: Մէկ երկու օրուայ ընթացքում գերմարդկային ճիգերով իսկ անհնար էր ազատել Կարսը անկումից... Հոկտեմբերի

թեամբ հրապարակուած ռազմաշունչ եւ հայրենասիրական կոչերը Հայրենիքի պաշտպանութեան մասին, որոնք լոյս են տեսել ՀՀ այդ օրերի պարբերական մամուլում, աւելին են, քան սովորական ծաղրուծանակը...

27-ին պարզ էր, որ դիմանալու տուեալներ չունինք»<sup>25</sup>: Յիշեցնենք, որ նոյն օրերին աւելի անյուսալի թուացող եւ աւելի ծանր վիճակում գտնուող Լեռնահայաստանի հայութիւնը հերոսական էջեր էր գրում հայոց նորագոյն պատմութեան գրքում՝ կատարեալ առաջնորդի կերպար՝ Նժդեհի հրամանատարութեամբ՝ ապաւինելով հայրենի լեռներին, ազգային ոգուն եւ յաղթելու կամքին:

Կարսի անկման մասին երկրորդ յուշագրութեան հեղինակը Կարօ Սասունին է՝ անկման օրերին Շիրակի նահանգապետը: Նրա յուշերը, «Հայ-թրքական պատերազմը» վերնագրով, լոյս են տեսել «Հայրենիք» ամսագրի 1926 թ. 4-9-րդ եւ 11-րդ համարներում, յետագայում հրատարակուել Բեյրութում՝ առանձին գրքով (1969 թ.): Սասունին եւս նշում է պարտութեան քաղաքական, ռազմական եւ բարոյահոգեբանական բազմաթիւ պատճառներ: Անկման «գլխաւոր պատճառ» է համարում զօրքի եւ հրամանատարութեան յոյսը Կարսի բերդի ամրութիւնների վրայ դնելը<sup>26</sup>: Նա եւս մօտենում է ճշմարտութեանը, սակայն դա չի ասում լիաբերան: Պատճառների շարքում նշում է նաեւ կռուելու կամքի չգոյութիւնը («Առանց ոգեւորութեան ու հաւատի բանակը ամբոխ մըն է»<sup>27</sup>), բանակի ապագային հրամանատարական կազմը, ազգային բանակ չունենալը եւ այլն.: Յուշագրութեան աւարտին Կ. Սասունին համեմատում է հայկական եւ թուրքական բանակների, նաեւ գլխաւոր հրամանատարներ Նազարբեգեանի եւ Կարաբեքիրի անձնական յատկանիշները ու եզրակացնում, որ պիտի պարտուէինք, քանի որ «մեր վրայ եկող թշնամին զօրաւոր էր, կազմակերպուած եւ միաձոյլ», իսկ մենք կազմակերպուած եւ համախումբ չէինք<sup>28</sup>:

Միւս յուշագրողը, աւելի ճիշտ՝ անկման ռազմական եւ մի շարք բարոյահոգեբանական պատճառները ներկայացնողը ռազմական գործողութիւնների անմիջական մասնակից, 8-րդ գնդի<sup>29</sup> 1-

<sup>25</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 63:

<sup>26</sup> ՀԹՊ, «Հայրենիք», 1926, թիւ 7, էջ 69:

<sup>27</sup> Նոյնը, 1926, թիւ 8, էջ 92:

<sup>28</sup> Նոյնը, թիւ 11, էջ 116:

<sup>29</sup> 7-րդ եւ 8-րդ գնդերն ու Սմբատի ծիաւորների խմբերը միասնաբար կազմում էին ՀՀ բանակի 4-րդ բրիգադը՝ Սեպուհի (Արշակ Ներսիսեան) հրամանատարութեամբ:

ին գումարտակի հրամանատար, հարիւրապետ Հայ Գնդունին<sup>30</sup> (Համբարձում Թօփչեան) է: Նրա առաջին յուշագրութիւնը՝ «Դրուագներ Կարսի կռիւներէն» վերնագրով, լոյս է տեսել Բոստոնի «Պայքար» ամսագրի 1931 թ. սեպտեմբերի համարում (էջ 77-85): Աւելի արժէքաւոր է նրա՝ Փարիզի «Մարտկոց» թերթի վեց համարներում (1932 թ., 29 հոկտեմբերի – 10 նոյեմբերի) տպագրուած շարքը, որը վերնագրուած է «Կարսի անկման պատճառները»: Այս երկրորդ՝ հետազօտողներին համարեայ անծանօթ հրապարակման սկզբում Կարսի անկումը նա համարում է «մեր նորագոյն պատմութեան ամենէն ցնցող եւ ճակատագրական դէպքերէն մէկը», որի «պարզաբանութիւնն ու քննադատութիւնը՝ վերապրող հայութեան, իր յառաջադէմ սերունդին ու մտաւորականութեան գերագոյն պարտականութիւնն է»<sup>31</sup>: Նա հաւաստում է, որ անդրադառնալու է անկման պատճառներին՝ զուտ «ռազմագիտական եւ մարտական տեսակետներով, առանց անդրադառնալու մասնաւորապէս եւ ծանրանալու քաղաքական ու դիւանագիտական մարզին վրայ, որ իր կարգին չափազանց կարեւոր է...»<sup>32</sup>:

Հայ Գնդունու այս հրապարակումը ՀՀ այսօրուայ բանակի սպայութեան եւ, առհասարակ, կազմի համար շատ ուսանելի է<sup>33</sup>: Նա թուարկում է պարտութեան ռազմական եւ ռազմահոգեբանական 20 պատճառներ, որոնք այս ուսումնասիրութեան մէջ օգտագործել ենք հանգամանօրէն:

Հայ Գնդունին եւս մօտենում է ճշմարտութեանը, երբ գրում է. «Մուստաֆա Քեմալի եւ Կարաբեքիրի հետ կրնային ճակատիլ... կռուելու եւ յաղթելու կամք ունեցող հայ ղեկավարներ: ... Իրենց կոչումին բարձրութիւնը չգիտցող մեր մտաւորականներն ու զուլխները՝ հայկ. բանակին ռազմական դիրքերու վրայ կրած պարտու-

<sup>30</sup> Կ. Սասունին Հայ Գնդունուն սխալմամբ վերագրում է 7-րդ գնդի 1-ին գումարտակի հրամանատարութիւնը (ՀԹՊ, «Հայրենիք», 1926, թիւ 7, էջ 70):

<sup>31</sup> ԿԱՊ, «Մարտկոց», 1932 թ., 29 հոկտեմբերի, էջ 1:

<sup>32</sup> Նոյն տեղում:

<sup>33</sup> Զգիտենք՝ ՀՀ ռազմական ուսումնարաններում ուսուցանում են հայոց բանակների յաղթանակների եւ պարտութիւնների պատճառները: Կարծում ենք, որ տուեալ դէպքում անգամ չեն ակնարկում Կարսի խայտառակ պարտութեան պարագան՝ զգուշանալով, որ դասընթացներին հետեւող ապագայ սպաները թէկուզ իրենց մտքում զուգահեռներ չտանեն այդ օրերի եւ մեր օրերի բացասական, պետութեան եւ ազգի կործանմանը տանող երեւոյթների միջեւ:



թենեն առաջ, այո՛, սաղմնաւորեր եւ պատրաստեր էին Կարսի անկումն ու գրաւումը: Ուրիշ խօսքով, Կարսը, հայկ. թիկունքին մէջ հոկտ. 30-էն աւելի կանուխ ինկած էր անարժան եւ դաւաճան դեկավարներուն ձեռքով»<sup>34</sup> (ընդգծումը իմն է - Գ. Ե.):

Կարսի անկման մասին մեզ յայտնի չորրորդ յուշագրողը հայոց բանակի զինուորների ոգին բարձրացնելու նպատակով 1920 թ. հոկտեմբերի սկզբից կամովին ռազմական գործողութիւնների թատերաբեմ մեկնած, նոյն նպատակներով 2.5 տարի առաջ Սարգարապատի ճակատամարտին մասնակցած, յետագայում Մեծի Տանն Կիլիկիոյ Կաթողիկոս, վաստակաշատ գիտնական Գարեգին արք. Յովսէփեանցն է՝<sup>35</sup>: Նրա յուշագրութիւնը՝ «Կեանքիս ամենադժբախտ օրը եւ երջանկութեանս ընկած» վերնագրով, առաջին անգամ լոյս է տեսել «Պայքար» ամսագրի 1943 թ. նոր տարուայ բացառիկ համարում (էջ 200-212): Այնուհետեւ այդ յուշագրութիւնն առնուազն հինգ անգամ վերահրատարակուել է՝ «Երիտասարդ Հայաստան» թերթում (ԱՄՆ, 1958), «Նայիրի» շաբաթաթերթի «ի հաշիւ ժե տարուան 45-50 միացեալ թիւերուն» փոխարէն լոյս տեսած բացառիկ համարում<sup>36</sup>, Մեծի Տանն Կիլիկիոյ Գարեգին Բ Սարգիսեան կաթողիկոսի (Անթիլիաս, 1982), պատմական գիտութիւնների դոկտոր Բագրատ Ուլուբաբեանի («Բանբեր Հայաստանի արխիւների», Երեւան, 1989, թ. 3, էջ 110-125) եւ այս ուսումնասիրութեան հեղինակի (Երեւան, 2002) կողմից<sup>37</sup>: Վերջին չորս վերահրատարակութիւնների նախածեռնողները Յովսէփեանցի յուշագրութեանը կցել են առաջաբաններ, որոնցում որոշակի անդրադարձել են Կարսի անկման ամենատարբեր, այդ թւում՝ գաղափարական, ռազմական եւ բարոյահոգեբանական պատճառներին: Բ. Ուլուբաբեանը յիշեալ վերահրատարակութիւնից անմիջապէս յե-

<sup>34</sup> ԿԱՊ, «Մարտկոց», 1932 թ., 10 նոյեմբերի, էջ 2:

<sup>35</sup> Տարօրինակ է, որ արուեստագիտութեան թեկնածու, ԵՊՀ դասախօս Լեւոն Չուգասգեանը Գարեգին եպիսկոպոսի՝ Կարսի ռազմաճակատում գործունեութիւնը վերագրում է «1918 թ. գարնանը». տես Լ. Չուգասգեանի «Մեծի Տանն Կիլիկիոյ Կաթողիկոս Ս. Տ. Գարեգին Ա Յովսէփեան (1867-1952)» յօդուածը, «Նշանաւոր ճեմարանականներ» (յօդուածների ժողովածու), էջ 139:

<sup>36</sup> Յովսէփեանցի յուշագրութիւնը «Նայիրիում» վերահրատարակուել է «Կեանքիս ամենադժբախտ օրը» վերնագրով:

<sup>37</sup> Չհաստատուած տեղեկութիւնների համաձայն՝ յուշագրութիւնը եւս մէկ անգամ վերահրատարակուել է «Շիրակ» ամսագրում (Բէյրութ), ամսագրի խմբագիր, պատմաբան Լեւոն Վարդանի նախածեռնութեամբ:

տոյ հրատարակել է տուեալ ժամանակաշրջանին վերաբերող Գ. Յովսէփեանցի օրագիրը (էջ 125-148), իսկ այս տողերը ստորագրողը՝ արխիւային պետական (հայկական, ռուսական եւ բրիտանական) փաստաթղթեր, որոնցում եւս կան նման միւթեր: Բուն յուշագրութեան մէջ ականաւոր եկեղեցական եւ ազգային գործիչը տեղտեղ գրում է զօրահրամանատարների ապաշնորհութեան, փչացածութեան (կոռումպացուածութեան), դասալքութեան եւ հայոց բանակում կռուելու կամքի իսպառ բացակայութեան մասին:

Հինգերորդ յուշագրողը իրադարձութիւնների օրերին Կարսում բուժակ աշխատած Արտաշէս Ալեքսանդրեանն է: Նրա յուշերն առանձին գրքով լոյս են տեսել 1986 թ., Երեւանում, «Կարս. 1920-21» խորագրով: Դրանք կրում են կոմունիստական իշխանութիւնների գաղափարախօսութեանը համահունչ ուղղուածութիւն, որի պատճառով էլ տեղեկութիւնների անաչառութեանը պէտք է մօտենալ որոշակի վերապահութեամբ: Այդուհանդերձ, նա եւս անդրադառնում է պարտութեան յիշեալ կողմերին՝ ամբողջ մեղքը բարդելով զինուորների դասալքութեան ու վերջինիս պատճառի՝ «աշխատաւորների գլխին պատուհաս դարձած եւ հակասովետական մոլուցքով կուրացած դաշնակցական «կառավարողների եւ սպայութեան» վրայ»<sup>38</sup>:

Եօթերորդ յուշագրողը ներգաղթի բաժնի վարիչ-ղեկավար, դաշնակցական գործիչ Վահէ Արծրունին (Մելիքսէթ Մուրադեան) է, որը գործի բերումով 1920 թ. ապրիլին մեկնել էր Կարս: Քաղաքի անկումից յետոյ նա թաքնուել, իսկ 1921 թ. յունուարի կեսին յաջողել է ճեղքել թուրքական գրաման օղակը եւ հասնել անվտանգ շրջան: Նրա յուշերի երեք պատումներ 2002 թ. աշնանը լոյս տեսան Երեւանում՝ «Հայ-տաճկական պատերազմը – Հայ սպայութիւնը – Շատախ» խորագրով, Նորայր Պահլաւունու խմբագրութեամբ եւ պատմաբան Գեղամ Բաղալեանի ծանօթագրութիւններով: Միացեալ հատորի ծաւալի մեծ մասը առաջին երկու գործերն են, որոնցում բազմաթիւ տեղեկութիւններ կան մեր ուսումնասիրութեան առարկայ հարցերի մասին: Ընդհանուր առմամբ Վ. Արծրունին եւս հաստատում է միւս յուշագրողների ասածները, թէսփորձում է մեղմել իր կուսակցութեան պատասխանատուութեան բաժինը հայոց այս մեծ ողբերգութեան մէջ՝ մեղքը առաւելաբար անհատների վրայ բարդելով:

<sup>38</sup> Արտաշէս Ալեքսանդրեան, «Կարս. 1920-21», Երեւան, 1986, էջ 25:

Մեզ յայտնի ութերորդ յուշագրողը Արխագիայի Գուտաուդա քաղաքում ծնած է։ Սեպուհի հրամանատարութեամբ չորրորդ բրիգադում ծառայած մի երիտասարդ է՝<sup>39</sup> 13 յունիս – 5 նոյեմբեր 1920 ժամանակաշրջանի իր օրագրութեամբ<sup>40</sup>։

Կարսի խայտառակ պարտութեանը եւ դրան հետեւած ԶԶ լիակատար պարտութեանը յոյժ լաւատեղեակ, Ալեքսանդրապոլի հաշտութեան բանակցութիւններին ԶԶ պատուիրակութեան անդամ, 1919 թ. ապրիլի 12 - 1920 թ. հոկտեմբերի 30 ժամանակաշրջանում Կարսի նահանգապետ Ստեփան Ղորղանեանի մեծարժէք յուշերը առայժմ անտիպ են եւ պահպանուած են Զայաստանի ազգային արխիւում (\$ոնդ 477)։ Խառնիխումն դասաւորուած այս յուշագրութիւնը (հազարաւոր էջեր) ընթերցելուց յետոյ, իր ազգի ներկայով ու ապագայով մտահոգ հայ անհատը ահռելի ճիգ պէտք է գործադրի... չխելագարուելու համար։ Ղորղանեանը ներկայացնում է մերկ իրականութիւնը։ Նա նշում է հայոց պարտութեան հիմնական պատճառները՝ բարոյահոգեբանական անկումային վիճակը, հասարակութեան անասնական անտարբերութիւնն իր ներկայի ու վաղուայ օրուայ նկատմամբ, պետական մտածողութեան գրեթէ իսպառ բացակայութիւնը բանակի հրամկազմում, պետական վարչամեքենայում եւ հասարակութեան մէջ, համատարած ալան-թաւանը, ազգային արժէքների նկատմամբ քամահրական կամ անարգալից վերաբերմունքը եւ այլն։ Նա չափազանց խիստ է քննադատում բանակի բարձրաստիճան սպայակազմին, մասնաւորաբար Կարսի նահանգում տեղակայուած զօրամասերի հրամանատարներին։

Կարսի անկման տարբեր պատճառների մասին մեծ քանակութեամբ նիւթեր կան նաեւ ԶԶ նախկին վարչապետներ Ալեքսանդր Խատիսեանի եւ Սիմոն Վրացեանի պատմագիտական մեծ արժէք ունեցող գրքերում<sup>41</sup>, դաշնակցական որոշ գործիչների եւ դէպ-

<sup>39</sup> Նրա ինքնութիւնը չեն կարողացել պարզել յուշագրութեան հրատարակիչները։ Մեր ճիգերը եւս առայժմ ապարդիւն են։ Զետեւաբար նրան յղումներ կկատարենք որպէս «անանուն» հեղինակի։

<sup>40</sup> Անանուն, «Ազատ, անկախ եւ միացեալ Զայաստանի վերջին օրերը», Երեւան, 1994։

<sup>41</sup> Ալեքսանդր Խատիսեան, «Զայաստանի Զանրապետութեան ծագումն ու զարգացումը», Աթէք, 1933 (1924-1925 թթ. լոյս է տեսել «Զայրենիք» ամսագրի համարներում, վերահրատարակուել է Բէյրութում, 1968 թ.)։ Սիմոն Վրացեան, «Զայաստանի Զանրապետութիւն», Փարիզ, 1928 (վերահրատարակուել է Բէյրութում, 1958 թ. ու Երեւանում, 1993 թ.)։

քերի ականատեսների կամ մասնակիցների յուշագրական պատառիկներում, հրապարակուած արխիւային ու անտիպ բազմաթիւ փաստաթղթերում եւ այլն։

Պատմագիտական կարեւոր նշանակութիւն ունեն հիմնական մասնակիցներից Քեազիմ Կարաբէքիրի յուշերը, որոնց՝ Կարսի անկմանը եւ ընդհանրապէս ԶԶ-ի վրայ թուրքական յարձակման վերաբերեալ հատուածները Ա. Շորվօլլեանի թարգմանութեամբ լոյս են տեսել Բէյրութի «Ձարթօնք» օրաթերթի 1966 թ. յուլիսի եւ օգոստոսի համարներում՝ «Քեազըմ Կարաբէքիրի յուշերը Զայաստանի Զանրապետութեան վրայ թրքական յարձակումներուն մասին» վերնագրով։


Վերոյիշեալներն են այն հիմնական աղբիւրները, որոնց հիման վրայ էլ կատարուել է մեր այս ուսումնասիրութիւնը։

Մեր համոզմամբ՝ Կարսի անկման լաւագոյն եւ ճշմարտացի գնահատականը տուել է մեծ ռազմագէտ, քաղաքագէտ եւ ազգային գաղափարախօս Գարեգին Նժդեհը՝ «Որդիների պայքարը հայրերի դէմ» աշխատութեան մէջ։ Երկրորդ՝ «Կեղծիքի գերութիւնը» վերնագրուած գլխում, նա «մեծ կեղծիք» է համարում Կարսի անկման բուն պատճառը այլ պատճառներով (այլեւայլ երկրորդական հանգամանքներով) փոխարինելու յանցագործ վարքագիծը։ Նժդեհը գրում է, թէ իմաստուն սովորութիւն ունեն ժողովուրդները՝ «պատերազմից յետոյ հաշուի նստել, պարզել իրենց յաջողութեանց եւ պարտութեանց պատճառները։ Յաղթականը կուսումնասիրէ իր յաղթանակի պատճառները՝ վաղը եւս յաղթանակելու համար, պարտուածը կանդրադառնայ իր պարտութեան պատճառներին՝ վաղը նրանցից խուսափելու նպատակով։ Մի տխուր բացառութիւն է կազմում աստուածապահ մեր ժողովուրդը։ Տարիներ են անցել Կարսի անկման օրէն, տարիներ, եւ <...> այդ բերդի շուրջը տեղի ունեցած ողբերգութեան մասին հրապարակում կայ ամեն ինչ, միայն ոչ ճշմարտութիւն»<sup>42</sup>։ Նժդեհը նշում է, որ այս մասին շատ են խօսում, մտաւորականից սկսած մինչեւ սափրիչը, «բայց ոչ ճշմարտութիւնը երեւան հանելու մտահոգութեամբ։ <...> եւ ամեն մէկը, որ տգիտութիւն եւ վատութիւն ունեցաւ իրենից դուրս փնտրելու աղէտի պատճառները՝ կրկնեց յիմարութիւններ միայն»<sup>43</sup>։ Նա գրում է. «Ընդունել ճշմարտութիւնը հանրապետական բանակի անյաջողութեանց մասին, պարզել Կարսի անկման իսկական

9960

<sup>42</sup> Գ. Նժդեհ, «Զատընտիր», էջ 84-85։

<sup>43</sup> Նոյնը, էջ 85։



պատճառները – կնշանակի պատասխանատուութեան բաժին ընդունել»: Նժդեհը յայտարարում է. «Կարսի ամօթը Հ. Հանրապետական կառավարութեանը չէ միայն, այլ ողջ հայ ժողովրդի: Չափում են, բաղխում են բանակները, բայց յաղթում կամ պարտում են ազգերը, ցեղերը<sup>44</sup>: Կարսի պատերի տակ պարտուողը հայ զինուորն ու զօրավարը չէին միայն, այլ բովանդակ հայութիւնը, հայ ժողովրդի՝ իր ամբողջութեան մէջ անմարտունակ, անարի, անմշակ հոգին:

Ահա՛ ճշմարտութիւնը, հայ երիտասարդ...»<sup>45</sup>:

Կարսի մարզի թուրքական գրաւումը վաւերացրած՝ Կարսի 1921 թ. հոկտեմբերի 13-ի դաշնագրի ստորագրումից շուրջ երկու ամիս անց՝ 1921 թ. դեկտեմբերի 9-ին համարեայ նոյնը գրել էր Ամենայն Հայոց բանաստեղծը: Յովհաննէս Թումանեանը Վենետիկ՝ Աւետիք Իսահակեանին ուղղած իր նամակում գրում է. «Կարճ ասեմ. մենք թէ՛ դրսից, թէ՛ ներսից քանդեցինք մեր երկիրը: Գլխաւորապէս մենք: Մենք են ասում, եւ սրա մէջն է ճշմարտութիւնը: Մի մասը՝ խաչագող սրիկաներ, մի մասը՝ գողեր ու աւազակներ, մի մասը՝ ապիկար թշուառականներ: <...> Եւքան աղէտների ու պարտութիւնների մէջ ո՛չ մի մեղաւոր չերեաց, ո՛չ ոք ոչ պատասխանի կանչուեց, ոչ պատասխան տուեց: <...> Եւ ոչ մէկը գոնէ անձնասպան չեղաւ<sup>46</sup>, որ ապացուցաներ, թէ գոնէ ամօթ ու խղճմտանք կայ եւ մարդկանց մէջ կամ եւ ժողովրդի մէջ: Բայց ես ի՞նչ եմ ասում – չկարողացան գոնէ վշտանալ կամ վշտացած երեւալ»<sup>47</sup>:

<sup>44</sup> Նոյնը հաստատում է նաեւ Հայ Գեղունին. «Բանակները իրարու դէմ պատերազմելու ատեն հոգեկան ծիրքերն են որ կչափուին երկու կողմերուն կամ թշնամիներուն միջեւ, ամեն բանէ աւելի» (ԿԱՊ, «Մարտկոց», 1932 թ., 10 նոյեմբերի, էջ 2):

<sup>45</sup> Գ. Նժդեհ, «Հատընտիր», էջ 86:

<sup>46</sup> Յովհաննէս Թումանեանը խտացնում է գոյները՝ իր խոր վրդովմունքն արտայայտելու համար: Նա չէր կարող չիմանալ երեք սպաների ինքնասպանութեան մասին: Հազարապետ Չիլինգարեանն ու գլխապետ Բագրատունին դաւանում էին բարոյական անանց արժէքներ, մինչդեռ գնդապետ Մազմանեանի ինքնասպանութիւնը աւելի շուտ սեփական մեղքերի քաւութեան համար էր, քան համազգային ամօթի զգացման հետեւանքով կատարուած քայլ, ինչպէս կտեսնենք այս ուսումնասիրութեան մէջ:

<sup>47</sup> Լեւոն Հախվերդեան, «Թումանեանը եւ հայոց պատմական ճակատագիրը», գրուել է 18 յունուար 2000-ին: Տե՛ս Լ. Հախվերդեան, «Մենք եւ մեր դժուար օրերը» (յօդուածների ժողովածու), Երեւան, 2000, էջ 59-60:

Նժդեհի եւ Թումանեանի դատողութեանը համահունչ է Կարսի նահանգապետ Ստեփան Ղորղանեանի տեսակետը, թէ Կարսի անկման եւ պետականութեան կործանման համար պատմութիւնը մեղադրեալների նստարանին տեղ վերապահած կլինի հայ հասարակութեան համար<sup>48</sup>:

Նոյնը հաստատում է նաեւ Անդրկովկասում Մեծ Բրիտանիայի բարձր կոմիսար, գնդապետ Ստոկսը՝ 1920 թ. դեկտեմբերի 24-ին իր կառավարութեանն ուղարկած ծածկագիր զեկուցագրում. «(Հայ - Գ. Ե.) ժողովրդի մօտ կռուելու կամքի բացակայութիւնը բացատրում է նրանով, որ հենց սկզբից համոզուած էին, թէ պայքարը իրենց ոյժերից վեր է»<sup>49</sup>:

Մի խօսքով՝ հայ ժողովուրդը հենց սկզբից չի ուզեցել կռուել:

Սա՛ է ճշմարտութիւնը Կարսի անկման մասին:

Տարօրինակ է, որ յուշագրողների մեծ մասը Կարսի անկումը համարում է «չսպասուած կորուստ», «անսպասելի», «անակնկալ» (Հայ Գեղունի)<sup>50</sup>, «անակնկալ», «անակնկալ նոյնիսկ զինուորական բարձր իշխանութեան համար» (Գարեգին արք. Յովսէփեան)<sup>51</sup>, «անակնկալ» (Կորիւն քահանայ Քոթանջեան)<sup>52</sup> եւ այլն, մինչդեռ, ըստ մեզ, այդ խայտառակ անկումը միանգամայն բնական, տրամաբանական ու օրինաչափ էր, եւ իսկական անակնկալն այն կլինէր, եթէ Կարսը թշնամու ձեռքը չանցնէր...

\* \* \*

Այսօր հայ-թուրքական հաշտեցման, ՆԱՏՕ-ի հետ գործակցութեան, զիջումների եւ փոխզիջումների մասին խօսակցութիւններով հայ հասարակութեան զգօնութիւնը բթացնող ամենատարբեր արարածները (ՀՀ նախագահ, պաշտպանութեան եւ արտաքին գործերի նախարարներ, զանազան տրամաչափի ու կշռի պետա-

<sup>48</sup> ՀԱԱ, ֆ. 477, ց. 1, գ. 14, թ. 69:

<sup>49</sup> <Armenia – Political and Ethnic Boundaries 1878-1948>, compiled by Anita Burdette, <Archive> Editions, London, 1998, pp. 659-660. Փաստաթղթի հայերէն թարգմանութիւնը տես «Ոգուն չապաւինելու արդիւնքը», էջ 59-60:

<sup>50</sup> ԿԱՊ, «Մարտկոց», 1932 թ., 29 հոկտեմբերի, էջ 1:

<sup>51</sup> «Ոգուն չապաւինելու արդիւնքը», էջ 41:

<sup>52</sup> «Բանբեր Հայաստանի արխիւների», թիւ 1, 2006, էջ 101:

կան պաշտօնեաներ, քաղաքական ապագային ոյժեր, խաղաղապաշտներ, խմբիչխաններ (օլիգարխներ), Եւրախորհրդին ՀՀ անդամակցութեամբ արբեցածներ, եւրոպական արժէքներից ճառողներ, ազգայնական-ցեղակրօն գաղափարախօսութեանը դաւաճանած կեղծ ազգայնական-նժդեհական դաշնակցա-հանրապետականներ, զոյնզոյն աղանդաւորներ, ստամտաւորականներ, վարձակ լրագրողներ, ծախու պատմաբաններ եւ այլն, եւ այլն, եւ այլն, հայկական թիկունքում հոգեբանօրէն նախապատրաստում են հայոց արեւելից կողմանց ազատագրուած տարածքների դաւաճանական յանձնումը թշնամուն, մի գուցէ՝ Մեղրու շրջանն ու ամբողջ Սիւնիքն էլ վերադիր...

Այսօր՝ Արցախեան ռազմաճակատներում տարած փառապանօ յաղթանակներից ընդամենը 13-15 տարի անց, հայ ժողովրդի ստուար հատուածը ապրում է պարտուողական հոգեբանութեամբ (որի ամենացցուն արտայայտութիւններն են Հայրենիքից շարունակուող ֆիզիկական եւ հոգեւոր արտագաղթերը): Մինչ Ադրբեջանում պետութեան ղեկավարից մինչեւ «չայխաններում» շաղակրատող ամենայետին ադրբեջանցի թշնամին օրնիբուն խօսում է Արցախին ի հարկին պատերազմով վերատիրանալու մասին ու այդ պատերազմին նախապատրաստում է, եւ առաջին հերթին՝ բարոյահոգեբանական ոլորտներում, հայկական միջավայրում յիշեալները հետեւողականօրէն տանում են պարտուողական քարոզչութիւն, մինչեւ իսկ հայ-թուրքական եւ հայ-ադրբեջանական բարեկամութեան (sic!) մասին են ցաբռտում<sup>53</sup>, կատարում են ազատամարտին մասնակից, բայց իրենց ուղեգծին հակառակողների հոգեբանական ոչնչացման հետեւողական աշխատանք: Այս գիծը այլ կերպ քան դաւաճանութիւն ՀՀ պետական եւ հայոց ազգային շահերին կարելի չէ գնահատել: Նրանց ծայնակցում են ՀՀ զանգուածային լրատուութեան դաշտի մեծագոյն մասը, պատեհապաշտ «մտաւորականութիւնը», ստոր յատկանիշներ կրող ամենատարբեր հայանուն արարածները: Այս հետեւողական աշխատանքի հետեւանքով այսօր հայոց մէջ խախտուել է հաւատը վերջնական յաղթանակի նկատմամբ, էականօրէն նահանջել են ազգա-

<sup>53</sup> 2006 թ. յուլիսի վերջին Հայաստանի Հանրապետական կուսակցութեան խորհրդի նախագահ «ընտրուած» ՀՀ պաշտպանութեան նախարար, Ազգային անվտանգութեան խորհրդի քարտուղար Սերժիկ Սարգսեանին (նրա անձնագրային անունն այս է) արժէ հարց տալ, թէ Գարեգին Նժդեհը ե՞րբ եւ որտե՞ղ է հայ-թուրքական բարի դրացիութիւն քարոզել...

յին ոգին, յարգանքը ազգային ու պետական արժէքների (ազգային եւ պետական միակ լեզու, հայոց պատմութիւն, հայկական մշակոյթ, Հայոց եկեղեցի, ՀՀ պետականութիւն եւ այլն) նկատմամբ եւ, որպէս բնական հետեւանքը այս ամենի, պայքարելու, դիմադրելու, տոկալու եւ յաղթանակելու կամքը: Իսկ նժդեհեան դիպուկ բնորոշումով՝ «թշնամու յաջողութիւնը սկսուում է հենց այն վայրկեանից, երբ իր դէմ կռուող բանակի հրամանատարութեան (մենք կաւելացնէինք՝ ժողովրդի - Գ. Ե.) մէջ սկսուում է տկարանալ յաղթանակելու հաւատը»<sup>54</sup>:

Եթէ տրամագծօրէն չըջենք այս կացութիւնը, հայութեան վերջնական կործանումը կդառնայ անխուսափելի, Կարսի խայտառակութեան կրկնութիւնից խուսափումը կդառնայ պատմական օրինաչափութիւնից շեղում, հրաշքի համագօր մի բան:

Իսկ հրաշքներ միշտ չեն պատահում...

Հինգ տարի առաջ, վերահրատարակելով Գարեգին արք. Յովսէփեանցի յուշագրութիւնը, մեր առաջաբանի աւարտին ահագանգ էինք հնչեցրել՝ հայ ժողովրդին կոչ անելով սքափուել խոր միրիից, չդաւաճանել ազգային ոգուն, «այլապէս Կարսը ամեն վայրկեան կարող է կրկնուել»<sup>55</sup>: Նոյնը կրկնում ենք այսօր՝ բազմակի ուժգնութեամբ, այլապէս ահագանգը անխուսափելիօրէն վերածուելու է համագգային մահագանգի՝ մի նոր 1915 թուականի...<sup>56</sup>

<sup>54</sup> Գ. Նժդեհ, «Հատընտիր», էջ 159:

<sup>55</sup> «Ոգուն չապաւինելու արդիւնքը», էջ 13: Նոյնն ասել ենք 2002 թ. դեկտեմբերի 20-ին Բէյրութում, «Լիբանանահայ գրական շրջանակի» սրահում «Կարսի անկման ներքին ծալքերը» խորագրով մեր դասախօսութեան ընթացքում:

<sup>56</sup> Երիտթուրքական յեղաշրջումից յետոյ Անդրանիկը կոչ էր անում այդ «յեղափոխութեամբ» հարբած, թուրքի հետ «եղբայրացած», յիմարացած հայութեանը չհաւատալ երեւոյթներին, լինել զգօն եւ սքափ, ապաւինել միայն եւ միայն սեփական ազգային ոգուն: Նրան շատ քչերը լսեցին: Ազգային հերոսի յորդորը չլսելու արդիւնքը հայ ժողովրդի պատմութեան մեծագոյն ողբերգութիւնն էր...

## Կարսի 1920 թ. անկման խորքային պատճառները

Քննարկելով Կարսի անկման եւ դրան յաջորդած՝ ՀՀ կործանման պատճառները, մենք քննարկելու ենք առաւելաբար գաղափարական, զուտ ռազմական եւ բարոյահոգեբանական բնոյթի պատճառները (իրենց ենթաբաժանումներով), թէւ երբեմն անդրադառնալու ենք այլ բնոյթի պատճառների, որովհետեւ բոլոր գործօնները օրգանապէս միահիւսուած են: Նոյն տրամաբանութեամբ յայտնում ենք, որ պատճառների բնոյթի մեր դասակարգումն ու ենթադասակարգումը պայմանական են. որոշ ռազմական սխալներ իրենց խորքում ունեն գաղափարական, բարոյահոգեբանական նախապատճառ(ներ) եւ հակառակը: Հետեւաբար հարկաւոր է միշտ նկատի ունենալ մեր դասակարգման ու ենթադասակարգման պայմանական բնոյթը:

### Ա. Կարսի անկման եւ ՀՀ բանակի քայքայման գաղափարական պատճառները

Գաղափարական եւ ոգեղէն ոլորտներով պայմանաւորուած պատճառները համարում ենք որոշիչ եւ առաջնային: Դրանց բացակայութիւնից կամ թուլութիւնից են ածանցւում միւս բոլոր պատճառները:

#### *Ա. 1. Բանակի հրամկազմի ապազգային նկարագիրը եւ նրա մէջ հայկական պետականութեան գաղափարի թուլութիւնը կամ բացակայութիւնը*

ՀՀ բանակի բարձրաստիճան սպայակազմի (գեներալներ, գնդապետներ եւ փոխգնդապետներ) զգալի մասը ցարական բանակի ոչ հայազգի (հիմնականում՝ ռուս) սպաներ էին՝ Ջինգելիչ, Երուսալիմսկի, Օռլովսկի, Նեստերովսկի, Մեդվեդեւ, Կորոլկով, Շնէուր, Գրոոս, Բաբաջանով եւ այլն: Գեներալների դաւադրութեան հետեւանքով Կարսի բերդի հրետանու հրամանատարութիւնից մինչեւ ուղն ու ծուծը հայ եւ հմուտ գնդապետ Ջանփոլադեանի՝ բոլշեւիկ լինելու անհիմն մեղադրանքով հեռացուելուց<sup>57</sup> յետոյ նրա փոխարէն նշանակուեց բուլղար գնդապետ Բաբաջանովը: Գեներալ Արտեոմ Յովսէփեանի շտաբի պետն էր լեհ փոխգնդապետ Սիգիզմունդ Գրոոսը:

<sup>57</sup> ՀԱԱ, ֆ. 477, ց. 1, գ. 7, մաս 3, թթ. 427-430:

Հայազգի բարձրաստիճան հրամանատարների ջախջախիչ մեծամասնութիւնը նոյնպէս օտար էր իր իսկ Հայրենիքում: Նրանք «ոչ միայն անձանօթ էին հայ լեզուին ու իրականութեանը, այլեւ հայ զօրքին»<sup>58</sup>, հոգեբանօրէն չէին նոյնացել իրենց ազգի ու նրա պատմամշակութային ժառանգութեանը (ներառեալ՝ հազարամեակների ավանդոյթներ ունեցող հայկական ռազմարուեստին ու հայ զինուորականութեան պատուոյ վարքականոնին<sup>59</sup>), հետեւաբար չէին կարող ունենալ ազգային արժանապատուութեան զգացում, ինչպէս եւ ազգի առաջ պատասխանատուութեան գիտակցութիւն<sup>60</sup>: Նրանք հոգեբանօրէն չէին նոյնացել հայկական հողին, ուստի նրանց համար այդ հողի պահպանումը կամ կորուստը չէր կարող որպէս անձնական պատուի հարց կամ ողբերգութիւն ընկալուել: Հայ ազգի հետ նրանց առնչութիւնները սահմանափակւում էին իրենց ազգային ծագման մասին յիշողութեամբ եւ ոչ արեւին: Նրանց մէջ չէր նկատուում նոյնիսկ «էթնիկական երկատուածութեան» երեւոյթ<sup>61</sup>: Գերագոյն հրամանատար, գեներալ-լեյտենանտ Թովմաս Նազարբեգեանն ընդամենը մի քանի բառ գիտեր Թիֆլիսի հայոց բարբառից, իսկ գեներալ-մայոր Դանիէլ-բեգ Փիրունեանը՝ Արցախի բարբառից: Միւս հայազգիների մեծագոյն մասը մէկ բառ իսկ հայերէն չգիտեր եւ ամենադոյզն ճիգ էլ չէր անում սովորելու պետութեան պաշտօնական միակ լեզուն: Ռուսական դպրոցներում սովորած սպաները հայ էին «անուճով միայն, մեծ մասը ցարական ռեժիմի մարդիկ էին, անտեղեակ՝ մեր կեանքին, անգիտակ՝ մեր լեզուին: Շատերը լաւ հայեր էին, բայց ոչ հայրենասէրներ»<sup>62</sup>: Մի մասը <...> պարզ վարձկան էր, օտար՝ մեր ծագումներին, մեր ժողովրդի կարիքներին: <...> Կառավարութիւնը

<sup>58</sup> Վահէ Արծրունի, «Հայ-տաճկական պատերազմը – Հայ սպայութիւնը – Շատախ», Երեւան, 2002, էջ 62:

<sup>59</sup> Այս մասին տես Արմէն Այվազեան, «Հայ զինուորականութեան պատուոյ վարքականոնը», Երեւան, 2000:

<sup>60</sup> Տես Ալբերտ Նալչաջեան, «էթնիկական հոգեբանութիւն», Երեւան, 2001, էջ 61-62:

<sup>61</sup> Այսինքն՝ «նոյն անձի մէջ երկու էթնիկական եւ-կոնցեպցիաների գոյակցութիւնը» (նոյնը, էջ 460):

<sup>62</sup> Բացարձակապէս համաձայն չենք նման գնահատականին: Ոչ հայրենասէր, ազգային լեզուն արհամարհող հայազգի արարածը չի կարող հայ համարուել:

չկարողացաւ վերակազմել մեր զօրքը ազգային հիմունքներով»<sup>63</sup>: Բարձրաստիճան «հրամանատարներից շատերը երազում էին ռուսական զօրքի մուտքը Հայաստան եւ դենիկինեան օրերին բարձրաձայն մեր բանակը համարում էին մի զօրամաս ռուսական Կամաւորական բանակի»<sup>64</sup>: Նրանք «անկախ Հայաստանը համարում էին ժամանակաւոր մի երեւոյթ, որ պիտի չքանար ռուսական ազդեցութեան տակ»<sup>65</sup>: Անհնար է առանց արգահատանքի կարդալ Կարսի նահանգապետ Ստեփան Դորդանեանի արձանագրած հետեւեալ տողերը. «Արհամարհալից եւ հեզնօրէն, այդ գեներալները եւ գնդապետները ծաղրում էին «հայկական սուլտերնիտետը», դրուատում էին ռուս պետական անցուդարձը, հայ մինիստրներին «խմբապետներ» անուանում եւ կառավարութեան պահանջը բանակի ազգայնացման մասին զաւելչտ[,] զառանցանք համարելով, այդ առիթով ռուսերէն էին սրախօսում... Բաժակաճառերը վերջանում էին ռուսերէն «ռու[ն]այով», ուր բոլորի հայեացքը դառնում էր դէպի հիւսիս»<sup>66</sup>: Նոյն աղբիւրը արձանագրում է նաեւ. «Մեր հրամանատար կազմը, առանձին առանձին եւ բոլորը միասին, ժամանակաւոր հիւրեր էին համարում իրանց Հայկական բանակում»<sup>67</sup>:

Բարձրաստիճան հրամանատարութիւնը մի աշխարհ էր, իսկ զինուորութիւնը՝ ամբողջովին մէկ այլ աշխարհ, «հայկական

<sup>63</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 67-68: Բարձրաստիճան սպայութեան ապագային դիմագծի, վարձկանի հոգեբանութեան եւ նրա ու շարքային զինուորութեան միջեւ խորը անդունդի մասին տես նաեւ ՀԱԱ, ֆ. 477, ց. 1, գ. 7, մաս 1, թթ. 84, 159, մաս 2, թթ. 197, 235-236, 252, 255, 284: Նոյնը, գ. 18, թ. 66, գ. 16, թ. 47:

<sup>64</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 67: Նոյնը հաստատում է նաեւ Բիւրօ-կառավարութիւնում ներքին գործերի եւ ռազմական նախարար, երկրի փաստական դիկտատոր Ռուբէն Տեր-Մինասեանը (Ռուբէն, «Հայ յեղափոխականի մը յիշատակները» հ. է, Լոս Անջելոս, 1952, էջ 214. մէջբերուել է Արարատ Յակոբեանի «1920 թ. թուրք-հայկական պատերազմի պատմութեան փորձն ու դասերը» գրքոյկից, էջ 28): Այս խայտառակ խոստովանութիւնից յետոյ կարելի է արդեօք Հայաստանի առաջին Հանրապետութիւնը անկախ պետութիւն համարել...

<sup>65</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 68: Տես նաեւ Անանուն, «Ազատ, անկախ եւ միացեալ Հայաստանի վերջին օրերը», էջ 40: ՀԱԱ, ֆ. 477, ց. 1, գ. 7, մաս 3, թ. 403, գ. 18, թ. 60:

<sup>66</sup> ՀԱԱ, ֆ. 477, ց. 1, գ. 7, մաս 3, թ. 400:

<sup>67</sup> Նոյնը, մաս 2, թ. 236:

քաղաքական միտքը եւ զինուորական դասը անջատ եւթիւններ էին...»<sup>68</sup>: Հայրենասիրական ջիղ, լրջութիւն, բանիմացութիւն եւ ռազմական պատուախնդրութիւն ինչ-որ չափով ունեցել են միայն գեներալ-լեյտենանտ Մովսէս Սիլիկեանը (թեւեւ նա էլ հայերէն չգիտէր<sup>69</sup>) եւ Հայոց բանակի առաջին գնդի երբեմնի հրամանատար, գնդապետ Յարութիւնեանը: Այդուհանդերձ Սիլիկեանը «ճակատագրական այս պատերազմում <...> իրեն լաւ կողմերով չդրսելորեց»<sup>70</sup>:

Ձինհրամանատարների ապագային-հակաազգային եւ հակապետական նկարագիրը դրսեւորուել է նոյնիսկ թուրքական գերութեան մէջ: Ըստ Արտ. Բաբալեանի վկայութեան՝ «Կարսում գերութեան մէջ գտնուող ռուսահայ սպաների մեծ մասն ուրախ էր, որ Հայաստանում խորհրդային իշխանութիւն էր հաստատուել», եւ «միայն երեք-չորս հոգով էինք հոգով-սրտով տանջուում մեր երկրի կորուստով: Միւսները դէն նետեցին ռուսադիրները եւ սկսեցին օգտագործել «ընկեր» բառը»<sup>71</sup>:

Բոլոր յուշագրողները շեշտում են այն միտքը, որ ՀՀ-ն թեւ ունեցաւ զինուորութիւն եւ զինուորական հրամանատարութիւն, բայց չկրցաւ ստեղծել ազգային բանակ<sup>72</sup>: Ուստի «նա, բնականաբար, պետք է պարտուեր»<sup>73</sup>:

<sup>68</sup> ՀԹՊ, «Հայրենիք», 1926, թիւ 11, էջ 110: Օտար եւ օտարացած հայազգի բարձրաստիճան հրամանատարների մէջ պետութեանը իր նուիրուածութեամբ առանձնացել է... ռուս Նեստերովսկին. նա «տարօրինակօրէն կապուած էր Հայաստանին», որն համարել է «իր նոր ու հարազատ հայրենիքը»: Ասողներ էլ կային, որ քաջ համարուող չորրորդ գնդի «իսկական փառքն ինք՝ փոխգնդապետ Նեստերովսկին էր» (Վահէ Արծրունի, նշ. աշխ., էջ 60):

<sup>69</sup> ՀԱԱ, ֆ. 477, ց. 1, գ. 7, մաս 3, թթ. 362, 393: Արժէ նշել, թէ Սիլիկեանը ազգութեամբ ուղի էր:

<sup>70</sup> Արարատ Յակոբեան, «1920 թ. թուրք-հայկական պատերազմի պատմութեան փորձն ու դասերը», էջ 19:

<sup>71</sup> Կտրիճ Սարգարեան, «Հայ-վրացական յարաբերութիւնները 1918-1921 թթ.», Երեւան, 2002, էջ 176:

<sup>72</sup> Այս մասին տես, օրինակ, ՀԹՊ, «Հայրենիք», 1926, թիւ 11, էջ 108: Վահէ Արծրունի, նշ. աշխ., էջ 57:

<sup>73</sup> ՀԱԱ, ֆ. 477, ց. 1, գ. 9, թթ. 1-2: Ոգով, հոգեբանութեամբ եւ քաղաքական իդէալներով ազգային բանակի չգոյութիւնը հաստատելով հանդերձ, պատմաբան Ա. Յակոբեանը աւելի մեղմ է արտայայտուում՝ յայտնելով, թէ «նման բանակից հազիւ թէ հնարաւոր էր շօշափելի յաջողութիւններ

**Ա. 2. Բարձրաստիճան սպայակազմի լեզուամտածողութիւնն ու օտարամոլութիւնը**

Օտարամոլութիւնն առաջին հերթին արտայայտուում է ազգային լեզուի անտեսումով, քանի որ ազգային լեզուն եւ ազգային ինքնագիտակցութիւնը անխզելիօրէն փոխկապակցուած երեւոյթներ են<sup>74</sup>: Իսկ ի՞նչ ենք տեսնում ԶԶ բանակում:

Վերելում անդրադարձանք Զայոց բանակի բարձրաստիճան հրամանատարների՝ ազգային-պետական միակ լեզուի նկատմամբ վերաբերմունքին: Մի քիչ աւելի մանրամասնենք այս հարցը:

ԶԶ բանակի այդ հրամանատարները հայ զինուորների հետ խօսում էին... թարգմանիչի միջոցով: Ուշագրաւ է այն փաստը, որ Կարսի անկումից մի քանի օր առաջ, ժամանելով բերդաքաղաք, գերագոյն հրամանատար Նազարբեգեանն ուզեցել է դիմել զօրքին՝ հայերէնով, բայց հազիւ կարողացել է արտաբերել «կեցցէ՛ Զայաստան», այն էլ «մեր ականջին օտար եւ խորթ առողանութեամբ», որով մի անգամ էլ երեւաց «այն վիհը, որ բաժանում էր մեր հրամանատար կազմը հայ զինուորից եւ հայ ժողովրդից...»<sup>75</sup>:

Մեր հանդումով՝ հայոց լեզուի նկատմամբ անարգական մօտեցումը էական դեր է կատարել Կարսի անկման եւ, առհասարակ, հայկական առաջին հանրապետութեան վերացման հարցում: Յիշատակենք առաւել արտառոց վկայութիւններից ընդամենը երկուսը:

«Սեպուհը բանակի շտաբից հեռագիր ստացաւ, որը ես թարգմանեցի: Բանակն է, վերջապէս երկու տարուայ անկախ պետական կեանք ունենք, եւ դեռ կառավարական հաստատութիւնների եւ զօրական շտաբների գրութիւնները կատարուում են ռուսկանկալել» (Արարատ Յակոբեան, «1920 թ. թուրք-հայկական պատերազմի պատմութեան փորձն ու դասերը», էջ 28):

<sup>74</sup> Ալբերտ Նալչաջեան, «Էթնիկական հոգեբանութիւն», էջ 61-62:

<sup>75</sup> ԶԱԱ, ֆ. 477, ց. 1, գ. 7, մաս 3, թթ. 371-373: Չափազանց հետաքրքրական է նաեւ այն փաստը, որ ԶԶ բանակի անյաջողութիւնների շարանի օրերում, Նազարբեգեանը «թողել էր ռուս պաշտօնագրեստը եւ պճնուել էր հայկական զինուորական տարազով: <...> Այդ օրերում նա հագնում էր իր փառաւոր անցեալի պատուալից գլխաւոր շքանշանները» (Նոյնը, գ. 9, թ. 3): Յիշեցնենք, որ Կիլիկիայի հայկական թագաւորութեան վերջին օրերին, երբ պետութեան տարածքը սահմանափակուել էր մայրաքաղաք Սսի միջնաբերդով, վերջին թագաւորը՝ Լեւոն Զ Լուսինեան պղնձե ցածրարժէք փող է թողարկել՝ «Լեւոն թագաւոր ամենայն հայոց» «պատուալից» մակագրութեամբ... աղանդ ից որսաւ ցիխանագ մանն»

սերէն, սա ի՞նչ խայտառակութիւն է, ուզում էի հրաժարուել կարդալ եւ թարգմանել հեռագիրը, բայց Սեպուհից քաշուեցի, չնայած սա ամենից շատ է ատում օտարամոլութիւնը»<sup>76</sup>: «Սեպուհի կայանը բուն հայկական շտաբ էր, ոչ մի ռուսական խօսք եւ ոչ մի ռուսախօս ու ռուս»<sup>77</sup>:

Յատկանշական է նաեւ հետեւեալ օրինակը. «Կարս ժամանած 20 սահմանապահ սպաներից 17-ը ռուսներ էին, երեքն էլ հայեր, <...> (որոնք - Գ. Ե.) հայերէն ոչ մի բառ չգիտէին», իսկ վրացական սահմանապահ զօրքի հրամանատարները «բացառապէս վրացիներ էին եւ բացառապէս վրացերէն խօսող ու մտածող»: Այս հայանուն սպաները «նոյնիսկ ծաղրում էին իրանց մայրենի լեզուն»<sup>78</sup>: «Ես չէի հասկանում, հայկակա՞ն հաստատութիւն է այդ, թէ՞ նախկին ռուսական, ուր յօշոտուում եւ ծաղրի է ենթարկուում հայկական իշխանութիւնը», - վրդովուած գրում է Կարսի նահանգապետն իր յուշերում<sup>79</sup>:

Ազգային ու պետական լեզուի եւ հայկական պետականութեան նկատմամբ անարգական վերաբերմունքի արտայայտութիւն են հետեւեալ երկու դէպքերը, որոնց «հերոսն» է գեներալ Յովսէփեանը: Ֆրանսիայի ռազմական ներկայացուցիչ Պուադեբարը երբ Կարսում հայոց բանակի գնդերին դիմում է հայերէնով, «Ֆրանսիացու հայերէն արտասանած այդ ողջոյնը, ի մեծ խայտառակութիւն ներկայ հայ հասարակութեան, ստիպուած էին ռուսերէն թարգմանելու... հայ գեներալին...»<sup>80</sup>: Էթնոհոգելեզուական վերլուծութեան համար շատ աւելի ուշագրաւ է նոյն ականատեսի՝ Կարսի նահանգապետ Ստեփան Ղորղանեանի երկրորդ վկայութիւնը.

<sup>76</sup> Անանուն, «Ազատ, անկախ եւ միացեալ Զայաստանի վերջին օրերը», էջ 21: Նոյնը հաստատում է նաեւ Ստ. Ղորղանեանը (ԶԱԱ, ֆ. 477, ց. 1, գ. 7, մաս 1, թ. 64):

<sup>77</sup> ԶԱԱ, ֆ. 477, ց. 1, գ. 6, թ. 69: Տե՛ս նաեւ Նոյնը, գ. 7, մաս 2, թ. 204: Նոյնը, մաս 3, թթ. 389-390:

<sup>78</sup> Նոյնը, մաս 1, թ. 151:

<sup>79</sup> Նոյնը, թ. 153:

<sup>80</sup> ԶԱԱ, ֆ. 477, ց. 1, գ. 7, մաս 3, թ. 402: Ցաւով արձանագրում ենք, որ Զայաստանի երրորդ Զանրապետութեան երկու բարձրաստիճան զինուորականների (գեներալ-գնդապետներ), ինչպէս եւ ԶԶ ու ԼԴԶ մի շարք գեներալ-լեյտենանտների ու գեներալ-մայորների լեզուն եւ լեզուամտածողութիւնը այսօր եւս ռուսերէնն է, իսկ «հայախօսների» մեծ մասը հայոց լեզուն պարզապէս խոշտանգում է...

«Երբ Անտանտը ճանաչեց Հայկական հանրապետութիւնը<sup>81</sup>, այդ առիթով Կարսում եկեղեցական մաղթանք կատարուեց եւ մեծ զօրահանդես: Երբ ես կարդացի մինիստր-նախագահի այդ առիթով հեռագիրը, ժողովուրդը եւ զօրքը ցնծալից «կեցցէ» էր գոչում: Բայց ռուսախօս մի գեներալ՝ գեմ. Յովսէփեան, խոժոռ աչքեր անելով հայ գունարտակներին, հրամանալից կրկնում էր — her<sup>82</sup>, ուռռա, ուռռա, կարծես հաւանութիւն չտալով հայկական զգացմունքների իւրայնի արտայայտութեանը...»<sup>83</sup>:

Այդուհանդերձ ՀՀ ղեկավարութիւնը համապատասխան լուրջ միջոցների չդիմեց՝ պետական մարմիններում եւ յատկապէս բանակում լեզուական խայտառակ իրավիճակը հիմնովին փոխելու: Աւելին՝ նրա ձեռնարկած մի քանի միջոցառումները ոչ միայն չգործադրուեցին, այլեւ դրանով իսկ էլ աւելի վարկաբեկեցին պետականութեան զաղափարը: Այդ միջոցառումներից էր ՀՀ կառավարութեան 1920 թ. մայիսի 30-ին հաստատած «Պետական լեզուն չիմացող պաշտօնեաների լիկվիդացիայի մասին» օրէնքը, որն այդպէս էլ մնաց թղթի վրայ<sup>84</sup>:

<sup>81</sup> Սպիտակ ռուսների հետ մաներելու հնարաւորութիւնը բաց չթողնելու համար, դաշնակից պետութիւնները իրողապէս (դէ ֆակտո) ճանաչեցին ոչ թէ Հայաստանի Հանրապետութիւնը, այլ նրա կառավարութիւնը:

<sup>82</sup> Նիէթ, «Ոչ» (ռուսերէն):

<sup>83</sup> ՀԱԱ, ֆ. 477, ց. 1, գ. 7, մաս 3, ք. 401:

<sup>84</sup> Այս օրէնքը յայտարարելով «ժամանակավրէպ», պատմաբան (այժմ՝ պատմական գիտութիւնների թեկնածու) Վանիկ Բաբաջանեանը դա համարում է «աւելի շատ արդիւնք Բիւրօ-կառավարութեան ոչ ռուսական հակումների». տես Վանիկ Բաբաջանեան, «Միջկուսակցական յարաբերութիւնները Հայաստանի Հանրապետութիւնում բոլշեւիկեան հակապետական ելոյթների եւ դրանց հետեւանքների յաղթահարման շրջանում (1920 թ. մայիս-օգոստոս)», Երեւան, 2006, էջ 15: Մեր համոզմամբ, երկու տարի առաջ անկախութիւն հռչակած որեւէ պետութեան մէջ նման օրէնքի ընդունումը ոչ միայն չի կարող «ժամանակավրէպ» լինել, այլ պատմական անհրաժեշտութիւն է, այլապէս պետականութեան հիմքերը չեն կարող ամրապնդուել, ինչն էլ կառաջնորդի նրա կորստին, ինչպէս եղաւ Հայաստանի առաջին Հանրապետութեան պարագային: Եւ մենք, ահազանգ հնչեցնելով աւելի քան 15 տարի առաջ անկախութիւն հռչակած ՀՀ-ում ազգային ու պետական ՄԻԱԿ լեզուի այսօրուայ դիրքերի խայտառակ թուլութեան փաստի կապակցութեամբ, զգուշացնում ենք, որ նման վարքագիծը կարող է յանգեցնել պետականութեան կորստին:

Օտարագգի եւ հայանուն, բայց ազգուրաց գեներալներին ու գնդապետներին հովանաւորում էր զօրաց նախարար, ազգային ազատագրական պայքարի առաջամարտիկ եւ ազգային արժեքների պահպանութեան նախանձախնդիր կուսակցութեան՝ ՀՅԴ անդամ, նրա Բիւրոյի միանձնեայ փաստական ղեկավար Ռուբեն Տէր-Մինասեանը<sup>85</sup>:

Ինչպէս վերելում նշեցինք, բարձրաստիճան զինուորականները աչքի չէին ընկնում նաեւ անկախ պետականութեան նկատմամբ նուազագոյն յարգանքով, իրենց աւելի վատ դրսեւորելով քան վարձկանները: Բաւարարուենք մի քանի առաւել արտառոց օրինակներով<sup>86</sup>:

Գնդապետ Նիկոլայ Ղորղանեանը «մեկ բառ հայերէն չէր գիտեր», իսկ Սմբատը եւ զինուորները, որոնց անմիջական հրամանատարն էր նա մինչեւ փոխարինուելը Սեպուհով, «բացի հայերէնէ ուրիշ որեւէ լեզու չէին գիտեր»: Մայիսեան խռովութիւնների ժամանակ բոլշեւիկները նրան նշանակել էին իրենց շտաբի պետ, եւ նա «ենթարկուած էր խռովարարներուն»<sup>87</sup>: Խռովութեան ճնշումից յետոյ նրան ոչ ոք պատասխանատուութեան չկանչեց, եւ նրան վստահուեց Կարսի ռազմաճակատի աջ թելը, ուր նա միայն անյաջողութիւններ արձանագրեց<sup>88</sup>:

ՀՀ առաջին ռազմական նախարար (1918 թ. յունիս – 1919 թ. մարտ) եւ բանակի գլխաւոր շտաբի պետ գեներալ Յովհաննէս Հախվերդեանը «սրտով փարած չէր Հայաստանի դատին»<sup>89</sup>, «նա չէր հաւատում հայկական իշխանութեանը, հայոց հանրապետութիւնը նա պարապ ժամանակի զբաղմունք էր համարում»<sup>90</sup>: Մի

<sup>85</sup> ՀԱԱ, ֆ. 477, ց. 1, գ. 7, մաս 3, ք. 341:

<sup>86</sup> Այդ օրինակները այնքան շատ են, որ կարելի է դրանցով... հատորներ կազմել:

<sup>87</sup> ՀԹՊ, «Հայրենիք», 1926, թիւ 4, էջ 83:

<sup>88</sup> Այս պատեհապաշտ եւ անկայուն արժեհամակարգ ունեցող զինուորականին բոլշեւիկները յետագայում «վարձատրեցին». 1921 թ. փետրուարեան ապստամբութեան օրերին նրան կացնահարեցին Երեւանի բանտում:

<sup>89</sup> Վահէ Արծրունի, նշ. աշխ., էջ 382:

<sup>90</sup> ՀԱԱ, ֆ. 477, ց. 1, գ. 7, մաս 3, ք. 406: Այս տեսակետից բնութագրական է ինձ հետ պատահածը. երբ ՀՀ-ում հայոց լեզուի խայտառակ վիճակին վերաբերող իմ մի նամակի լուսապատճենը տարել էի Հայաստանի գրողների միութիւն՝ յանձնելու նախագահ Լեւոն Անանեանին, նրա բացակայութեան պատճառով եղայ ՀԳՄ քարտուղարներից Յովիկ Հովեանի



առիթով Կովկասեան ռազմաճակատի հրամանատարներից Չեռնո-գուբովը նրա մասին ասել էր, թէ «այս հիանալի մարդու ամենամեծ առաքինութիւնն իր հայ չլինելն է»<sup>91</sup>:

Նոյն «առաւելութիւնն» ունէր Գր բանակի գլխաւոր հրամա-նատարը՝ գեներալ-լեյտենանտ Թովմաս Նազարբեգեանը: Գայկա-կան կորպուսում, այնուհետեւ Գր բանակում նրա կողքին ծառա-յած, ցարական բանակի սպայ, ծագումով էլզասլոթարինգիացի գնդապետ Ալեքսանդր Շնեուրը, նրան «քաջ, ազնիւ եւ ամենքից սիրուած» համարելով հանդերձ, արեւելացնում է. «Ծագումով նա հայ էր, սակայն իրեն ռուս էր համարում եւ հայերէն չէր խօսում»<sup>92</sup>: Ահա թէ ինչպիսի ազգային ու պետական մտածողութեան տէր է եղել իբրեւ թէ անկախ Գայաստանի Գանրապետութեան առաջին զինուորական դէմքը, ում վստահուել էր հայոց Գայրեմիքի պաշտ-պանութեան յոյժ պատասխանատու գործը...

Չափազանց բնութագրական է հետեւեալ ամօթալի փաս-տը: 1919 թ. ամառը Գր խորհրդարանի շէնքի մի սենեակից լսում է ռուսերէն մի երգ: Խորհրդարանի փոխնախագահը եւ ուրիշներ շտապում են այնտեղ՝ ստուգելու, թէ ինչ է կատարուում: Պարզուում է, որ Գր բանակի բարձրաստիճան սպաները երգում էին ցարական Ռուսաստանի «Բոժէ, ցարեա խրանի» հիմներգը. Գր ղեկավարու-թիւնից առաջ լսել էին, որ իրենց կուռքը՝ այդ օրը երեւան հասնող գնդապետ Զինգելիչը, նշանակուել է Դենիկինի դիւանագիտական ներկայացուցիչ Գր-ում... «Ի զուր Տիգրանեանը»<sup>93</sup> սաստեց եւ խորհրդարանի անունով սպառնաց հայ սպաներուն: Ընդհակա-

մօտ: Սա ինձ յամառօրէն փորձում էր համոզել, որ Գր-ն ապագայ չունի եւ թէ 25, առաւելագոյնը՝ 50 տարուց կործանուելու է: Եւ, ո՛վ զարմանք, մի քանի օր անց, երկու օրական օրինացերկրական կուսակցական դարձած սոյն անձը նշանակուեց... Գր մշակոյթի եւ երիտ. հարցերի նախարար, ապա խուլիզանութեան համար հեռացուեց, այնուհետեւ նշանակուեց պետական մէկ այլ պաշտօնի: Ահա թէ ինչպիսի «փայլուն» «մտաւորա-կաններ» եւ ղեկավարներ ունի նաեւ երրորդ հանրապետութիւնը...

<sup>91</sup> Վահէ Արծրունի, նշ. աշխ., էջ 382: Գեներալ Գայսվերդեանի ապագ-գայնութեան մասին յարեւելալ տես ՅԱԱ, ֆ. 477, ց. 1, գ. 12, թ. 80:

<sup>92</sup> Անդրէ Ամուրեան, «Գնդապետ Ալեքսանդր Շնեուրի յուշերը», Ֆրեզնօ, 1967, էջ 39: Մեր կարծիքով՝ էլ արեւի դատապարտելի է, որ չէր էլ ուզում սովորել, նոյնիսկ արեւի քան 2 տարի ծառայելով մի պետութեան բանա-կում, որի պետական միակ լեզուն հայերէնն էր:

<sup>93</sup> Սիրական Տիգրանեանը Գր խորհրդարանի փոխնախագահն էր:

ռակն, քանի ան արեւի լուրջ բնոյթ տուաւ իր սպառնալիքին, սպա-ներն արեւի ոգեւորուած երգեցին ցարական պաշտօնական երգը» եւ «իրենց տուները ցրուեցան անարգել»<sup>94</sup>: Նման արտառոց դէպք է եղել նաեւ 1919-ի աշնանը՝ Նազարբեգեանի՝ Կաղզուան այցի ժամանակ: Սպարապետի պատուին տրուած խնջոյքի ժամանակ գաւառի զօրամիաւորումների հրամանատար գնդապետ Շաղու-բաթեանը<sup>95</sup> կենաց է առաջարկում ի պատիւ սպիտակզվարդիա-կան գեներալ Պետր Վրանգելի եւ «արտասուքը աչքերին իղձ է յայտնում նորից տեսնել «ռուս իշխանութիւնը Կովկասում...» »: Այս փաստն արձանագրող Ստ. Դորդանեանն արեւելացնում է. «Բայց արեւի զարմանալի է, որ հայ գեներալներն ու բազմաթիւ հայ սպա-ները ոչ միայն չեն բողոքում այդ անամօթ յայտարարութեան դէմ, այլեւ իրենց «ուռռաներով» գալիս են ծայնակցելու այդ ռուսախօս եւ ռուսամոլ գնդապետին»<sup>96</sup>:

Իհարկէ, նմանատիպ «ազգուրաց հայ սպաներ»-ից<sup>97</sup> ոչ ոք պատասխանատուութեան չի կանչուում իբրեւ թէ անկախ հանրա-պետութեան վարկին հասցրած անարգանքի համար, պետութիւն, որի ծառայողներն էին նրանք<sup>98</sup>...

Ստրկամտութիւնն ու ստորաքարշութիւնը հասել էին այն-պիսի ահռելի չափերի, որ «անգամ մեր հասարակական մեծարժէք դէմքերէն մէկը ուրիշներու ներկայութեան կրկնել էր. «Երանի թէ

<sup>94</sup> Վահէ Արծրունի, նշ. աշխ., էջ 370-371: Որ ցարական հիմնը Գր բանակի բարձրաստիճան հրամանատարների ամենասիրած երգերից էր եւ ապա-հովում էր նրանց «շատ բարձր տրամադրութիւն»-ը, հաստատում է նաեւ Ստ. Դորդանեանը (ՅԱԱ, ֆ. 477, ց. 1, գ. 7, մաս 3, թթ. 399, 401-402):

<sup>95</sup> Նրա ազգանունը որոշ աղբիւրներում նշուում է «Շահբուդաղեան» ձեւով:  
<sup>96</sup> ՅԱԱ, ֆ. 477, ց. 1, գ. 7, մաս 3, թթ. 400-402:

<sup>97</sup> Վահէ Արծրունի, նշ. աշխ., էջ 371:

<sup>98</sup> Գամանման երեւոյթներ այսօր եւս հանդիպում են այսօրուայ Գր-ում՝ անկախութեան հռչակումից արեւի քան 15.5 տարի անց: Պետական բարձրաստիճան քաղաքական եւ զինուորական պատասխանատուներ Գր-ում տեղի ունեցող միջոցառումների ժամանակ խօսում են ոչ պետա-կան լեզուով՝ թքած ունենալով Գր Սահմանադրութեան 12-րդ յօդուածի (որը հայերէնը հռչակում է պետութեան միակ լեզուն), «Լեզուի մասին» Գր օրէնքի եւ հայոց ազգային զգացումների վրայ ու մնում անպատիժ՝ Լեզ-ուի պետական տեսչութիւն կոչուող գերատեսչութեան անուանական գո-յութեան պայմաններում... Իր պաշտօնական խօսքը Գր-ում օտար լեզ-ուով արտասանած վերջին «հերոսներից» է Գր մշակոյթի եւ երիտասար-դութեան հարցերի ամենավերջին նախարարը՝ Յասմիկ Պողոսեանը:

Ռուսաստանը 1914-ի սահմանների վրայ լինելը, թող ես էլ նրա բանտումը լինեի»<sup>99</sup>:

Թոյլ էր նաեւ պետական ծառայողների մեծ մասի ազգային-պետական մտածողութիւնը: Արտառոց է այն փաստը, որ պետութեան առաջին դէմքը՝ մինիստր-նախագահ (վարչապետ) Ալեքսանդր Խատիսեանը, 1919 թ. նոյեմբերի առաջին կեսին ՅՅ հիւսիսարեւելեան շրջաններ իր այցի ընթացքում նոյեմբերի 6-ին Արդահանում մտնում է քաղաքը բաժանող գետի հանդիպակաց ափին տեղակայուած վրացական զօրամասը<sup>100</sup> եւ այնտեղ ելոյթ ունենում... վրացերէն՝ խօսելով հայ-վրացական բարեկամութեան մասին եւ «կեցցէ» գոռում ի պատիւ վրաց հանրապետութեան<sup>101</sup>: Մինչեւ պետութեան կործանումը իշխող կուսակցութիւնը՝ ՅՅԴ-ն, այդպէս էլ չհասկացաւ, որ կուսակցութիւնը մի բան է, իսկ պետութիւնը՝ մէկ այլ բան, աւելի ճիշտ՝ կուսակցութիւնից աւելի բարձր արժէք<sup>102</sup>: Օրինակ՝ «ՅՅԴաշնակցութեան Բիւրօն որոշել է Ալեքսանդրապոլից փախած պետական հաստատութիւնների պաշտօնեաներին կուսակցական դատի տալ»: «Ժողովուրդ» թերթի աշխատակիցը իրաւացիօրէն բողոքում էր՝ քանի որ դասալիքները պե-

<sup>99</sup> Վահէ Արծրունի, նշ. աշխ., էջ 102: Յուշագրողը չի յիշատակում այդ «մեծարժէք դէմքի» անունը:

<sup>100</sup> Ալեքսանդր Խատիսեան, «Հայաստանի Հանրապետութեան ծագումն ու զարգացումը», «Հայրենիք», 1925, թիւ 6, էջ 52:

<sup>101</sup> ՀԱԱ, ֆ. 477, ց. 1, գ. 7, մաս 2, թ. 207: Յիշեցնենք՝ այդ խօսքերն ասում էին, երբ մէկ տարի էլ չէր անցել հայ-վրացական պատերազմից: Վրացերէն խօսելով՝ Խատիսեանը հանրութեանը ցոյց էր տալիս, թէ ինքն այդ լեզուն գիտէ (նա ծնունդէն եւ աւելի քան 40 տարի ապրել է Թիֆլիսում, իսկ 1910-1917 թուականներին քաղաքագլուխն էր), առանց մի պահ իսկ մտածելու, թէ այդպիսով անարգում է իր ներկայացրած ազգն ու պետութիւնը եւ... ինքն իրեն:

<sup>102</sup> Նոյն երեւոյթը դիտւում է նաեւ երրորդ հանրապետութեան օրերին, երբ սկզբում ՅՅԴ-ն, ապա դաշնակցա-հանրապետական իշխանաւորներն ու հանրապետութեան նախագահներն իրենք իրենց նոյնացնում են պետութեան, երբեմն՝ նոյնիսկ Հայրենիքի հետ: Բաւարար է ասել, որ շուրջ 9 տարի իշխանութեան ղեկի մօտ յայտնուած ՅՅԴ-ի կենտրոնական շէնքի վրայ չի ծածանում ՅՅ պետական դրօշը՝ հակառակ տողերս գրողի բանաւոր եւ գրաւոր բազմաթիւ բողոքների. միւս կողմից՝ ՅՅԴ-ական իշխանաւորներն իրենց պետական գրասենեակներում ՅՅ պետական դրօշի կողքին տեղադրում են կուսակցութեան դրօշը՝ պետական հաստատութիւնը շփոթելով կուսակցական կառոյցի հետ՝ անարգելով հայկական պետականութեան գաղափարը: Եւ դեռ խօսում են նժդեհականութիւնից...

տական պաշտօնեաներ են, նրանք պէտք է «դատուեն պետական դատարանում եւ պետական օրէնքներով»<sup>103</sup>, մի արդար պահանջ, որն, իհարկէ, չիրականացուեց:

### Ա. 3. Օտարների վրայ յոյս դնելը

Մինչ քեմալական թուրքիան իր յոյսը հիմնականում դրել էր իր սեփական ոյժերի վրայ, ՅՅ ղեկավարութիւնը, դաշնակիցներին վստահելով, թերագնահատում էր իր սեփական ռազմոյժի կատարելիք գործը եւ յոյսը դրել էր դիւանագիտութեան վրայ<sup>104</sup>: Հայութեան, մասնաւորաբար ՅՅ քաղաքական ու զինուորական ղեկավարութեան մեծ մասը իր փրկութիւնն իրենից դուրս էր տեսնում<sup>105</sup>: Քաղաքական գործիչների գերակշիռ մասն սպասում էր դաշնակիցների քաղաքական ու ռազմական օգնութեանը, իսկ զինուորական աստիճանաւորների գերակշիռ մասն արդէն էն գլխից երագում էր ռուսական իշխանութեան վերադարձը՝ այդ իշխանութիւնը լինել սպիտակ, կարմիր, թէ՛ այլ բան:

Անգամ թուրքական յարձակումից 20 օր անց, ՅՅ կառավարութիւնն իր յոյսը դնում էր ոչ թէ սեփական ոյժերի, այլ դաշնակիցների վրայ: 1920 թ. հոկտեմբերի 6-ին Խաղաղութեան խորհրդաժողովում ՅՅ պատուիրակութեան նախագահ Աւետիս Ահարոնեանը ՅՅ անունից յուշագիր է ներկայացնում դաշնակից ոյժերի գերագոյն հրամանատար մարշալ Ֆերդինանդ Ֆօշին, որտեղ ասում է, թէ «ՅՅ կառավարութիւնը գտնում է, որ թուրք-բոլշեւիկեան պլանը ոչնչացնելու ամենից ազդու միջոցը դաշնակիցների կողմից Տրապիզոնի գրաւումն է»<sup>106</sup>: ՅՅ կառավարութիւնը, որպէս օժան-

<sup>103</sup> Ստորագրութիւն՝ «Քաղաքացի», «Կուսակցական թէ պետական դատ», «Ժողովուրդ» թերթ, օրգան Հայ ժողովրդական կուսակցութեան, Երեւան, թիւ 185, 1920 թ., 14 նոյեմբերի, էջ 2:

<sup>104</sup> ՀԹՊ, «Հայրենիք», 1926, թիւ 4, էջ 62:

<sup>105</sup> Յոյսը միայն սեփական ոյժերի վրայ դնելու հիանալի օրինակ է Ամենայն Հայոց կաթողիկոս Գեորգ Ե Սուրբնեանցի կոչը հայ ժողովրդին: Հայոց հայրապետը յայտարարում էր, թէ «մենք պէտք է պաշտպանենք մեր մայրենիքը, օտարը մեզ չօգնեց եւ չի՛ օգնելու». Գեորգ Ե-ի կոչը տես «Էջմիածին» շաբաթաթերթ, 4 հոկտեմբերի 1920, թիւ 12, էջ 177-179: Հայոց հայրապետի կոնդակի (ՀԱԱ, ֆ. 57, ց. 5, գ. 222, թ. 20) ընթերցումն ու Գարեգին սրբազանի արտասանած ոգեշունչ ճառերը միայն էպիզոդիկ ոգեւորութեան պահեր են պարգեւել Կարսում եւ ճակատի զինուորների շրջանում, սակայն դրանք չէին կարող հրաշք կատարել:

<sup>106</sup> <Armenia – Political and Ethnic Boundaries 1878-1948>, p. 767.

դակ միջոց, ցանկութիւն էր յայտնում «յառաջ մղել հելլենական զօրքը իր գրաւած ճակատներում եւ այլն»<sup>107</sup>: Ֆօշի անունից ՀՀ դիմումին պատասխանում է դաշնակից միացեալ զօրքերի շտաբի պետ, գեներալ Մաքսիմ Վեյզանը՝ իր պատասխանը յղելով խորհրդաժողովի նախագահին: Նա յայտնում է, որ հայկական ցանկութիւնը «որքանով էլ սկզբունքով արդարանալի է», սակայն նման միջոցառումը «պահանջում է այնպիսի ոյժեր, որոնք Անտանտի արդի հնարաւորութիւններից վեր են»: Ձօրքերի փոխարէն Վեյզանը խորհուրդ է տալիս ՀՀ-ին «մատակարարել պատերազմական գոյքային միջոցներ, որոնք նրա հետ համաձայնեցուել են մի քանի ամիս առաջ»<sup>108</sup>: Այսքանից յետոյ էլ ՀՀ ղեկավարութիւնը յամառօրէն շարունակում էր նոյն յանկերգը երգել: ՀՀ արտաքին գործերի նախարարութիւնը Վրաստանում ՀՀ լիազօր ներկայացուցչին 29 հոկտեմբերին յղած հեռագրով հրահանգում էր. «Խնդրեցէք դաշնակիցներից շտապ եւ ռեալ օգնութիւն՝ դեսանտ Տրապիզոնի»<sup>109</sup> շրջանում, ռազմամթերքի մատակարարում եւ այլն»<sup>110</sup>: Հայ

<sup>107</sup> Օր. cit. ՀՀ կառավարութիւնը Թիֆլիսում իր ներկայացուցչին հրահանգում էր թուրքական յարձակման մասին տեղեկացնել Յունաստանի ներկայացուցչին եւ նրանից իմանալ՝ «կարո՞ղ են յունական զօրքերը, իրենց կողմից, յարձակման անցնել, ու դրանով թուրքական շարժումը թուլացնել» (ՀԱԱ, ֆ. 200, ց. 1, գ. 602, թ. 400. փաստաթղթի լրիւ շարադրանքը տես «Հայաստանի Հանրապետութիւնը 1918-1920թթ. (Քաղաքական պատմութիւն). փաստաթղթերի եւ նիւթերի ժողովածու», Երեւան, 2000, փաստաթուղթ թիւ 242, էջ 290): Ուղղակի շննեցում է ՀՀ ղեկավարութեան քաղաքական թշուառութիւնը: Մինչ Աւետիս Ահարոնեան՝ ներկայացնում էր յիշեալ դիմումը, ՀՀ-ի «Յառաջ» օրաթերթ-պաշտօնաթերթի նախօրեակի՝ հոկտեմբերի 5-ի համարում լոյս էր տեսել ընդամենը մի քանի օր առաջ Փարիզից վերադարձած Ալ. Խատիսեանի հարցազրոյցը, որտեղ նա յստակօրէն ասում է. «Զինուոր անոնք (դաշնակիցները - Գ. Ե.) մեզի չի տրամադրեցին, եւ բացէիքաց յայտնեցին, թէ Հայաստան պետք է իր յոյսը դնէ իր բանակին վրայ» («Յառաջ», Երեւան, 1920 թ., 5 հոկտեմբերի, էջ 1. ընդգծումը իմն է - Գ. Ե.):

<sup>108</sup> <Armenia - Political and Ethnic Boundaries 1878-1948>, p. 769.

<sup>109</sup> Բնագրում՝ «Տրաբանի», որը սխալի կամ շփոթի հետեւանք է:

<sup>110</sup> Փաստաթուղթը՝ ՀԱԱ, ֆ. 276, ց. 1, գ. 19, թթ. 34-36: Արտատպում է «Հայաստանի Հանրապետութիւնը 1918-1920թթ. (Քաղաքական պատմութիւն). փաստաթղթերի եւ նիւթերի ժողովածուից», փաստաթուղթ թիւ 276, էջ 322: Մինչեւ դաշնակիցներին դիմելը եւ նախքան հայ-թուրքական պատերազմի բռնկումը, ՀՀ կառավարութիւնը Տրապիզոնում դեսանտ իջեցնելու հարցով շօշափել է նաեւ Հարաւային Ռուսաստանում Կամաւո-

դիւանագէտը, ստանալով Կարսի անկման մասին հեռագիրը, տեսակցում է Անդրկովկասում Մեծ Բրիտանիայի բարձր կոմիսար Ստոկսի հետ եւ կրկին բարձրացնում դաշնակիցների օժանդակութեան հարցը: Բրիտանացի զինուորականը անկեղծօրէն խոստովանում է, որ «ըստ երեւոյթին, Անտանտը կամ չի կարող, կամ չի ցանկանում օգնել»<sup>111</sup>: Ստոկսը նախապէս՝ Կարսի ուղղութեամբ թուրքական յարձակման օրերին երեւան եւ Կարս իր այցելութեան ժամանակ յստակօրէն ասել էր, թէ «ոչ մի օգնութեան յոյս չպիտի դնենք դաշնակիցների վրայ»<sup>112</sup>: Այդուհանդերձ Եւրոպայի վրայ յոյսը այնքան մեծ էր, «որ Կարսում պարտուելը կամ յաղթելը չէր համարում ճակատագրական Հայկական հարցի համար»<sup>113</sup>:

Մինչդեռ իրողութիւնն այն էր, որ պատմական այդ ժամանակաշրջանում «հայութեան մեծ մասի աչքերը յառած էին դէպի հիւսիս. փրկութիւնը Ռուսաստանից էր սպասուում»<sup>114</sup>:

րական բանակի հրամանատար Պետր Վրանգելի տրամադրութիւնը (ՀԱԱ, ֆ. 200, ց. 1, գ. 602, թ. 400, փաստաթղթի ամբողջական շարադրանքը տես «Հայաստանի Հանրապետութիւնը 1918-1920թթ. (Քաղաքական պատմութիւն). փաստաթղթերի եւ նիւթերի ժողովածու», փաստաթուղթ թիւ 242, էջ 290): Ի դէպ, 1920 թ. յունիսին ՀՀ բանակի մուտքը Օլթի վերջնական նպատակ ուներ արդիւրս գալ Տրապիզոնի շրջանում եւ հայոց՝ Սեւ ծով ելքի դրոյթը ամրագրել տալ մի քանի ամիս ետք Օսմանեան կայսրութեան հետ ստորագրուելիք խաղաղութեան դաշնագրում:

<sup>111</sup> ՀԱԱ, ֆ. 200, ց. 1, գ. 602, թ. 72: Հրապարակուել է «Բանքեր Հայաստանի արխիւների» հանդէտում, 1971, թիւ 1, փաստաթուղթ թիւ 7, էջ 37: Ռուսերէն բնագիրը տես «Հայաստանի Հանրապետութիւնը 1918-1920թթ. (Քաղաքական պատմութիւն). փաստաթղթերի եւ նիւթերի ժողովածու», փաստաթուղթ թիւ 281, էջ 327:

<sup>112</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 67:

<sup>113</sup> Հայկ Ասատրեան, «Վերանորոգչական խորհրդածութիւններ», «Ռազմիկ» կիսաշաբաթաթերթ, Սոֆիա, թիւ 113-120, 1938-1939: Արտատպուել է Հայկ Ասատրեանի «Վերանորոգչական շարժում (խորհրդածութիւններ)» գրքոյկում, «Ազգայնական ակումբի» հրատարակութիւն, Երեւան, 2002, էջ 13:

<sup>114</sup> Միմոն Վրացեան, «Հայաստանի Հանրապետութիւն», Երեւան, 1993, էջ 521:

## Բ. Կարսի անկման ռազմական պատճառները

Կարս Սասունին կատարում է հետեւեալ պատկերաւոր համեմատութիւնը. «Բանակը կնմանի լարուած մեքենայի մը, որու կանոնաւոր շարժման ի տես մարդ կիւսանայ եւ ակնապիշ կդիտէ: Բայց երբ մէկ պտուտակը այդ հսկայ մեքենային ծախողի ու դուրս գայ, մեքենան կանգ կառնէ, կամ անոր մասերը իրար սեղմելով՝ կջախջախուին»<sup>115</sup>: Գրեթէ նոյնը գրում է նաեւ Ստ. Ղորղանեանը. «Կառավարութիւնը պետական կուրս չունէր, <...> ուր բարդ մեքենայի բոլոր մասնիկները մէկը միւսին լրացնելով, եւ մէկը առանց միւսի ոչինչ, կարող են միայն ստեղծել կառավարչական ապարատի ներդաշնակ ընթացքը»<sup>116</sup>:

Պետական վարչամեքենայի բնականոն եւ արդիւնաւետ աշխատանքի համար կարեւոր են ոչ միայն բանակի ռազմական, այլեւ նրա ու հասարակութեան բարոյահոգեբանական բարձր յատկանիշների առկայութիւնը:

Իսկ ինչպիսի՞ն էին այդ որակները Հայաստանի առաջին Հանրապետութիւնում ընդհանրապէս եւ բանակում՝ մասնաւորապէս: Որո՞նք էին Կարսի անկման եւ անկախ, իրականում՝ կիսանկախ պետականութեան կործանման ռազմական պատճառները:

### **Բ. 1. Ջուտ ռազմական պատճառներ եւ սխալներ**

#### **Բ. 1. 1. Ռազմական անպատրաստութիւնը**

ՀՀ բանակը, յատկապէս Կարսի մարզում, ամիսներով «մարզուել էր» ալան-թալանով՝ յօգուտ իր հրամանատարների, մինչդեռ թուրքական բանակը վեց ամիս լրջօրէն եւ հոգեբանօրէն նախապատրաստուել էր պատերազմին:

Պատերազմին անպատրաստ լինելու փաստը հաստատում են շատ յուշագրողներ, որոնց թւում Սիմոն Վրացեան<sup>117</sup> ու Կարօ

<sup>115</sup> ՀԹՊ, «Հայրենիք», 1926, թիւ 6, էջ 85:

<sup>116</sup> ՀԱԱ, ֆ. 477, ց. 1, գ. 18, թ. 10: Շարադրանքն այսպէս է բնագրում: Ընդգծումը հեղինակինն է:

<sup>117</sup> Ըստ Ս. Վրացեանի՝ Հայաստանը «բոլորովին պատրաստ չէր այդ պատերազմին» (Սիմոն Վրացեան, «Հայաստանի Հանրապետութիւն», Երեւան, 1993, էջ 504. ընդգծումն իմն է - Գ. Ե.):

Սասունին<sup>118</sup>: ՀՀ ղեկավարութիւնը կարծում էր, որ բանակը զէնքզինամթերքով, սննդով, հանդերձանքով, վառելանիւթով եւ փողով ապահովելը մարտունակ բանակ ունենալ է նշանակում՝ հիմնովին անտեսելով բարոյահոգեբանական գործօնը, որը Հայկական բանակում բաւականին ցածր մակարդակում էր<sup>119</sup>: 1918 թ. մայիսին հերոսական դիմադրութեամբ թուրքերին Ախուրեանի ձախ ափը շարտած Հայկական բանակն ու ՀՀ հայ ողջ հասարակութիւնն ապրում էին պարտաւորական հոգեբանութեամբ: Պետական բիւջէի ծախսային մասի մօտ 85 տոկոսը յատկացւում էր բանակի կարիքներին<sup>120</sup>: «Սպաներն ու զինուորական պաշտօնեաները ստանում էին լաւագոյն վարձատրութիւնը: Որբերին ու գաղթականութեանը յատկացւած ալիւրի, կաթի, հագուստի մի մասը տրւում էր զօրքին: Կառավարութիւնը աշխատում էր ըստ ամենայնի բաւարարել զօրքի պահանջները, եւ այնուհետեւ միայն մտածել ժողովրդի այլ կարիքների մասին»<sup>121</sup>: Բայց զինուորները մնում էին մերկ, քաղցած եւ անխնամ<sup>122</sup>:

Պատերազմին անպատրաստ լինելու տխուր փաստը վերաբերում էր կեանքի առհասարակ բոլոր ոլորտներին (տնտեսական, քաղաքական, դիւանագիտական եւ այլն), մասնաւորաբար բանա-

<sup>118</sup> Ըստ Կ. Սասունու՝ «Հայաստանի կառավարութիւնը <...> անպատրաստ էր թուրքերու կողմէ բացուած պատերազմի մը: <...> Ոչ ոք մտքէն կանցըներ, թէ քաղաքականապէս ճգնուած Տաճկաստանը Հայաստանի դէմ պատերազմական գործողութիւններու նախաձեռնութիւնը իր վրայ պիտի վերցներ» (ՀԹՊ, «Հայրենիք» 1926, թիւ 5, էջ 75):

<sup>119</sup> Նոյն սխալն այսօր անում են Հայոց բանակի հրամանատարներն ու քաղաքական ղեկավարութիւնը՝ հիմնովին անտեսելով զինուորների մարտական ոգին բարձրացնելու ամենակարեւոր գործօնը՝ բանակում եւ հասարակութեան մէջ օրինականութեան, արդարութեան, կարգապահութեան եւ ամենայն վսեմ գաղափարների անվերապահ գերիշխանութիւնը: Բանակը հասարակութեան հայելին է, աւելին՝ այդ հասարակութեան անբաժան մասն է. այսինքն՝ հասարակութեան բարոյահոգեբանական մթնոլորտը գրեթէ նոյնութեամբ տիրում է տուեալ հասարակութեան բանակում: Ուրիշ կերպ չի էլ կարող լինել: Սա աքսիոմն է որեւէ հասարակութեան եւ նրա բանակի համար՝ բոլոր ժամանակներում:

<sup>120</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 67: ՀԱԱ, ֆ. 477, ց. 1, գ. 7, մաս 2, թթ. 194, 253: Նոյնը, գ. 18, թ. 39:

<sup>121</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 67:

<sup>122</sup> ՀԱԱ, ֆ. 477, ց. 1, գ. 18, թ. 39:

կի ու հասարակութեան՝ պատերազմին հոգեբանական նախապատրաստութեանը: ՀՀ պարբերական մամուլը հեղեղուած էր թուրքերի ու նրանց արեւելեան ցեղակիցների հետ բարիդրացիութեան եւ նոյնիսկ բարեկամութեան մասին հրապարակումներով՝ բթացնելով թշնամու ճանաչման ժողովրդական զանգուածների եւ զինուորների ընկալումը:

### **Բ. 1. 2. Ռազմական պլանի եւ քարտեզների չգոյութիւնը**

Հայկական բանակի հրամանատարութիւնն ու զօրաց (պաշտպանութեան) նախարարութիւնը, ի շարս իրենց համընդհանուր անփութութեան, անտեսել էին այս յոյժ կարելոր ռազմական գործը: Յուշագրողների մեծ մասի վկայութեամբ՝ չկար ռազմական ընդհանուր յատակագիծ-պլան, որով առաջնորդուէր Հայկական բանակը յարձակողական թէ պաշտպանական մարտեր մղելիս: Բացակայում էր ներդաշնակութիւնը զօրքի տարբեր միաւորների գործողութիւնների միջեւ: «Սպայ Մկրտիչ Նաւասարդեան կայնդէ, թէ հայ-թրքական պատերազմի ամբողջ տեւողութեան ընթացքին, իրենք որեւէ ռազմական ծրագիր ստացած չէին իրենց հրամանատարութիւնէն որեւէ ճակատամարտի, նահանջի եւ այլքի համար»<sup>123</sup>:

Անփութութիւն է դրսեւորուել նաեւ ռազմական քարտեզների հարցում: Դրանք պէտք է պարբերաբար փոփոխուէին՝ արտայայտելով վերջին պահի ռազմական իրադրութիւնը: Մինչդեռ ոչ միայն այդպիսի օպերատիւութիւն չի եղել, այլեւ վկայութիւններ կան, որ կան ռազմական քարտեզներ չեն եղել նոյնիսկ Կարսի ամրութիւնների զօրահրամանատար Փիրումեանի շտաբում, կան էլ դրանցից հասկացող սպաներ չեն եղել: Այդպիսի երեք օրինակ բերում է Ստ. Ղորղանեանը.

- Խմբապետներից Փիլոսը ճակատից տեղեկութիւններ բերում է Փիրումեանի շտաբ, «բայց անելի քան կես ժամ պէտք էր քարտեզ գտնելու համար»<sup>124</sup>:

- Կարսի անկման նախօրեակին սպարապետ Նազարբեգեանը Երեւանից հեռագրով հրահանգ է տալիս գեներալ Փիրումեանին՝ յատուկ ուշադրութիւն դարձնել Վեզինքտոյի բարձունքների վրայ՝ այդ առթիւ փոխանցելով դրանց ծածկագիր համարները:

<sup>123</sup> Վահէ Արժրունի, նշ. աշխ., էջ 36:

<sup>124</sup> ՀԱԱ, ֆ. 477, ց. 1, գ. 12, թ. 16:

«- Այս ի՞նչ դիրք է, Վահան, հառաչելով հարցնում է գեն. Փիրումով իր շտաբի պետին:

- Սատանէն կիմանայ,- անհոգ պատասխանում է նախկին տիրացուն<sup>125</sup>: - Գնանք տուն, Դանիէլ-բէգ, այնտեղ կիմանանք»<sup>126</sup>:

Ի լուր այս ռազմական անգրագիտութեան՝ յուշագրողն արձանագրում է. «Կարսի շտաբի պետը միշտ եղել է բարձր զինուորական ուսում ստացած մասնագետ, եւրոպական լեզուներ իմացող, վարպետ ռազմական քարտեզի ընթացանութեան մէջ եւ զինուորական գրականութեան հետ մօտ ծանօթ մարդ»<sup>127</sup>, մինչդեռ Վահան Տէր-Առաքելեանը «պատերազմի ժամանակ մեր եկեղեցիներից մէկում դպիր, տիրացու էր»<sup>128</sup>:

- Ռազմական պլանի եւ կապի բացակայութեան պատճառով գնդապետ Իշխանեանի հրամանատարած 7-րդ գունդը Կարսի անկման օրը գտնուում էր Կարսից արեւելք՝ մի քանի կիլոմետր հեռաւորութեամբ եւ չէր իմանում ի՞նչ անել<sup>129</sup>, մինչդեռ նրան ռազմական ակտիւ գործողութիւններին ընդգրկելը կարող էր բեկումնային լինել:

Փիրումեանի շտաբը «փայլել» է անփութութեան այլ փաստերով: Ծաղրելով նրան եւ շտաբ բառը չակերտաւորելով՝ նահանգապետ Ղորղանեանը գրում է, որ նա «անկազմակերպ, առանց քարտեզների, առանց որեւէ կապի զօրակաւանների հետ, առանց սուրհանդակների, լրտեսների, տեղեկութիւնների, հերթապահ աւտոմոբիլների, առանձին յանձնարարութիւնների սպաների եւ առանց օգնական տեղեկատու (հետախուզական - Գ. Ե.) մարմնի նման էր անելի մի անկեալանոցի եւ ոչ երբեք ինքնակալ հրամանատարական կայանի»<sup>130</sup>:

Այդուհանդերձ Ղորղանեանը, հակասելով ինքն իրեն, վկայում է, թէ եղել է ռազմական պլան, որը «կազմուած էր շատ իմաս-

<sup>125</sup> Փիրումեանի շտաբի պետ, գնդապետ Վահան Տէր-Առաքելեանը սովորել է Մայր Աթոռ Ս. Էջմիածնի Գեորգեան ճեմարանում, լաւ ձայն ունէր, Կոմիտաս վարդապետի սիրելի աշակերտներից էր: Զինուորական թերի կրթութիւն է ստացել Առաջին աշխարհամարտի ընթացքում: Նա հիանալի երգել է նոյնիսկ գերութեան մէջ՝ իր քաղցր ձայնով «գերելով» հայ գերի եւ թուրք յաղթական զինուորականներին...

<sup>126</sup> ՀԱԱ, ֆ. 477, ց. 1, գ. 7, մաս 3, թթ. 369-370:

<sup>127</sup> Նոյնը, թթ. 414-415:

<sup>128</sup> ՀԱԱ, ֆ. 477, ց. 1, գ. 12, թ. 58:

<sup>129</sup> Նոյնը, գ. 11, թթ. 4-7:

<sup>130</sup> Նոյնը, գ. 14, թթ. 21-22:

տալից եւ մեծ ռազմական արժէք ունէր»: Դա նախատեսում էր, որ Դրոյի եւ գնդապետ Յասան-Փաշայեանի<sup>131</sup> զօրամասերը, ռազմա-ճակատի համապատասխանաբար ծախ (Արաքսի հովիտ) ու աջ (Ախուրեան) կողմերից պետք է շրջապատեն թուրքական զօրքը թիկունքից: «Եւ եթէ հայ սպայութիւնը համակուած լինէր իր պարտաւորութիւնների սրբութեամբ, Կարաբէքիր իր ամբողջ բանակով մեր պատուաւոր գերին կլինէր»<sup>132</sup>: Սակայն այս պլանը հիմնովին ձախողուում է փոխգնդապետ Ղոնդախչեանի ապիկարութեան պատճառով (այս մասին՝ յետագայ շարադրանքում):

Յղելով Ալեքսանդրապոլի հաշտութեան բանակցութիւնների ժամանակ թուրքական գրաւման բանակի բարձրաստիճան սպաներից ստացած տեղեկութիւնները՝ ՀՀ բանագնացներից Ստեփան Ղորղանեանը յայտնում է, որ «թիւրքաց հրամանատարը երկու բան շատ է սիրում – քարտէզ եւ հեռադիտակ... Քարտէզի առաջ նա նստում է ժամերով, ուսումնասիրում եւ իր ռազմական դասաւորումները անում, իսկ արշաւի ժամանակ նա ձեռքից վայր չէ թողնում հեռադիտակը...»: Յուշագրողն անմիջապէս աւելացնում է՝ ծաղրանքով. «Ճիշտ այնպէս, ինչպէս որ մեր Կարսի գեներալները...»<sup>133</sup>:

**Բ. 1. 3. Ռազմական ոյժերի կենտրոնացման եւ խելամիտ (ռացիոնալ) օգտագործման սկզբունքի բացակայութիւնը կամ արհամարհումը**

Հասկանալի է, որ թաթարա-բոլշեւիկեան յարձակումների պատճառով հանրապետական բանակի մի զգալի մասը ստիպուած էր գտնուել Սիւնիքում, Նախիջեւանի սահմանում, Դիլիջանի հատուածում<sup>134</sup> եւ ՀՀ մահմեդական հոծ զանգուած ունեցող բնակավայրերում<sup>135</sup>, մինչդեռ Կարաբէքիրը ՀՀ բանակի դէմ հանել

<sup>131</sup> Աղբիւրներում նշուում է երկու ազգանունով՝ Հասան-Փաշայեան եւ Ղասաբբաշեան:

<sup>132</sup> ՀԱԱ, ֆ. 477, ց. 1, գ. 8, թթ. 1-2:

<sup>133</sup> Նոյնը, գ. 17, թ. 19:

<sup>134</sup> <Armenia – Political and Ethnic Boundaries 1878-1948>, p. 652.

<sup>135</sup> ՀՀ բանակի պարտութեան ռազմական բնոյթի պատճառների շարքում յուշագրող Վահէ Արծրունին նշում է «մեր ճակատին անհամեմատ մեծութիւնը (գրեթէ երկրի ամբողջ շրջապատը՝ չհաշուած ներքին ճակատը)» (Վահէ Արծրունի, նշ. աշխ., էջ 36): Այսօր եւս հայրենաբնակ հայութիւնը ունի նոյնքան մեծ ճակատ, մինչդեռ ՀՀ պաշտպանութեան նախարարի օգնական, ոչ հայախօս, Կոմկուսի շրջկոմի մի նախկին առաջին քարտու-

եր Արեւմտեան Հայաստանի գրաւեալ տարածքում (Արեւելեան Անատոլիա) գտնուող թուրքական բոլոր զօրքերը՝ ընդամենը մէկ վաշտ թողնելով իր զօրակայանում՝ Կարինում: Սակայն ՀՀ զօրքերի մնացեալ հնարաւորութիւններն էլ չգործածուեցին խելամիտ ձեւով, ինչպէս պահանջում է ռազմական գիտութիւնը: Դրա լաւագոյն օրինակը Սեպուհի բրիգադի հետ պատահածն է: Գեներալներն ու գնդապետները, թշնամանքի հասնող ատելութիւն ունենալով Սեպուհի նկատմամբ, բաժան-բաժան էին թողել նրա հրամանատարած բրիգադը: Վերջինիս մէջ մտնող 7-րդ գունդը գտնուում էր Իգդիր-Սուրմալուի ճակատում, իսկ 8-րդը՝ Կարսի ճակատում (ընդ որում, վերջինիս գումարտակներն էլ տարբեր դիրքերում էին տեղակայուած<sup>136</sup>), բրիգադի մէջ մտնող Սմբատի կամաւորական խմբերը՝ Արդահանի շրջանում. նրանք իրարից լուր չուներին եւ ենթակայ էին տարբեր հրամանատարների: Պատերազմի առաջին շաբաթներին Սեպուհի բրիգադը, որպէս առանձին զօրամիաւորում, փաստօրէն գոյութիւն չուներ:

Այս սկզբունքն անտեսելու մէկ այլ օրինակ էր 7-րդ գնդի հնարաւորութիւնների չօգտագործումը, ինչպէս տեսանք «Ռազմական պլանի եւ քարտէզների չգոյութիւնը» ենթաբաժնում:

**Բ. 1. 4. Ռազմական մաների բացակայութիւնը**

Ռազմական ոյժերի ոչ կենտրոնացուած վիճակը մեծապէս նուազեցնում է մաներելու հնարաւորութիւնները: Հայկական բանակի հրամանատարութեան սխալներից մէկն էլ ոյժերի ոչ համախմբման պայմաններում հոկտեմբերի 14-ի հակայարձակումը նախաձեռնելն էր, որն աւարտուեց անյաջողութեամբ, եւ որից յետոյ դասալքութիւնների, պարտութիւնների եւ նահանջների շղթան դարձաւ ոչ միայն անխուսափելի, այլեւ անկառավարելի, իսկ «Կարսի յանձնումը հեշտ ըմբռնում դարձաւ»<sup>137</sup>: Եթէ Սեպուհի բրի-

դար-գեներալ-քաղաքագիտութեան դոկտոր Հայկ Քոթանջեանի գլխաւորած խումբը պետութեան «Ազգային անվտանգութեան հայեցակարգ» կոչուող փաստաթղթում նոյնիսկ թուրքիան ու Ադրբեջանը չի յայտարարում ՀՀ-ին թշնամի երկրներ...

<sup>136</sup> Այսպէս՝ 8-րդ գնդի երկրորդ գումարտակը ուղարկուած էր Արդահանի շրջան, այսինքն՝ Կարսի ռազմաճակատի ծայրագոյն աջ թելը, իսկ առաջին գումարտակին հրամայուել էր զբաղեցնել Հաճի Խալիլ լեռան շրջակայքը, այսինքն՝ նոյն ռազմաճակատի ծախակողմեան ամենահեռաւոր հատուածը. տես ԿԱՊ, «Մարտկոց», 1932 թ., 5 նոյեմբերի, էջ 2:

<sup>137</sup> ՀԹՊ, «Հայրենիք», 1926, թիւ 6, էջ 87:

գաղի միաւորները Իգդիից եւ Դիլիջանից հասած լինէին Կարսի ռազմաճակատ եւ օգտագործուէին Կարաբէքիի զօրքի թոյլ կէտերին հարուածելու համար, ԳԳ բանակի հակայարձակման ճակատագիրը, մեծ հաւանականութեամբ, այլ կլինէր: Հայկական հակայարձակման հիմնական թիրախը ռազմաճակատի կենտրոնական հատուածն էր, որտեղ թուրքերի դիրքերը ամենաուժեղն էին: Հայկական այս անյաջողութիւններին եւ բացթողումներին հակառակ՝ ռազմական գործի մեծ մասնագետ Կարաբէքիը նաեւ ռազմական մանւերների ու ռազմական խաբէութեան հիանալի վարպետ էր: Օգտուելով Կարսից մինչեւ Անի (աւելի ճշգրիտ՝ Կարսի հարաւում Հաճի Խալիլ բարձունքից մինչեւ Ախուրեան) ձգուող մօտ 50 կիլոմետր տարածութեան պաշտպանութեան գրեթէ չգոյութիւնից, որը ռազմական «մեծ սխալ» էր<sup>138</sup>, հոկտեմբերի վերջին օրերին իր ոյժերի մեծ մասը մանւերելով ուղարկեց Կարսի արեւելեան կողմը՝ այսպիսով պաշարելով Կարսի ամրութիւններին ապաւինած հայկական զօրքը եւ, միաժամանակ, փակեց Կարս-Ալեքսանդրապոլ խճուղին ու երկաթուղագիծը: Այդ օրերին (հոկտեմբերի 27-ին եւ 28-ին), «թշնամու գլխաւոր ոյժերը կորսուած էին», եւ Կարսի հրամանատարութեան այդ օրերի «զեկուցումները կարելի է բնութագրել «փնտռտուք» բառով»<sup>139</sup>: Եւ միայն Հաճի Խալիլ, Մեծ Եահնի եւ Ուչլար բարձունքներում ու Վեզինքեյում (Կարսի արեւելքում) գտնուող մի բուռ հայկական վաշտերի հերոսական դիմադրութիւնը փոքր-ինչ ուշացրեց թուրքական հիմնական ոյժերի առաջխաղացումը, բայց արդէն շատ ուշ էր իրավիճակը շտկելու համար: Մինչ ակադեմիական կրթութեամբ բարձրաստիճան զինուորականները՝ գեներալներ Արտեմ Յովսէփեանը, Դանիէլ-բեգ Փիրումեանը, Մովսէս Միլիկեանը եւ վերջինիս շտաբի պետ, գնդապետ Ալեքսանդր Վեքիլեանը ռազմական հարուածի սխալ տակտիկա էին ընտրել, զինուորական տարրական կրթութիւն չունեցող Սեպուհն առաջարկում էր ճիշտ եւ ճիշտ այն տակտիկան, որն ընտրեց Կարաբէքիը հոկտեմբերի վերջին օրերին: Սեպուհի մօտ ծառայած անանուն օրագրողը հոկտեմբերի 14-ին գրառել է նաեւ հետեւեալը. «Սեպուհը դեռ սկզբից դէմ էր այդպէս շուտափոյթ ընդհանուր յարձակման անցնելուն, նրա կարծիքով, ճակատից եթէ յարձակուելու լինենք, բնաւ չենք յաջողի, եւ այդպէս էլ եղաւ: Նա գտնում էր, որ մեր ուժեղ յարձակումները պէտք է կատարուեն թեւերից,

<sup>138</sup> Նոյնը, էջ 92:

<sup>139</sup> Նոյնը, թիւ 7, էջ 69:

մանաւանդ ծախից<sup>140</sup>, որտեղ մենք անպատճառ պէտք է անցնենք թշնամու թիկունքը եւ այդպիսով ստիպենք նրան թուլացնել կենտրոնը եւ ապա հարուածել նրա կենդանի ոյժերին: Սակայն ինչ-ինչ պատճառներով հրամանատարութիւնը նախընտրել էր այլ կերպ որոշել ընդհանուր յարձակման ծրագիրը»<sup>141</sup>: յոյս ունենալով յաջողութեան հասնել ռազմաճակատի հենց կենտրոնական հատուածում:

Իր յուշերում Կարաբէքիը ասում է, որ հայերի հետ իր նախորդ բախումների ժամանակ միշտ յարձակուել է կենտրոնից, սակայն Կարսի դէպքում որոշեց խաբել հայոց զօրքի հրամանատարներին՝ մոլորեցնելով նրանց նախորդ բախումների նոյն սցենարով եւ, երկրորդ, օգտուել իր ունեցած այլ առաւելութիւններից. «Իմ այս տեղերը (Կարսի շրջանը - Գ. Ե.) եւ Կարս բերդաքաղաքին հողերը թիզ առ թիզ ճանչնալս, հայոց տկար կէտերը գիտնալով, Կարսի վրայ փոխանակ ճակատէն յարձակելու, արեւելքէն յարձակիլս եղած է»<sup>142</sup>:

#### *Բ. 1. 5. Տեղանքի առաւելութիւնները գնահատելու անկարողութիւնը*

Այս առնչութեամբ մարտերի մասնակից Հայ Գնդունին նշում է խրամներ փորելու, գրաւած դիրքերը ամրացնելու, պաշտպանելու եւ դրանք անվտանգ դարձնելու մտահոգութեան բացակայութիւնը: Աւելին՝ նա նշում է «պատասպարուելու, թշնամիէն չնկատուելու եւ չխուզարկուելու համար էական նշանակութիւն վայելող վարժութեան եւ բժախնդրութեան պակասն ու ամբողջական բացակայութիւնը»<sup>143</sup> Հայկական բանակում:

#### *Բ. 1. 6. Ռազմական հետախուզութեան եւ հակահետախուզութեան խայտառակ վիճակը*

<sup>140</sup> Այսինքն՝ Կարսի հարաւից:

<sup>141</sup> Անանուն, «Ազատ, անկախ եւ միացեալ Հայաստանի վերջին օրերը», էջ 98-99:

<sup>142</sup> «Քեզազըմ Կարաբէքիի յուշերը Հայաստանի Հանրապետութեան վրայ թրքական յարձակումներուն մասին», «Զարթօնք», 1966 թ., 10 օգոստոսի, էջ 2:

<sup>143</sup> ԿԱՊ, «Մարտկոց», 1932 թ., 3 նոյեմբերի, էջ 2:

Բոլոր յուշագիրները վկայում են այս մասին<sup>144</sup>՝ առհասարակ հայկական հետախուզութեան ու հակահետախուզութեան գործունեութիւնը բնութագրելով չափազանց խիստ ածականներով՝ «ողբալի», «անբաւարար», «մեր ամենաթոյլ կողմերէն մէկը»<sup>145</sup>, «շատ ողբալի»<sup>146</sup>, «անչափ անգոյն, անչափ ողորմելի»<sup>147</sup>, հեզնական իմաստով՝ «բարձր, նուիրական հաստատութիւն»<sup>148</sup>, իսկ նրա Կարսի բաժանմունքը, որը ղեկավարում էր գլխապետ Մեղվեղեւը, «մի ծաղր էր եւ ոչ լուրջ հաստատութիւն»<sup>149</sup>: Ուղղակի ապշել կարելի է՝ կարդալով հետեւեալ վկայութիւնը. «Արդահանի եւ Կարսի բնիկ թուրք երեւելիներէն ոմանք <...> պատերազմը չսկսած նոյնիսկ կայցելէին սահմանագլուխը պաշտպանելու կոչուած մեր գունդերու եւ այսպես գիտակ կպահուէին մեր բոլոր պետական-զինուորական բնոյթ կրող խնդիրներուն»<sup>150</sup>: Թուրքական հետախուզութեանը օգնում էին նաեւ ԶԶ տարբեր մասերում ցրուած մուսուլման բնակիչները: Միւս կողմից, ըստ Զայ Գնդունու, «Երեւանը ձեռք չէր առած եւ չէր առներ ոչ մէկ ազդու գէնք՝ թափանցելու թշնամի Թուրքիայի ծրագիրներուն եւ հաշիւներուն»<sup>151</sup>: Նոյն աղբիւրը յայտնում է, որ հայկական ռազմական հետախու-

<sup>144</sup> Տե՛ս, օրինակ, ԶԱԱ, ֆ. 477, ց. 1, գ. 7, մաս 1, թթ. 123-124:

<sup>145</sup> Վահէ Արծրունի, նշ. աշխ., էջ 33, 71, 284:

<sup>146</sup> ԶԹՊ, «Զայրենիք», 1926, թիւ 5, էջ 75:

<sup>147</sup> ԶԱԱ, ֆ. 477, ց. 1, գ. 18, թ. 53:

<sup>148</sup> Նոյնը, գ. 7, մաս 2, թ. 297:

<sup>149</sup> Նոյնը, գ. 6, թ. 17: Տարօրինակ է, որ պատմական գիտութիւնների թեկնածու Վանիկ Վիրաբեանը Զայաստանի առաջին Զանրապետութեան բանակի հետախուզութեանը նուիրուած իր աշխատութեան մէջ (Վանիկ Վիրաբեան, «Զայաստանի առաջին Զանրապետութեան յատուկ ծառայութիւնները 1918-1920 թթ.», Երեւան, 1998) դրական երանգներով է նկարագրում այս մարմնի աշխատանքը, մինչդեռ յուշագրութիւններն ու փաստաթղթերը վկայում են հակառակը, առնվազն հետախուզական մարմինների ղեկավարութեան անփոյթ մօտեցման մասին: Այդուհանդերձ Վ. Վիրաբեանը խոստովանում է, որ հայկական յատուկ ծառայութիւնները «ի վիճակի չեղան քիչ թե շատ շօշափելի առաւելութեան հասնել, հենց թեկուզ թուրքական յատուկ ծառայութիւնների (մասնաւորապէս հակահետախուզութեան) դէմ պայքարում» (էջ 21): Շատ մեղմ է ասուած... Ի՞նչ «առաւելութիւն». հայկական եւ թուրքական հետախուզութիւնների միջեւ համեմատական անցկացնելն իսկ ճիշտ չէ տուեալ ժամանակաշրջանի համար:

<sup>150</sup> ԿԱՊ, «Մարտկոց», 1932 թ., 3 նոյեմբերի, էջ 2:

<sup>151</sup> Նոյն տեղում:

զութիւնն ու հակահետախուզութիւնը «պարզապէս մոռցուած, անտեսուած էր հայկ. բանակին իրաւասու եւ պատասխանատու պետերէն»<sup>152</sup>: Այդ մարմինը «ոչինչ չգիտէր, նա զբաղուած էր ինտրիգներով եւ իր հաշիւներով, բայց ոչ պետական վսեմագոյն իմաստի պահպանութեամբ: <...> Մեր հրամանատարութիւնը ոչինչ չգիտէր, թէ ի՞նչ է կատարում սահմանից այն կողմը, նա չգիտէր եւ երկրի տրամադրութիւնը դէպի ժամանակի վերապրումները»<sup>153</sup>: Այս մարմինը Երեւան ուղարկած իր գրութիւններով հերքում էր հետախուզական բնոյթի այն տեղեկութիւնները, որ ձեռք էր բերում Կարսի նահանգապետը Արդահանի հայկական իշխանութեան գաւառապետ Իբրահիմ Կադիմովի եւ նահանգի քուրդ երեւելիների միջոցով<sup>154</sup>:

Հայկական հետախուզութեան գրեթէ չգոյութեան պատճառով բարձրագոյն հրամանատարութիւնն ու գլխաւոր շտաբը մինչեւ պատերազմի աւարտը իրական պատկերացում չեն ունեցել թուրքական ոյժի եւ պլանների մասին<sup>155</sup>: Զայ Գնդունին յայտնում է, որ անձնապէս միշտ լսում էր Կարսի ռազմաճակատի գլխաւոր կենտրոնական հատուածի անմիջական հրամանատար գեներալ Արտեմ Յովսէփեանի հետեւեալ տրտունջը. «Թշնամուց ոչ մի լուր չունեմ, չեմ իմանում թէ ի՞նչ է անում, ի՞նչ մտածում»<sup>156</sup>: Արտ. Բաբալեանը վկայում է, որ «մինչեւ վերջն էլ Թուրքիայում գործակալներ չունեցանք»<sup>157</sup>: Այս պատճառներով «տիրում էր կատարեալ անտեղեկութիւն»<sup>158</sup>: Յատուկ ծառայութիւնները, որոնք պարտաւորուած են տեղեկութիւններ ապահովել քաղաքական ու զինուորական ղեկավարութիւնը, 1920 թ. աշնանը «թուրք-հայկական պատերազմի նախօրեակին, շատ աղօտ պատկերացումներ ունէին հենց այդ թուրքական բանակի թէ՛ թուաքանակի, թէ՛ պլան-

<sup>152</sup> Նոյն տեղում:

<sup>153</sup> ԶԱԱ, ֆ. 477, ց. 1, գ. 7, մաս 1, թթ. 125-126:

<sup>154</sup> Նոյնը, թթ. 124-126:

<sup>155</sup> Արտաշէս Բաբալեան, «Կարսի անկումը», «Զայրենիք», 1923, թիւ 12, էջ 53-54: Վահէ Արծրունի, նշ. աշխ., էջ 409, ծնթ. 29 (հեղինակ՝ Գեղամ Բաղալեան): ԿԱՊ, «Մարտկոց», 1932 թ., 3 նոյեմբերի, էջ 2: Վանիկ Վիրաբեան, «Զայաստանի առաջին Զանրապետութեան յատուկ ծառայութիւնները 1918-1920 թթ.», էջ 21: ԶԹՊ, «Զայրենիք», 1926, թիւ 4, էջ 61:

<sup>156</sup> ԿԱՊ, «Մարտկոց», 1932 թ., 3 նոյեմբերի, էջ 2:

<sup>157</sup> Արտաշէս Բաբալեան, «Կարսի անկումը», «Զայրենիք», 1923, թիւ 12, էջ 53:

<sup>158</sup> Նոյնը, էջ 54:



ների եւ թէ՛ առհասարակ շատ հարցերի վերաբերյալ»<sup>159</sup>, Կարաբէքի զօրաբանակի կենտրոնի՝ «էրզրումի աշխատանքները անժամօթ եւ գաղտնի կմնային հայ կառավարութեան համար»<sup>160</sup>, վկայում է Կարօ Սասունին: Հակառակայս ամենի՝ Կարաբէքի «երբեք քայլ մը չէր առներ <...> առանց իր հակառակորդի թյլ կողմը եւ ամենաանպաստ թույլն ճշտելու»<sup>161</sup>:

Թուրքական հետախուզութիւնը հայկական միջավայրում գործել է համարեայ անարգել եւ մեծ արդիւնաւետութեամբ: Արժանահաւատ աղբիւր տէր Կորիւն քահանայ Քոթանջեանը, որը Կարսից ամենավերջինը դուրս եկող հայերից է (գրաւուած քաղաքում մնացել է երկու տարի), վկայակոչում է թուրքական 9-րդ դիւիզիայի հրամանատար, գնդապետ Հիւսնի բէյի խօսքը. «Ձեր բոլոր ժողովներում խօսուած ճառերը եւ զինուոր[ական] գաղտնի որոշումները մեզ անմիջապէս տեղեկացնում էին մեր բարեկամ հայերն ու մոլոկանները»<sup>162</sup>: Հնարաւոր է, որ թուրք զինուորականը չափազանցնում է, սակայն նման բան ասելու որոշակի հիմքեր կային: Հայազգի բոլշեւիկները բացայայտօրէն կոչ էին անում հայկական պետութեան կործանման եւ լրտեսում էին ի վնաս սեփական ազգի ու պետութեան շահերի՝ յօգուտ «եղբայր», «ինտերնացիոնալիստ» թուրքերի: Կարաբէքի մօտ կային ուրացող հայազգի տականքներ, այդ թւում՝ նախկինում Հայ Կաթոլիկ եւ Հայ Առաքելական եկեղեցիների մի վարդապետ, որը մահմեդականութիւն էր ընդունել եւ Կարաբէքի առանձին թարգմանն էր դարձել<sup>163</sup>, մի «հրէշ հայ դաւաճան»<sup>164</sup>, որը «չարագործ ոստիկանի պաշտօն էր կատարում»<sup>165</sup>:

<sup>159</sup> Վանիկ Վիրաբեան, «Հայաստանի առաջին Հանրապետութեան յատուկ ծառայութիւնները 1918-1920թթ.», էջ 21:

<sup>160</sup> ՀԹՊ, «Հայրենիք», 1926, թիւ 4, էջ 61:

<sup>161</sup> Վահէ Արծրունի, նշ. աշխ., էջ 91:

<sup>162</sup> «Բանբեր Հայաստանի արխիւների», թիւ 1, 2006, էջ 107: Ըստ ականատես Գարեգին եպս. Յովսէփեանցի՝ քաղաք մտած ասկեարներն ու բաշիբոզուկները ամեն տեսակ այլանդակութիւն գործելիս խնայում էին իրեն՝ եկեղեցականի մօրուքն ընդունելով որպէս մոլոկան աղանդաւորի յատկանիշ եւ նոյնիսկ ասում էին, թէ «մոլականները մեր եղբայրներն են» («Բանբեր Հայաստանի արխիւների», 1989, թիւ 3, էջ 130):

<sup>163</sup> Նոյնը, էջ 104:

<sup>164</sup> Արտաշէս Ալեքսանդրեան, «Կարս 1920-21», էջ 62:

<sup>165</sup> «Ոգուն չապաւինելու արդիւնքը», էջ 49: Իր ուրացում-դաւաճանութիւնն առաւել շեշտելու համար «Հիդայաթ» (թուրքացուած արաբերէնով

Կարելի՞ էր հայկական շահերին նուիրուած հետախուզական մարմին ակնկալել այն դէպքում, եթէ Հայկական բանակի գլխաւոր շտաբի հետախուզական բաժինը (որի վրայ դրուել էին նաեւ հակահետախուզական պարտականութիւններ), ի թիւս գլխաւոր շտաբի այլ բաժինների, ստեղծել է ռուսական բանակի սպայ, սկզբնական շրջանում գեներալ Անտոն Դենիկինի ոչ պաշտօնական ներկայացուցիչ, գնդապետ Ջինգելիչը: Նա ողջ ՀՀ բանակի գլխաւոր շտաբը կազմաւորել էր Դենիկինի Կամաւորական բանակի նոյն մարմինների պատճենումով (Դենիկինն էլ պատճենել էր ռուսական ցարական բանակի համապատասխան մարմինները)<sup>166</sup>: առանց հաշուի առնելու Հայկական լեռնաշխարհի տեղագրութիւնը, ժողովրդագրական կազմը, ՀՀ բնակչութեան եւ հայ զինուորի էթնոհոգեբանական եւ ռազմահոգեբանական առանձնաչափութիւնները եւ այլն<sup>167</sup>: Ուղղակի շշմել կարելի է՝ տեղեկանալով, թէ ՀՀ բանակի գլխաւոր շտաբի հետախուզական բաժինն իր տեղեկագրերը (աւելորդ է ասել, որ դրանք կազմում էին ոչ պետական լեզուով՝ ռուսերէնով), պատրաստում էին երկու օրինակից, որոնցից մէկն ուղարկւում էր մինիստր-նախագահին (վարչապետին), երկրորդը՝ Դենիկինին... Եւ միայն 1920 թ. երկրորդ կեսին, երբ հայ-թուրքական փոքրածաւալ ընդհարումներն սկսուել էին ՀՀ բանակի՝ Օլթիի վրայ յարձակումով, եւ Դենիկինի Կամաւորական բանակն էլ Հիւսիսային Կովկասում իրարայաջորդ պարտութիւններ էր կրում Կարմիր բանակից, ՀՀ կառավարութիւնը փորձեց դենիկինեան հաւատարմութիւն ունեցող սպաներին մեկուսացնել «հետախուզական գործունեութիւնում անմիջական դերից, որը նրանք վարում էին տենդենցիոզ կերպով եւ յարմարեցնելով գլխաւորապէս Դենիկինի Կամաւորական բանակի շահերին»<sup>168</sup>:

նշանակում է «ճիշտ կրօնի ուղին ընտրած»), աշխարհական անունով՝ Թադեոս, կրօնականով՝ էմմանուէլ կոչուած այս տականքը նոյնիսկ խափանել է գերութիւնից Գարեգին եպս. Յովսէփեանցի փախուստը (նոյն տեղում): Այս ազգուրաց դաւաճանի ստորութիւնների մասին յաւելեալ տես Արտաշէս Ալեքսանդրեան, «Կարս 1920-21», էջ 67, 91-94, 103-104:

<sup>166</sup> Վանիկ Վիրաբեան, «Հայաստանի առաջին Հանրապետութեան յատուկ ծառայութիւնները 1918-1920թթ.», էջ 13:

<sup>167</sup> Աւելորդ չէ այստեղ նշել, որ Հայկական բանակի գլխաւոր շտաբի բոլոր բաժինները ղեկավարում էին... ռուս սպաներ:

<sup>168</sup> Վանիկ Վիրաբեան, «Հայաստանի առաջին Հանրապետութեան յատուկ ծառայութիւնները 1918-1920թթ.», էջ 14: Նոյն հեղինակը գրում է, որ «յատուկ ծառայութիւնները կազմել են Հայաստանի առաջին Հանրապետու-

Ի դեպ, «հայկական հետախուզութիւնն իր աւանդական ապիկարութիւնը ցոյց կուտար նաեւ հայ-ադրբեջանական ճակատին վրայ»<sup>169</sup>:

Մէկ այլ ողբերգական փաստ է այն, որ հատուկեցնտ դէպքերում երբ հայկական հետախուզութեանը յաջողում էր ինչ-որ կարելոր տեղեկութիւններ կորզել, քաղաքական ղեկավարութիւնը պատշաճ լրջութեամբ չէր վերաբերում դրանց<sup>170</sup>:

Ասուածից կարելի է ենթադրել, որ Հայկական բանակի սեփական երկու ինքնաթիռների արդիւնաւետութիւնը ռազմական հետախուզութեան գործում բաւականին ցածր է եղել:

**Բ. 1. 7. Անբեւակայելիօրէն յանցաւոր ներողամտութիւնը ապաշնորհ զօրահրամանատարների նկատմամբ: Ուշացած փոխարինումներ**

Գնդապետ Նիկոլայ Ղորղանեանի ապիկար ղեկավարութեան պատճառով Կարսի ռազմաճակատի աջ թելի անյաջողութիւններից յետոյ միայն հոկտեմբերի կեսին այդ տեղամասում նրան՝ փոխարինումը Սեպուհով այն էլ իր բրիգադի ընդամենը մէկ

թեան ռազմաքաղաքական համակարգի անբաժան մասը: Հենց դրանով էր նաեւ Հայաստանը կազմակերպուած պետութիւն» (նոյնը, «Ամփոփում» վերջաբան, էջ 35): Եթէ այսպիսիք էին այդ ծառայութիւնների աշխատանքի որակն ու արդիւնաւետութիւնը, ապա ցաւով պէտք է հաստատել, որ ՀՀ-ն կազմակերպուած պետութիւն չի եղել, այլ ինքնահոսի թողնուած վարչական մի միւտոր, եւ բաւարար էր մի ուժեղ քամի, որպէսզի աւազի վրայ կառուցուած այն փլուզուէր: Էլ աւելի ցաւալի է, որ համանման երեւոյթների ականատես ենք այսօր՝ Հայաստանի երրորդ Հանրապետութեան մէջ (օրինակ՝ ՀՀ «Ազգային անվտանգութեան հայեցակարգ» կոչուող փաստաթուղթը հեղինակուել է ՆԱՏՕ-ի, այսինքն՝ նաեւ մեր ոխերիմ թշնամի Թուրքիայի էական աջակցութեամբ, մի փաստ, որից ՀՀ կեղծ ազգայնական դաշնակցա-հանրապետականները ոչ միայն չեն ամաչում, այլեւ... հպարտանում են), եւ մի քիչ տրամաբանող անհատի համար պարզ ու յստակ է նման իրավիճակի տխուր վախճանի անխուսափելիութիւնը:

<sup>169</sup> Վահէ Արծրունի, նշ. աշխ., էջ 330:

<sup>170</sup> Նոյնը, էջ 70: Այս մասին բազմիցս վկայում է նաեւ Ստեփան Ղորղանեանը իր յուշերում՝ ՀՀ ղեկավարութեանը մեղադրելով իր ձեռք գցած հետախուզական բնոյթի տեղեկութիւնները անտեսելու կամ դրանց հաւաստիութեանը կասկածելու համար: Նոյնը հաստատում է նաեւ պատմաբան Վանիկ Վիրաբեանը՝ Հայաստանի առաջին Հանրապետութեան յատուկ ծառայութիւններին նուիրուած իր աշխատութիւններում:

մասով, բաւական ուշացած միջոցառում էր: Իսկ այդ միջոցին 15 օր (սեպտեմբերի 20-ից հոկտեմբերի 5-ը) ռազմաճակատի աջ թելը հրամանատար չի ունեցել<sup>171</sup>: Էլ աւելի յանցաւոր էր անընդհատ անյաջողութիւններ արձանագրող գեներալ Յովսէփեանի փոխարինումը գեներալ Ղազարեանով՝ հոկտեմբերի 28-ին, երբ կացութիւնը չափազանց բարդացել էր բերդաքաղաքի շուրջ: Եւ ի՞նչ, փոխանակ Յովսէփեանին ռազմական դատարանին յանձնելու՝ նրան նշանակում են շատ պատասխանատու պաշտօնի՝ Ալեքսանդրապոլի անկումից յետոյ դիմադրութեան նոր գիծ դարձած Արագածի ռազմաճակատի հրամանատար: Այստեղ եւս նա ծախողում է, եւ նոյեմբերի կեսին նրան փոխարինում է մինչ այդ նրան ենթակայ գնդապետ Սիրիմանեանը, որը շարունակում է մնալ չորրորդ գնդի հրամանատար: Յաջորդական ծախողութիւնների համար գեներալ Արտեմ Յովսէփեանը զօրաց նախարար Ռուբէնի հրահանգով միայն նոյեմբերի կեսերին կանչուել է Երեւան՝ դատուելու<sup>172</sup>, սակայն չի պատժուել, եւ վերջինիս փոխարինած Դրոյի ցանկութեամբ ազատ է արձակուել<sup>173</sup>:

Ապաշնորհ բարձրաստիճան սպաների նկատմամբ աններելի ներողամտութեան դրսեւորումները սկսուել են շատ վաղ եւ արագ ընթացք ստացել մայիսեան խռովութիւնների աւարտից յետոյ: Դա էլ աւելի խայտառակ բնոյթ ստացաւ հայ-թուրքական պատերազմի օրերին: Այստեղ մեծ դեր էր խաղում հովանաւորչութիւնը՝ պայմանաւորուած սպաների կուսակցականութեամբ<sup>174</sup> (ինքնին

<sup>171</sup> ՀԹՊ, «Հայրենիք», 1926, թիւ 5, էջ 82:

<sup>172</sup> Նոյնը, թիւ 9, էջ 114:

<sup>173</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 68:

<sup>174</sup> Օրինակ՝ Փիրումեանի շտաբի պետ, գնդապետ Վահան Տեր-Սոսքելեանը, որը զինուորական ակադեմիական թերի կրթութիւն ուներ, գնդապետի ուսադիրներ եւ այս պաշտօնն ստացել է դաշնակցական լինելու համար. այս մասին տես նաեւ Վահէ Արծրունի, նշ. աշխ., էջ 58: ՀԱԱ, ֆ. 477, ց. 1, գ. 7, մաս 3, թթ. 414-415: Կուսակցական հովանաւորութեան շնորհիւ էր նաեւ Մազմանեանը գնդապետի ուսադիրներ ստացել: Ամենավառ երեւակայութիւնից անգամ դուրս է, որ նոյնիսկ զինուորական ակադեմիական կրթութիւն ստացած անձը 25 տարեկանում գնդապետի աստիճան ստանայ, ինչպէս էր Մազմանեանի դէպքում: Այդ հասակում մարդ կարող է, իր քաջագործութիւնների համար նոյնիսկ ազգային հերոս հռչակուել, բայց չի կարող գնդապետի աստիճան ստանալ՝ ինչքան էլ տաղանդաւոր զինուորական լինի: Մի խօսքով՝ կոչումներն ու աստիճան-

ապօրինի եւ անբարոյ մի իրողութիւն), խնամի-ծանօթ-բարեկամ գործօնով<sup>175</sup> եւ, իհարկէ, կաշառքով: «Մեր առաջնորդներուն մէջ աւելի զօրաւոր էին յեղափոխական թափը եւ արեւակցական կապը, քան թէ պետական կենսական շահերու ըմբռնումը»<sup>176</sup>, - վկայում է դաշնակցական գործիչ Վահէ Արծրունին, որ 1920 թ. ապրիլից Կարսում էր: Անհեթեթ է նման պայմաններում խօսել բանակում կարգապահութեան մասին:

Մեջբերենք մի քանի օրինակ:

Ախուրեանի մօտ քուրդ ծիաւորների մի խմբի հանդիպելով՝ փախած եւ զինամթերքը թշնամուն թողած<sup>177</sup> փոխգնդապետ Դոնդախչեանի դէմ թէւ դատ յարուցուեց, «բայց մնաց անպատիժ եւ նշանակուեց նոր պաշտօնի»<sup>178</sup>:

ները կորցրել էին իրենց արժէքը: «Արժանաւորութիւններին անհամապատասխան աստիճանները, նսեմացնելով այդ աստիճանների իմաստը, անբարոյականացնում են եւ մարդկանց», - իրաւացիօրէն գրում է Ստ. Դորդանեանը (ՀԱԱ, ֆ. 477, ց. 1, գ. 6, թ. 36): Մեր օրերում ես դիտում է նոյն երեւոյթը, երբ ոմանց բացասական յատկանիշների համար, ՀՀ նախագահը, պաշտպանութեան նախարարը եւ այլք աջ ու ձախ կոչումներ եւ շքանշաններ են շնորհում՝ յաճախ բոլորովին անտեսելով իսկական արժանիներին, երբեմն էլ ժպրիւնով այդպիսիներին կալանելու եւ բանտարկելու հրահանգներ տալ: Նոյն երեւոյթը համատարած է ՀՀ կեանքի այլ, մասնաւորաբար կրթութեան, գիտութեան եւ մշակոյթի ոլորտներում:

<sup>175</sup> Օրինակ՝ ապաշնորհ գեներալ Արտեմ Յովսէփեանի «գլխապետութենէ մինչեւ զօրավարութիւն» առաջխաղացման գործում մեծ դեր են ունեցել գեներալ Նազարբէգեանն ու Արամ Մանուկեանը (Վահէ Արծրունի, նշ. աշխ., էջ 383), իսկ գնդապետ Միրզոբեի առաջխաղացման ու նրա յանցագործութիւնների պարտական գործում՝ նրա աները՝ գեներալ Փիրումեանը (ՀԱԱ, ֆ. 477, ց. 1, գ. 7, մաս 2, թ. 254):

<sup>176</sup> Վահէ Արծրունի, նշ. աշխ., էջ 39: Այս տեսակետից, գրեթէ տարբերութիւն չկայ առաջին եւ երրորդ հանրապետութիւնների միջեւ:

<sup>177</sup> ՀԱԱ, ֆ. 477, ց. 1, գ. 6, թ. 26: Նոյնը, գ. 8, թթ. 3-6: Փախուստի ճանապարհին Դոնդախչեանը չի մոռանում «հերոսաբար» գողանալ պատահած քրդերի ոչխարի հօտերը... (նոյնը, գ. 8, թ. 6):

<sup>178</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 56: Ստ. Դորդանեանը կարծում է, որ «փոխգնդապետի տեղը 24 ժամուայ ընթացքում ի կատար ածուած կախաղանն էր», «բայց հայկական դատարանը, սկզբից եւեթ մի ֆիկցիա, կորով չունեցաւ արդարադատութիւն կերտելու» (ՀԱԱ, ֆ. 477, ց. 1, գ. 8, թ. 8): «Այդ ատեանները մի թիրիմացութիւն էին մեր կառավարչական օղակների շարքում եւ ոչ

Գեներալ Փիրումեանի փեսան՝ գնդապետ Միրզոբեի, առանց կռուի փախչում է Ալեքսանդրապոլ՝ նախօրօք այնտեղ տեղափոխելով իր ունեցուածքը: Ռուբէնը չի հրամայում բանտարկել նրան<sup>179</sup>:

Որոշ դէպքերում էլ կատարում էին չիմնաւորուած եւ անարդարացի փոխարինումներ: Այսպէս՝ Առաջին գնդի հրամանատար գնդապետ Յարութիւնեանը «հեռացուած էր գնդի հրամանատարութիւնից քեմալիստների հետ պատերազմի ընթացքում», քանի որ «Կարսի տիրապետութեան օրից մեծ խոչընդոտ էր Փիրումով-Յովսէփեանի «նոր տնտեսական քաղաքականութեան»<sup>180</sup> դէմ», - գրում է երբեմնի նահանգապետ Ստ. Դորդանեանը<sup>181</sup>: Գեներալները գնդապետ Յարութիւնեանին ատելու եւս մէկ լուրջ պատճառ ունէին: Արդարեւ, մինչ իրենք մայիսեան խռովութեան օրերին «չէզոքութիւն» էին յայտարարել, Յարութիւնեանը հաւատարիմ էր մնացել իշխանութեանը եւ ակտիւօրէն մասնակցել խռովութեան տապալմանը, որի համար էլ քաղաքում ստեղծուած ժողովրդական Փրկութեան կոմիտէն նրան էր վստահել զօրքերի հրամանատարութիւնը նահանգում: Նոյն գեներալ Յովսէփեանը, 28 հոկտեմբերին իր փոխարինումից ընդմիջեալ առաջ, ստորագրում է կարգադրութիւն, որով 8-րդ գնդի առաջին գումարտակի հրամանատարութիւնը հարիւրապետ Հայ Գնդունուց փոխանցում է հազարապետ Աղայեանին, ինչ է թէ՛ վերջինս աստիճանով աւելի բարձր զինու-

օրենքի սրբատեղի» (նոյնը, գ. 18, թ. 47): Կարծէք նաեւ երրորդ հանրապետութեան համար են ասուած այս դառը խօսքերը...

<sup>179</sup> ՀԱԱ, ֆ. 477, ց. 1, գ. 6, թթ. 39-40: Սա այն սպան է, որը գողանում էր իր գնդին յատկացուած սննդամթերքը, եւ 1919 թ. վերջին օրերին քիչ էր մնում նրա զինուորներն ապստամբէին: Հետաքննութիւնը հաստատել էր կողոպուտի փաստը, եւ, հակառակ իր աներոջ՝ գեներալ Փիրումեանի միջամտութեանը, գնդի հրամանատարութիւնից ազատուել էր: Այնուհանդերձ, կարճ ժամանակ անց, Միրզոբեի նշանակուեց Կարսի գնդերից մէկի հրամանատարի օգնական (ՀԱԱ, ֆ. 477, ց. 1, գ. 7, մաս 2, թ. 254), այսինքն՝ «պատժուեց» ընդամենը թեթեւակի պաշտօնազրկումով:

<sup>180</sup> Յուշագրողը այս հեգնական արտայայտութեամբ նկատի ունի Կարսի նահանգում գեներալների որդեգրած կողոպուտի քաղաքականութիւնը: Յուշագրութեան հեղինակման թուականներին (1920-ականների առաջին կէս), խորհրդային հանրապետութիւններում հռչակուել էր «Նոր տնտեսական քաղաքականութիւնը», որն առաւել յայտնի է ռուսերէն ՆԷՊ (Новая экономическая политика - НЭП) յապաւումով:

<sup>181</sup> ՀԱԱ, ֆ. 477, ց. 1, գ. 6, թ. 28:

րական է եղել... Պաշտօնի յանձնման ձեւականութիւնները հազիւ աւարտած՝ սկսուում է թուրքական յարձակումը այդ գումարտակի պաշտպանած տեղամասում<sup>182</sup>:

**Բ. 1. 8. Զինուորական բազմաստիճան ենթակայութիւնը եւ ռուսական շարժումի կապկումը**

Ռուսական ցարական բանակի համար առաւել արդիւնաւէտ էր բազմաստիճան գինուորական ենթակայութեան սկզբունքը՝ հաշուի առնելով այդ բանակի ռազմական գործողութիւնների տեղագրական առանձնատկութիւնները, ռազմաճակատների բազմահարիւր, երբեմն էլ հազարաւոր կիլոմետրանոց երկարութիւնը եւ այլ գործօններ, մինչդեռ Կարսի ռազմաճակատի թէ՛ տեղագրութիւնը եւ թէ՛ համեմատաբար փոքրութիւնը պարտաւորեցնում էին ռազմական հրամանատարութեան մէկտեղում, այն էլ՝ կարող, պատկառազօր, առինքնող, անձնական դրական օրինակ ծառայող ռազմահրամանատարի ձեռքում: Մինչդեռ այս հարցում թոյլ տրուեցին կոպիտ սխալներ: Առաջին՝ ռազմական գործողութիւնների կենտրոնական հատուածի հրամանատարն էր գեմ. Արտեմ Յովսէփեանը, որի վերադասն էր Կարսի բերդապահ եւ ռազմաճակատի փաստական հրամանատար գեմ. Դանիէլ-բեգ Փիրումեանը<sup>183</sup>: Վերջինիս անմիջական ղեկավարն էր ռազմաճակատի անուանական հրամանատար գեմ. Մովսէս Սիլիկեանը, որի նստավայրը Ալեքսանդրապոլն էր՝ ռազմական գործողութիւնների թատերաբեմից շուրջ 70 կիլոմետր հեռաւորութեամբ<sup>184</sup>: Սիլիկեանի վերադասն էլ զօրքի գլխաւոր հրամանատար գեմ. Թովմաս Նազարբեգեանն էր՝ Երեւանում: Այսպիսով՝ ստեղծուել էր քառաստիճան հրամանատարութիւն. մէկ մարմին՝ չորս գլխով: Յատկանշական է նաեւ այն, որ Սիլիկեանն ու Նազարբեգեանը ընդամենը 1-2 անգամ են այցելել Կարս՝ պատերազմական գործողութիւնների ամբողջ

<sup>182</sup> Հայ Գնդունի, «Դրուագներ Կարսի կռիւներէն», «Պայքար» ամսագիր, 1931, սեպտեմբեր, էջ 80:

<sup>183</sup> Ի դէպ, ըստ լաւատեղեակ աղբիւրի, ՀՀ կառավարութեան՝ Կարսի ռազմաճակատ ուղարկած լիազօր, խնամատարութեան նախարար Ա. Բաբալեանի՝ «առաջինը իբր թէ պիտի ենթարկուէր երկրորդին, բայց մենք բնաւ այդ չնկատեցինք» (Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 56):

<sup>184</sup> Շտաբի հաստատումը Ալեքսանդրապոլում Կարսի նահանգապետ Ստ. Դորդանեանը «ճակատագրական» սխալ է համարում. տե՛ս ՀԱԱ, ֆ. 477, ց. 1, գ. 7, մաս 3, ք. 362:

ընթացքում: Իրականում Սիլիկեանը ռազմական պլաններով չէր էլ զբաղուում, նրա փոխարէն դա անում էր իր շտաբի պետը՝ գնդապետ Ալեքսանդր Վեքիլեանը<sup>185</sup>: Սա եթէ մէկ կողմից՝ ռուսական ռազմարուեստի բազմաստիճան հրամանատարման սկզբունքի կապկում էր, միւս կողմից՝ դա կատարուել էր ինքնահաւան եւ իրար նկատմամբ նախանձով ու ատելութեամբ լցուած գեներալների փառասիրութիւնը բաւարարելու համար: Իւրաքանչիւր հրամանատար, իհարկէ, ուներ նաեւ իր շտաբը՝ բազմաթիւ սպաներով: Եթէ սրանց աւելացնենք այն, որ հեռագրական եւ հեռախօսային կապը յաճախ խզուում էր, երբեմն՝ տեւական ժամանակով, ապա պատկերը ամբողջական կլինի<sup>186</sup>: Նման պայմաններում անհնար կլինէր օպերատիւ ռազմական որոշումներ ընդունել, հրահանգներ արձակել ու դրանք տեղ հասցնել, ռազմական գործողութիւնները համակարգել: Շատ են վկայութիւնները, թէ ճակատի այս կամ այն զօրամիւտումը տեղեակ չէր, թէ ի՞նչ է կատարուում թեւերում<sup>187</sup>, նոյնիսկ հարեւան զօրամիւտումներում<sup>188</sup>: Միւս սխալն այն էր, որ այս բոլոր զօրահրամանատարների միջեւ յարաբերութիւնները, մեղմ ասած, բարեացական չէին. տեւական նախանձ, փոխադարձ դաւեր (աւելի մանրամասն՝ յետագայ շարադրանքում): «Մինչդեռ մեր դիմաց մէկ կամք, մէկ հրամայող կար – Քեազըմ Կարաբէքիր փաշան»<sup>189</sup>:

**Բ. 1. 9. Զօրակոչի բարձիթողի վիճակը**

Զօրակոչի կարելոր գործի նկատմամբ ՀՀ կառավարութեան մօտեցումը, ըստ Հայ Գնդունու, «մակերեսային եւ իրապէս վարժա-

<sup>185</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 63:

<sup>186</sup> Ստ. Դորդանեանը առանձնակի ուշադրութիւն է հրաւիրում այն փաստի վրայ, որ «Կարսի անկման դեռ նախընթաց օրից զօրքերի հրամանատարը ոչ մի հեռագրական կամ հեռախօսային կապ չուներ իր զօրամասերի հետ <...> Կապը կամ խզուած էր, կամ նրանից օգտուելու ցանկացող չկար <...> Երբ թիւրք հրոսակախմբերը լցուել էին արդէն քաղաք, զօրքերի հրամանատարին այդ մասին տեղեկացրին կողմնակի մարդիկ: Նորին գերագնացութիւնը ոչինչ չգիտէր, թէ ի՞նչ է կատարուում նոյնիսկ քաղաքում...» (ՀԱԱ, ֆ. 477, ց. 1, գ. 10, ք. 43):

<sup>187</sup> Տե՛ս, օրինակ, Վահէ Արծրունի, նշ. աշխ., էջ 36:

<sup>188</sup> Տե՛ս նաեւ ՀԱԱ, ֆ. 477, ց. 1, գ. 6, ք. 96:

<sup>189</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 56:

պետական» էր<sup>190</sup>: Սիմոն Վրացեանի գնահատումով՝ զօրակոչն ու առհասարակ թիկունքը «լաւ կազմակերպուած» չէին<sup>191</sup>, իսկ ըստ Կարսի նահանգապետ Ստեփան Ղորղանեանի՝ այդ պատասխանատու գործը «մի այնպիսի շփոթ, մի այնպիսի քաոս էր, որի նմանը երեւակայել անգամ դժուար է»<sup>192</sup> եւ «գտնուում էր անշնորհք եւ ապիկար ադմինիստրացիայի ձեռքում»<sup>193</sup>: Զօրակոչը կատարուում էր «վայր ի վերոյ, առանց սիստեմի, տուեալների եւ առանց որեւէ պատասխանատուութեան»<sup>194</sup>: Թիկունքի պետ, գեներալ Միքայէլ Արեշեանը մի ապաշնորհ մարդ էր, զուրկ կազմակերպչական կարողութիւններից: Նա, «փոխանակ իրեն յանձնուած նոր-նոր ոյժերը կազմակերպելով ճակատն ուղարկելու, աւելի կքաջալերեր դասալքութիւնը դէպի Վրաստան»<sup>195</sup>: Բանակի Զօրակոչային վարչութիւնը գլխաւորում էր ռուս գնդապետ Մակավիւելը: Նահանգներում եւս ռուսների կամ հայութիւնից լրիւ ուժացած սպաների էր յանձնուել այս յոյժ կարեւոր միջոցառման իրականացումը: Նրանք եթէ նոյնիսկ բանիմաց եւ մասնագէտ լինէին այս հարցում, այնուամենայնիւ սրտացաւ չէին կարող լինել: Հայաստանի Հանրապետութիւնը ռուս սպաների հայրենախ պետութիւնը չէր, իսկ հայազգի սպաների հոգում ՀՀ-ը որպէս Հայրենիքի մի մաս կամ գոնէ, սեփական՝ հայրենի պետութիւն չէր ընկալուում: Սպայակազմի այս երկու ենթախմբերն իրենց հիւր էին համարում եւ սպասում էին ռուսական իշխանութեան վերստին յայտնուելուն տարածաշրջանում՝ անկախ գոյնից՝ սպիտակ թէ կարմիր:

Զօրակոչն առաւել բաբելոնեան խառնակութիւն էր յիշեցնում, քան զինուորական կարգապահութեամբ մի միջոցառում: Զօրակոչի պլան գոյութիւն չունէր, իսկ եթէ կար, դրան անտեղեակ էր Կարսի նահանգապետը, որին յանձնարարուել էր զօրակոչի կազմակերպումը նահանգում<sup>196</sup>: Նահանգի զօրակոչը իրականացնելու կոչուած հայանուն, հայերէն ոչ մի բառ չիմացող գնդապետին «նոյնչափ էր հետաքրքրում հայկական գործը, որքան ինձ եւ ձեզ՝

<sup>190</sup> ԿԱՊ, «Մարտկոց», 1932 թ., 29 հոկտեմբերի, էջ 2:

<sup>191</sup> Սիմոն Վրացեան, «Հայաստանի Հանրապետութիւն», Երեւան, 1993, էջ 508:

<sup>192</sup> ՀԱԱ, ֆ. 477, ց. 1, գ. 7, մաս 1, թ. 155:

<sup>193</sup> Նոյնը, գ. 10, թ. 4:

<sup>194</sup> Նոյնը, գ. 6, թ. 94:

<sup>195</sup> Վահէ Արծրունի, նշ. աշխ., էջ 292:

<sup>196</sup> ՀԱԱ, ֆ. 477, ց. 1, գ. 6, թ. 94:

անցեալ տարուայ քամին»<sup>197</sup>, - հեզնում է նահանգապետն իր յուշերում:

### **Բ. 1. 10. Հայ զինուորների՝ կանադական հրացաններին անբաւարար տիրապետելը**

Թուրքական յարձակումից յետոյ յայտարարուած զօրակոչով «զէնքի տակ առնուած մարդոց գրեթէ մեծ մասը անտեղեակ էր հրացանի գործածութեան, զին. տարրական կրթութիւն ու վարժութիւն չէր տեսած», վկայում է առաջին գծում մարտնչած 8-րդ գնդի առաջին գումարտակի հրամանատար Հայ Գնդունին<sup>198</sup>: 1920 թ. աշնանը Մեծ Բրիտանիայի՝ ՀՀ-ին վաճառած կանադական հրացանները «բոլորովին անպէտ զէնքեր էին», իսկ հայ զինուորն ու զինակոչիկը դրանց գործածութեանը «չէր մարզուած հարկ եղածին չափ»<sup>199</sup>, դրանց «վարժ չէր»<sup>200</sup>: Կարօ Սասունու կարծիքով՝ այդ հրացանները ծանր էին եւ կոշտ, նրանց արծակած փամփուշտների զգալի տոկոսը չէր պայթում, ինչը հոգեբանական վատ ազդեցութիւն էր թողնում զինուորների վրայ<sup>201</sup>: Միւս կողմից՝ «նոյնիսկ սպաներից ոմանք դեռ չէին թափանցել նոր զէնքի գործածութեան գաղտնիքներին, որպէսզի սովորեցնել կարողանային իրենց ենթարկեալ զինուորներին», վկայում է կամաւոր մարտական գործողութիւնների շրջան մեկնած Գարեգին եպս. Յովսէփեանը<sup>202</sup>:

### **Բ. 1. 11. ՀՀ բանակի եւ պաշտպանութեան նախարարութեան ապաշնորհ ղեկավարութիւնը**

Այս մասին գրում են գրեթէ բոլոր յուշագրողները: Զօրահրամանատարներին յուշագրողները բնութագրում են ամենաբացասական գնահատականներով՝ «անզգամ»<sup>203</sup>, «դաւադիր, վախկոտ», նաեւ՝ «ընչաքաղց, եսասէր, նեղմիտ»<sup>204</sup>, «կայսերական իդէալների երկրպագու, զաւեշտ, թիւրիմացութիւն»<sup>205</sup>, «ապիկար,

<sup>197</sup> Նոյնը, գ. 7, մաս 2, թ. 165:

<sup>198</sup> ԿԱՊ, «Մարտկոց», 1932 թ., 29 հոկտեմբերի, էջ 2:

<sup>199</sup> Նոյնը, 1932 թ., 8 նոյեմբերի, էջ 1:

<sup>200</sup> Սիմոն Վրացեան, «Հայաստանի Հանրապետութիւն», Երեւան, 1993, էջ 508:

<sup>201</sup> ՀԹՊ, «Հայրենիք», 1926, թիւ 5, էջ 80:

<sup>202</sup> «Ոգուն չապաւինելու արդիւնքը», էջ 31:

<sup>203</sup> ԿԱՊ, «Մարտկոց», 1932 թ., 5 նոյեմբերի, էջ 2:

<sup>204</sup> Վահէ Արծրունի, նշ. աշխ., էջ 58, 384:

<sup>205</sup> ՀԱԱ, ֆ. 477, ց. 1, գ. 10, թ. 31:

ստախօս, վախկոտ, ցեց»<sup>206</sup>, «անընդունակ, ողորմելի», «ազգուրաց», «հրէշ», նաեւ հեզնանքով՝ «ասպետ, հերոս»<sup>207</sup>: Յուշագրողների մեծ մասը բարձրաստիճան հրամանատարութիւնը դասակարգում է երկու խմբակցութիւններում.

1. Հայ սպայութեան «հայրեր». սրանք ռուսներ էին կամ բացառապէս ու միայն ռուսերէն խօսողներ, երբեմնի ցարական բանակի սպաներ:

2. «Նորընծայ հայ սպաներ». սրանց մեծ մասը նախապէս եղել է «տիրացու, խանութպան, գործակատար» կամ, «լաւագոյն դէպքում, ծխական ուսումնարանի վարժապետ»: Սրանք ռուսների եւ ռուսախօսների միջավայրում տառապում էին ստորակայութեան բարդոյթով: Ըստ այս դասակարգման հեղինակի՝ Ստ. Ղորղանեանի՝ այս դասը «տքնում էր ռուսերէն խօսելու, բայց նա ռուսերէն միայն կոտրատում էր...»՝ «առաջ բերելով ռուսների մէջ միայն հեզնանք եւ միայն ծաղր»<sup>208</sup>:

Ներկայացնենք այս հրամանատարների ապաշնորհութեան ընդամենը մէկ օրինակ:

8-րդ գնդի առաջին գումարտակի հրամանատար Հայ Գնդունին, որ հոկտեմբերի 28-ի՝ լոյս 29-ի գիշերը ներկայացել էր ռազմաճակատի կենտրոնի հրամանատարութիւնն ստանձնած գեներալ Ղազարեանին, իր յուշերում գրում է. «Զօրավարը դրութիւնը ըմբռնողի չէր նմաներ, անտարբերութեամբ կվարուէր մեր զեկուցումին հետ, նոյն իսկ կատարելապէս անուշադրութեան մատնելով իմ կտրուկ յայտարարութիւնս, որ թուրքերը հետեւեալ օրն իսկ եթէ ուզէին առաջ շարժիլ, եւ հայ բանակը չկարենար լուրջ դիմադրութիւն մը կազմակերպել, Կարսը կիյնար նոյն օրն իսկ»<sup>209</sup>:

<sup>206</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 55, 57, 62: Այս բոլոր որակումները տրուել են գեներալ Արտեմ Յովսէփեանին: Նման յատկանիշներով անձի նշանաբանը եղել է... «Մեռնել կամ յաղթել»-ը (Վահէ Արծրունի, նշ. աշխ., էջ 90), որով իմաստազրկուել է ռզեղէն մեծ ներոյժ պարունակող այս նշանախօսքը:

<sup>207</sup> ՀԱԱ, ֆ. 477, ց. 1, գ. 7, մաս 1, ք. 59, գ. 16, ք. 47, գ. 18, ք. 38, գ. 7, մաս 1, ք. 122:

<sup>208</sup> Նոյնը, մաս 3, ք. 397-399:

<sup>209</sup> Հայ Գնդունի, «Դրուագներ Կարսի կռիւներէն», «Պայքար» ամսագիր, 1931, սեպտեմբեր, էջ 82: Սա այն գնդապետն է, որ Նժդեհից առաջ, իր՝ Սիւնիք մեկնելու համար որպէս նախապայման ՀՀ կառավարութիւնից պահանջել էր «կանխաւ աստիճանի բարձրացում եւ կրկնակի ամսական»

Գիշտ հակառակ պատկերն էր թուրքական հրամկազմում: Բացի կարող եւ վճռական Կարաբէքիրից՝ նրա ենթակաները եւս աչքի էին ընկնում բարձր յատկանիշներով: Կարաբէքիրը յայտնում է, որ իր գնդապետներից խալիդ բեգը՝ «շատ քաջ, յանդուգն» մի հրամանատար, Կարսի վրայ յարձակման «հրամանը տանող Քեազըմ բեգէն խնդրած է, որ 12-րդ բանակին հետ տեղը փոխուի եւ ամրութիւններուն վրայ ինք յարձակի»<sup>210</sup>: Քեազըմ բեգ մերժել է ընդառաջել՝ ինք ուզենալով առաջինը վայելել յաղթողի դափնիները:

### *Բ. 1. 12. Յոյսը Կարսի անառիկ ամրութիւնների եւ հարիւրաւոր թնդանօթների վրայ դնելը*

Այստեղ մի անգամ եւս երեւում է պայքարելու ոգին թերագնահատելու կործանարար հետեւանքը: Այս ամրութիւնների վրայ իրենց յոյսն էին դրել շատերը՝ բարձր զօրահրամանատարներից մինչեւ ՀՀ քաղաքական վերնախավն ու Կարսի բնակչութիւնը: Ըստ Ստեփան Ղորղանեանի՝ «հայ սրբերից յետոյ, նա (հայ ժողովուրդը - Գ. Ե.) հաւատում էր եւ Կարսի վիթխարի թնդանօթներին»<sup>211</sup>: Եթէ բացակայում է պայքարելու, դիմադրելու եւ յաղթելու ոգին, սրբերը, ամենաանառիկ ամրութիւններն ու վիթխարի թնդանօթներն իսկ անկարող են պարտութեան դառնութիւնը ճաշակել չտալու անպարտելի համարուած բանակներին<sup>212</sup>: «Եթէ

(Օննիկ Ջարմունի, «Ցեղի հրամայականը», Երեւան, 2007, էջ 158), եւ ստացել էր...

<sup>210</sup> «Քեազըմ Կարաբէքիրի յուշերը Հայաստանի Հանրապետութեան վրայ թրքական յարձակումներուն մասին», «Զարթօնք», 1966 թ., 10 օգոստոսի, էջ 2:

<sup>211</sup> ՀԱԱ, ֆ. 477, ց. 1, գ. 7, մաս 3, ք. 416:

<sup>212</sup> Բաւարար է ասել, որ ատոմական զէնք ունեցող չորս մեծ պետութիւններ խայտառակ պարտութիւն են կրել. ԱՄՆ-ը՝ Վիետնամում (վստահաբար պարտուելու է նաեւ Իրաքում եւ Աֆղանստանում), Խորհրդային Միութիւնը՝ Աֆղանստանում, Մեծ Բրիտանիան՝ իր գաղութներում, Ֆրանսիան՝ իր գաղութներում, մասնաւորաբար Ալժիրում: Ատոմային զէնք ունեցող Իսրայէլը 2006 թ. չկարողացաւ ծնկի բերել լիբանանեան «Հզբոլլահին»՝ շնորհիւ վերջինիս մարտիկների բարոյահոգեբանական կամային յատկանիշների: Հայոց նորագոյն պատմութեան մէջ եւս արձանագրուեց նման դրուագ. ադրբեջանցիների անառիկ ամրութիւն համարուած հայկական Շուշի քաղաքը հայ մարտիկները սրընթաց գրոհով ազատագրեցին 1992 թ. մայիսի 8-9-ին՝ շնորհիւ կռուելու եւ յաղթելու ան-

Կարաղաղի ամրութիւններից մեր թնդանօթները միայն գործին, ո՛չ միայն քաղաքը պաշտպանուած կլինէր, այլ նոքա (թուրքերը - Գ. Ե.) չէին կարող բերդին իսկ մօտենալ»,- գրում է Գարեգին սրբազանը<sup>213</sup>: Սակայն գերաշնորհ հայրը մոռանում է, որ թնդանօթները բանեցնում են մարդիկ, որոնք պէտք է աներեր հաւատք ունենան իրենց յաղթանակի նկատմամբ: Ապա թէ ոչ պարտութիւնը չպէտք է անակնկալ լինի որեւէ մէկի, առաւել եւս՝ «զինուորական բարձր իշխանութեան համար», ինչպէս Կարսի անկման դէպքում էր<sup>214</sup>:

Հրամկազմի մի մասը չէր էլ հաւատում Կարսի ամրութիւնների: «Նազարբէգեան կարծում էր, որ թշնամու ճնշման տակ, ստիպուած պիտի լինենք թողնել Կարսը եւ, պահպանելով կենդանի ոյժը, կարգի բերել մեր գնդերը, զինել, հագցնել եւ ապա չափուել թշնամու հետ»<sup>215</sup>: Նոյն կարծիքին է եղել նաեւ գլխաւոր շտաբի պետ գեներալ Յովհաննէս Յախվերդեանը: Կառավարութիւնը մերժում է այս առաջարկը՝ յուսալքութիւն չառաջացնելու համար: Կ. Սասունին ճիշտ է համարում Նազարբէգեանի առաջարկը եւ անելացնում. «Կարսի բերդին եւ քարերուն վրայ յոյսը դնելը ամենէն մեծ սխալը եղած է»: «Կարսի բերդը եղաւ գլխաւոր պատճառը Կարսի աղէտալի անկման», - եզրակացնում է Սասունին՝ անելացնելով՝ «Կարսը առանց կռուի տալը զինուորական խելացիութիւն պիտի ըլլար», քանի որ 60 հազարանոց բանակի համար նախատեսուած «բերդը այդքան քիչ թուով զինուորներով անկարելի էր պաշտպանել»<sup>216</sup>: Սեպտեմբերի վերջի անյաջողութիւններից յետոյ գեներալներ Փիրումեան եւ Յովսէփեան եւս նոյն ամսի 29-ի գիշերային խորհրդակցութեան ժամանակ արտայայտուել են քաղաքի բնակչութիւնը պարպելու եւ նրան անմիջապէս քաղաքից դուրս հանելու օգտին՝ միաժամանակ անելացնելով՝ «գիշերուայ ժամը 1-էն սկսեալ իրենք պատասխանատուութիւն չեն ստանձներ»<sup>217</sup>: Նման դասալիք հրամանատարները փոխանակ գնդակահարուե-

սասան հաւատին ու դրանից բխած ոգուն: Արժէ յատուկ նշել, որ Կարսի եւ Շուշիի ամրութիւնների տեղագրութիւնը բաւական նման է:

<sup>213</sup> «Ոգուն չապաւինելու արդիւնքը», էջ 41:

<sup>214</sup> Նոյն տեղում:

<sup>215</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 55:

<sup>216</sup> ՀԹՊ, «Հայրենիք», 1926, թիւ 7, էջ 73-74:

<sup>217</sup> Նոյնը, թիւ 5, էջ 84:

լու, շարունակեցին իրենց գործը՝ ՀՀ-ն առաջնորդելով դէպի վերջնական կործանում...

Սակայն էլ անելի վրդովեցուցիչ փաստն այն է, որ Կարսի ամրութիւնների նկատմամբ անփոյթ վերաբերմունք է դրսևորել նոյնիքն բերդապահ նշանակուած գեներալ Փիրումեանը<sup>218</sup>: Հենց սկզբից միասնութիւն չկար այն հարցում, թէ հարկաւո՞ր է արդեօք Կարսը պահպանել որպէս բերդաքաղաք, թէ՞ ոչ: Կառավարութեան ուղարկած իր զեկոյցում Կարսի հրետանու հրամանատար նշանակուած բուլղար գնդապետ Բաբաջանովը յայտնելով, թէ Կարսի «ամրացրած գօտիում անելի քան 300 ժանր թնդանօթ եւ անթիւ ու անհամար ռազմամթերք» կար, որոնք «այսօր երեսի վերայ» էին թողնուած, երկու ընտրանքներից մէկնումէկն էր առաջարկում՝ կամ եղածը վերակազմակերպել, կամ որպէս բերդ հրաժարուել Կարսից՝ այն որպէս ռազմամթերքի պահեստ միայն պահելով<sup>219</sup>: Ինչպէս շատ հարցեր, սա եւս թողնուած է անլոյծ եւ բարձիթողի: «Բերդը եւ գոյութիւն ունէր եւ ոչ: Բերդապահ կար, ինչպէս նաեւ հրետանիի պետ, բայց զօրք չկար», - գրում է Կարսում ՀՀ կառավարութեան լիազօր ներկայացուցիչը<sup>220</sup>: Եւ միայն պատերազմն սկսուելուց յետոյ հապճեպ կերպով մի շարք կարգադրութիւններ են անում, որոնք երկար ամիսների անփութութեան պատճառով ստեղծուած ողորմելի վիճակը չէին կարող հաշուած օրերի ընթացքում յեղաշրջել յօգուտ հայերի: Հոկտեմբերի վերջին շաբաթը ի վերջոյ սկսում են կարգի բերել բերդի՝ «երեսի վերայ ընկած բազմաթիւ թնդանօթները», հեռախօսային եւ հեռագրական կապը վերականգնել ու այլ անհրաժեշտ աշխատանքներ կատարել<sup>221</sup>, թնդանօթաձիգ սպաներ ճարել<sup>222</sup>:

### Բ. 1. 13. Հայկական երկաթուղու խայտառակ վիճակը

Սա եւս կարելի է դասել ռազմական բնոյթի սխալների շարքը: Օրագրողը հոկտեմբերի 3-ին գրել է. «Նաւթ ու մագուի չունենալու պատճառով, մեր երկաթուղագիծը համայն Հայաստանում

<sup>218</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 58:

<sup>219</sup> ՀԱԱ, ֆ. 477, ց. 1, գ. 7, մաս 3, թ. 407:

<sup>220</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 58:

<sup>221</sup> ՀԱԱ, ֆ. 477, ց. 1, գ. 7, մաս 3, թ. 364:

<sup>222</sup> Նոյնը, թ. 367:

այս քանի շաբաթ է, որ ի սպառ կանգնել է: Այս է, որ մեր մեջքը ջարդում է: Եթէ մեր երկաթուղին բաներ, մենք ոչ մի թիզ հող չէինք զիջի թուրքերին<sup>223</sup>: Սա էլ հաղորդակցութեան նախարարի<sup>224</sup> անհեռատեսութեան արդիւնքն է: Նեղ օրուայ համար մեր երկիրը միշտ պէտք է անձեռնմխելի պաշար ունենայ զօրաշարժի համար, բայց այդ չի արուած»: Օրագրողը վրդովուած հարց է տալիս. «Այսպէս էլ անտարբերութիւն կլինի...» ու անմիջապէս ակեղացնում. «Ինձ մնար, ես Ջամալեանին առաջին հերթին ռազմադաշտային դատարանի կյանձնէի»<sup>225</sup>:

Հայկական երկաթուղում կաշառքն ու կողոպուտը դարձել էին «բնական» երեւոյթներ: «Երկաթուղու ամեն մի կայան մի սատրապութիւն, «ինքնորոշուող» մի հաստատութիւն էր, ուր գնացքը պէտք է կանգներ եւ վճարեր իր մաքսը»<sup>226</sup>: Երկաթուղու Կարսի նահանգի հատուածում կողոպտում էին յատկապէս հարուստ թուրքերին: Նահանգապետը երկաթուղու ոստիկանապետին հեռացնում է աշխատանքից, բայց որոշ ժամանակ անց իմանում է, որ Երեւանից նրան նորից նշանակել են նոյն պաշտօնին<sup>227</sup>:

<sup>223</sup> Մենք համաձայն չենք օրագրողի այս գնահատականին, թէեւ չենք ժխտում երկաթուղու անգործութեան ռազմական եւ բարոյահոգեբանական բացասական ազդեցութիւնը:

<sup>224</sup> Բիւրօ-կառավարութիւնում հաղորդակցութեան նախարարն էր Արշակ Ջամալեանը:

<sup>225</sup> Անանուն, «Ազատ, անկախ եւ միացեալ Հայաստանի վերջին օրերը», էջ 88: Միամիտ երիտասարդ, ինչ դատարան, ինչ բան... Ո՞վ կհամարձակուէր «աչքիդ վերելում յօնք կայ» ասել իշխող կուսակցութեան՝ ՀԳԴ-ի ամենակարող Բիւրօ-կառավարութեան անդամին: Նման համարձակին մաուզերիստ տղերքը անյապաղ համապատասխան «մշակման» կենթարկէին, ինչպէս այսօրուայ իշխանաւորների դէպքում դա անում են թիկնազօրների պարարտ, հաստավիզ եւ սափրագլուխ մարդանմանները...

<sup>226</sup> ՀԱԱ, ֆ. 477, ց. 1, գ. 12, թ. 68: Փչացածութեան (կոռուպցիայի) նման երեւոյթներ եւս «բնական» են համարում Հայաստանի երրորդ Հանրապետութեան տրանսպորտի ոլորտում, յատկապէս «Ձուարթնոց» օդանավայանում՝ 1990-ական թուականներին:

<sup>227</sup> ՀԱԱ, ֆ. 477, ց. 1, գ. 7, մաս 1, թթ. 41-44:

## Բ. 2. Ռազմահոգեբանական պատճառներ եւ սխալներ

### Բ. 2. 1. Պատերազմին հոգեբանական անպատրաստութիւնը, թուրքական վտանգի թերագնահատումը եւ սեփական կարողութիւնների գերագնահատումը

Մեր համոզմունքով՝ սա Կարսի եւ դրան հետեւած ՀՀ անկման գլխաւոր գործօններից է: Որեւէ պատերազմի կամ նոյնիսկ դրա վտանգի նկատմամբ հոգեբանական անպատրաստութիւնն անխուսափելիօրէն առաջնորդում է մարտական ոգու թուլացմանը<sup>228</sup>: «Կառավարութեան ու պարլամենտի համար տաճկական վտանգ չկար, կամ այդ վտանգը սպառնալից չէր», - գրում է նախարար Արտաշէս Բաբալեանը<sup>229</sup>: Դա ունի իր հոգեբանական բացատրութիւնը. ՀՀ-ն Կարսի մարզը ձեռք էր բերել հեշտութեամբ, առանց մեծ զոհողութիւնների՝ այն ստանալով բրիտանացիներից 1919 թ. ապրիլ-մայիսին: Իսկ ինչ ձեռք է բերում հեշտութեամբ, ընդհանրապէս նրա իսկական արժէքը թերագնահատում է, նմանապէս թերագնահատում են այն կորցնելու վտանգն ու նշանակութիւնը:

Թուրքական վտանգի թերագնահատումն ուղեկցում էր սեփական կարողութիւնների անհիմն գերագնահատումով, «որովհետեւ յաղթական էինք մեր անկախութեան առաջին օրերից իսկ», «լաւ զինուած եւ պարենաւորուած, Անդրկովկասում կռուողի հռչակ հանած, թուով գերազանց» բանակ ունէինք եւ «ուժեղ էինք Անդրկովկասեան միւս հանրապետութիւնների համեմատ»<sup>230</sup>: Ըստ Կարօ Սասունու՝ «Հայկական զինուորական անձնավստահութիւնը իր կարծեցեալ թուական առաւելութեան վրայ էր»<sup>231</sup>:

<sup>228</sup> Տե՛ս նաեւ Արարատ Յակոբեան, «1920 թ. թուրք-հայկական պատերազմի պատմութեան փորձն ու դասերը», էջ 28:

<sup>229</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 54: Տե՛ս նաեւ Վահէ Արծրունի, նշ. աշխ., էջ 35: Այս սխալն այսօր նոյնութեամբ կրկնում են Հայաստանի երրորդ Հանրապետութեան ղեկավարները:

<sup>230</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 64-65: Նոյնը հաստատում է նաեւ Վահէ Արծրունին (Վահէ Արծրունի, նշ. աշխ., էջ 35): Այս արտայայտութիւնները եւս այսօր նոյնութեամբ կրկնում են ՀՀ քաղաքական եւ զինուորական ղեկավարները:

<sup>231</sup> ՀԹԴ, «Հայրենիք», 1926, թիւ 6, էջ 89:



Ըստ Գարեգին եպս. Յովսեփեանցի արժանահաւատ վկայութեան, հայոց զօրքը «գրեթէ ամբոխից էր բաղկացած»<sup>232</sup>: Այդ զինակոչիկների մեծ մասը եկել էր գիւղերից, որտեղ աշնանային բերքահաւաքի եռուն շրջանն էր: Զօրակոչուած գիւղացի երիտասարդն ու հասուն տղամարդը չէին կարող չմտահոգուել օր առաջ տուն դառնալու, իրենց ընտանիքի ծնեռուայ պաշարն ապահովելու, մի քիչ էլ սեւ օրուայ համար խնայողութիւններ ունենալու բնական ու տրամաբանական խնդրով:

Զօրակոչին ներկայանում էին աղքատների եւ «տանիք» չունեցողների որդիները: Հովանաւոր ունեցող կամ կաշառք տուող երիտասարդների մի մասը փախչում էր արտասահման (մասնաւորաբար՝ Թիֆլիս), միւս մասը՝ տեղաւորուում էր սպաների մօտ՝ ռազմական գործողութիւններից հեռու<sup>233</sup>: Կարսի նահանգապետ Ստ. Դորդանեանը եզրակացնում է, որ զօրահավաքը հավասարուել էր «ամօթալի սնանկութեան»<sup>234</sup>:

Ռազմահոգեբանական մէկ այլ կոպիտ սխալ էր նման յատկանիշներ ունեցող զօրակոչիկների միախառնումը մասնագիտացուած զօրամիւտրուներին, որի հետեւանքով զգալիօրէն նուազում էր վերջիններիս մարտունակութիւնը, նրանց եւս մղելով խուճապի:

<sup>232</sup> Գարեգին եպս. Յովսեփեանցի օրագիրը, «Բանբեր Հայաստանի արխիւների», 1989, թիւ 3, էջ 146:

<sup>233</sup> Նոյն երեւոյթը դրսեւորուեց նաեւ Հայաստանի երրորդ Հանրապետութիւնում, յատկապէս Արցախեան ազատամարտի տարիներին, երբ «պաշտօնեաների երեխաները կաշառքով բանակից ազատուում էին», իսկ բռնի զօրակոչից (մարդորսութիւն) ազատուելու համար կաշառքի չափը 500-3000 ամերիկեան դոլար էր (Ադասի Թադեւոսեան, «Սոցիալական վախի երեւոյթը. արմատները եւ ձեւերը Հայաստանում (1991-1998 թթ.)», «Անցումային շրջանի էթնոհոգեբանական փոփոխութիւնների առանձնայատկութիւնները Հայաստանում» (յօդուածների ժողովածու), «Ռազմավարական եւ ազգային հետազօտութիւնների հայկական կենտրոնի» հրատարակութիւն, Երեւան, հոկտ. 1998, էջ 25, 30): Զօրակոչից ազատուելու կամ տաք անկիւններում զինծառայութիւնն «անցկացնելու» համար կաշառքի, նաեւ՝ խնամի-ծանօթ-բարեկամ-իշխանաւոր երեւոյթը շարունակուում է նաեւ այսօր՝ հիմնովին ոգեզրկելով հայոց յաղթական բանակի զինուորներին եւ կրտսեր սպայութեանը:

<sup>234</sup> ՀԱԱ, ֆ. 477, ց. 1, գ. 10, թ. 4:

## Բ. 2. 2. Հրամանատարութեան անգիտութիւնը կամ միտումնաւոր տգիտութիւնը զօրքի որակական արժէքը գնահատելիս

ՀՀ բանակի հրամանատարութիւնը կամ չէր հետաքրքրում զօրքում տիրող իրական վիճակով, կամ անգիտանում էր դա, կամ էլ նենգափոխում զօրքում տիրող բացասական յատկանիշները: Կարսի նահանգապետ Ստ. Դորդանեանը դիպուկ նկատել է տալիս, որ զօրքն ու նրա հրամանատարութիւնը «երկու խորթ եւ իրար հակասող ու բացառող հատուածներ էին»<sup>235</sup>: Այս մասին չափազանց ուշագրաւ է Հայ ռամկավար կուսակցութեան ղեկավար, «Հայաստանի ծայն» թերթի խմբագիր, յետագայում ՌԱԿ-ի հիմնադիր-ղեկավարներից Արտակ Դարբինեանի վկայութիւնը: Նախքան Երեւանից հեռանալը, 1920 թ. աշնան սկզբին նա հանդիպում է վարչապետ Հանօ Օհանջանեանին եւ իր դպրոցական ընկերոջը՝ զօրաց նախարար եւ երկրի փաստական դիկտատոր Ռուբէն Տէր-Մինասեանին ու նրանցից խնդրում տեղեկութիւններ՝ դրանք Հայ ռամկավար կուսակցութեան՝ Կ. Պոլսում կայանալիք Գ Ընդհանուր պատգամաւորական ժողովին ներկայացնելու համար: «Թէ՛ Օհանջանեան եւ թէ՛ Տէր-Մինասեան հաւաստիացուցին ինձ, թէ այդ (թուրքական յարձակման մասին շրջանառուող - Գ. Ե.) զրոյցները չափազանցուած են»: Ռուբէնն անելացնում է. «Այսօր երբ Հայաստան եւ քեմալական Թուրքիա իրարու դէմ պատերազմական վիճակի մէջ կգտնուին, իրապէս չեն գիտեր, թէ ի՞նչ է մեր բանակին բանակական եւ որակական ոյժը»<sup>236</sup>:

## Բ. 2. 3. Համատարած անկարգապահութիւնն ու անպատասխանատուութիւնը ՀՀ բանակում

Իւրաքանչիւր գործի, առաւել եւս, բանակային գործի արդիւնաւետութեան ու յաջողութեան հիմքերի հիմքը կարգապահութիւնն է: Հրամանների անվարան, «անվճռաբեկ պարտաւորութեամբ եւ ճշտութեամբ» կատարումը, յատկապէս ռազմական գործողութիւնների ժամանակ, ընդունուած չէր ՀՀ բանակում: Ամեն մէկը «սիրում էր միայն ճառել եւ միայն ընդ[դ]իմախօսել»<sup>237</sup>: Որպէս ՀՀ բանակի մեծագոյն թերութիւն՝ դա նշել է նոյնիմքն Կարաբէքիրը՝ Կարսի անկումից յետոյ՝ ընդունելով քաղաքի որբանոցների

<sup>235</sup> Նոյնը, գ. 7, մաս 2, թ. 235:

<sup>236</sup> Արտակ Դարբինեան, «Հայ ազատագրական շարժման օրերէն», Բ տպագրութիւն, Երեւան, 2003, էջ 263:

<sup>237</sup> ՀԱԱ, ֆ. 477, ց. 1, գ. 8, թ. 12:

ամերիկացի պատասխանատուներին եւ նրանց թւում իր հայկական ինքնութիւնը թաքցրած յուշագրող Վահէ Արծրունուն: Նա ասել է. «Հայկական բանակը, բացի նորելուկ ըլլալէ, ունի խախուտ հիմք: Լինելով յեղափոխական կուսակցութեան մը զինական ոյժը, չունի զինուորական անհրաժեշտ կարգապահութիւնը»<sup>238</sup>:

ՀՀ բանակի զինուորների, կրտսեր եւ միջին աստիճանի սպաների մեծ մասն իրեն գեներալ է պատկերացրել, եւ ստացած հրամանները կատարելու կամ չկատարելու իրաւունք է վերապահել ինքն իրեն: Տիրել է համընդհանուր անկարգապահութիւն: Հակառակ պատկերն էր թուրքական բանակում: Ուշագրաւ են Ալեքսանդրապոլի հաշտութեան բանակցութիւնների մեկնած Ստեփան Ղորղանեանի դիտարկումները. «Տաճիկ սպաները աւելի ենթակայ էին, քան թէ վաղեմի ռուս կայսերական սպան: Թիւրքաց շտաբի պետը, գնդապետ»<sup>239</sup>, կանգ էր առնում (Կարաբէքիրի աշխատասենեակի - Գ. Ե.) դռան առաջ, շէնքում, չվստահելով մի քայլ անգամ առաջ անելու»: Նա «հրամանատարի հետ խօսելիս, աչքերը չէր բարձրացնում անգամ...»<sup>240</sup>:

1920 թ. մայիսեան խռովութիւններից յետոյ իշխանութեան ղեկն ստանձնած Բիւրօ-կառավարութիւնը «ոյժ տուաւ բանակը մեծցնելուն, առանց համապատասխան չափով ուշադրութիւն դարձնելու անոր կարգապահութեան եւ օրգանական կազմակերպութեանը վրայ»<sup>241</sup>: Ձինուորական կարգապահութիւնը խախտողները ոչ միայն խստագոյնս չեն պատժուել, ոչ միայն նրանց ներել են, այլեւ... նրանց նոր պաշտօնների են նշանակել կամ պարգևատրել: «Մեր զինուորներն ու սպաները պատասխանատուութեան զգացում ու հասկցողութիւն չունէին», - դառնութեամբ նշում է Հայ Գնդունիքը<sup>242</sup>:

<sup>238</sup> Վահէ Արծրունի, նշ. աշխ., էջ 244: Թուրքական բանակը հայկականից իր կարգապահութեամբ էապես տարբերուել է նոյնիսկ թալանի հարցում: Նոյն ականատես աղբիւրը վկայում է, որ ասկերներին թոյլատրուած էր փող եւ հագուստ թալանել, սակայն խիստ արգելուած էր ռազմամթերքի եւ կճղակաւոր եւ սմբակաւոր կենդանիների թալանը, որը թուրքական կառավարութեան սեփականութիւնն էր համարուում (նոյնը, էջ 256):


<sup>239</sup> Խալիլ բէյը Կարաբէքիրի յանգոյն ստացել էր խստագոյն կարգապահութեամբ յատկանշուող գերմանական ռազմական բարձրագոյն ուսում.

տես ՀԱԱ, ֆ. 477, ց. 1, գ. 7, մաս 3, ք. 369:


<sup>240</sup> ՀԱԱ, ֆ. 477, ց. 1, գ. 16, ք. 23:

<sup>241</sup> Վահէ Արծրունի, նշ. աշխ., էջ 47:

<sup>242</sup> ԿԱՊ, «Մարտկոց», 1932 թ., 8 նոյեմբերի, էջ 2:



1920 թ. Հայ-թուրքական պատերազմի քարտեզը հոկտեմբերի սկզբի դրութեամբ



Կարաղաղի ամրութիւնները Կարսի բերդի համակարգում:  
Առաջին պլանում՝ Կարս գետը:



Հայաստանի Հանրապետութեան կառավարութեան մինիստր-  
նախագահ Ալեքսանդր Խատիսեանը սպարապետ Թովմաս  
Նազարբէգեանի (ձախին), գեներալ Արտեմ Յովսէփեանի  
(Խատիսեանի ձախին), գեներալ Դանիէլ-բէգ Փիրումեանի,  
սպաների ու խմբապետների հետ: Լուսանկարուած Խատիսեանի՝  
Կարսի շրջան այցի ժամանակ, շատ հաւանաբար՝ Սարիղամիշում,  
Սպայից տան մուտքին (3 նոյեմբեր 1919):



Հայկական բանակի թնդանօթներ եւ թնդանօթաձիգներ:



Հայկական բանակի գնդացրորդներ:



ՀՀ խնամատարութեան նախարար  
Արտաշէս Բարալեան



Մեծի Տանն Կիլիկիոյ Կաթողիկոս Ն. Ս. Օ. Տ. Տ.  
Գարեգին Ա Յովսէփեանց



Վահէ Արծրունի



Կարո Սասունի



Կարս. համայնապատկեր. առաջին պլանում՝  
ս. Առաքելոց եկեղեցին  
(ներկայումս վերստին վերածուած մզկիթի):



Մեպուհ




Գնդապետ Յովհաննես Մազմանեան



Գեներալ-մայոր Արտեմ Յովսէփեանց



Մուստաֆա Քեմալ (ձախին) եւ  
Քեազիմ Կարաբէրի



Կարս. առաջին պլանում Կարս գետը եւ  
գետափնեայ խճուղին:

Օրինակ՝ Մայիսեան խռովութիւնների ժամանակ բոլշեւիկները գնդապետ Նիկոլայ Ղորղանեանին նշանակել էին իրենց շտաբի պետ, եւ նա «ենթարկուած էր խռովարարներուն»<sup>243</sup>: Խռովութեան ճնշումից յետոյ նրան ոչ ոք պատասխանատուութեան չկանչեց, եւ նրան վստահուեց Կարսի ռազմաճակատի աջ թելը, ուր նա միայն անյաջողութիւններ արձանագրեց:

Գնդապետ Ղորղանեանը միակը չէր: Աւելին՝ Մայիսեան խռովութիւնների օրերին բոլշեւիկներին ջարդոք բարձրաստիճան սպաները փոքրամասնութիւն էին: Օրինակ՝ Ալեքսանդրապոլում, սպայութիւնը ճանաչել էր Ռազմայեղափոխական կոմիտէի իշխանութիւնը<sup>244</sup>, իսկ Փիրումեանն իրեն ենթակայ գեներալ Արտեմ Յովսէփեանի եւ գնդապետ Վահան Տէր-Առաքելեանի հետ այդ օրերին չեզոքութիւն յայտարարեց եւ «անհոգ-անհոգ փողոցները չափչփեցին»<sup>245</sup>: Է՛լ աւելի արտառոց է հինգերորդ գնդի հրամանատար, ռուսախօս գնդապետ Շաղութեանի պահուածքը Կարսում՝ մայիսեան խռովութեան ժամանակ: Նա այդ օրերին «հնարաւոր համարեց պսակուելու եւ ուրախանալու...»: Աւելին՝ «երբ խռովարարները կարմիր ցնցոտի դրօշակներով անցնում էին զօրանոցների մօտով, այդ նոր անուսնացած գնդապետը, արտասուքը աչքերին, որպէս մի սրբութիւն հարկաւոր համարեց համբուրել

<sup>243</sup> ԴԹՊ, «Հայրենիք», 1926, թիւ 4, էջ 83:

<sup>244</sup> Տարօրինակ է, որ Ս. Վրացեանը դա բացատրում է սպայութեան՝ «զօրքի ամբողջութիւնը փրկելու եւ ներքին կռիւների պատճառ չտալու» ազնիւ մղումով (Ս. Վրացեան, «Հայաստանի Հանրապետութիւն», Երեւան, 1993, էջ 422), մինչդեռ այդ սպայութեան դիրքորոշումը պայմանաւորուած էր մինչեւ ուղն ու ծուծը ապագայնութեամբ, սեփական պետութեան նկատմամբ հաւատքի պակասով կամ, առնվազն, արհամարհանքով:

<sup>245</sup> Վահէ Արծրունի, նշ. աշխ., էջ 42: Ստեփան Ղորղանեանը բերում է յոյժ կարեւոր մի վկայութիւն: Երբ 1920 թ. դեկտեմբերի 2-ի՝ լոյս 3-ի գիշերը Ալեքսանդրապոլի համաձայնագիրը ստորագրած ՀՀ պատուիրակութեան երեք անդամները, նոր իշխանութիւնների պահանջով, մի քանի օր անց պարտադրուած հեռանում էին արդէն խորհրդայնացած ՀՀ-ի սահմաններից, ճանապարհին գիշերում են Ղարաքիլիսայում, ուր նրանց մօտեցնում է տեղի յեղկոմի անդամ մի երիտասարդ՝ Ղազանչեան ազգանունով եւ յայտնում, որ Կարսի մայիսեան «խռովութիւնների կազմակերպիչներից մէկը ինքն էր» եւ թե «գեն. Փիրումով եւ գեն. Յովսէփեան անցել էին նոցա, խռովարարների կողմը» (ՀԱԱ, ֆ. 477, ց. 1, գ. 10, թթ. 44-45):

իրանց այնչափ հարազատ այդ կարմիր ցնցոտին...»<sup>246</sup>։ Եւ ի՞նչ, պատժուե՞ց այս ուրացող եւ անպատասխանատու սպան։ Իհարկէ՞ ոչ։ Յետագայում նրան տեսնում ենք Կարսի ռազմաճակատում, իր գնդի հետ «ամենամօթ կերպով» փախչողների առաջին շարքում<sup>247</sup>...

Ամենուրեք «ապստամբութիւնը կատարուեցաւ զօրքի կողմէ», որի պատճառով էլ «Բիւրօ-կառավարութիւնը վստահութիւն չունէր կանոնաւոր զօրքին վրայ»<sup>248</sup>։ Նոյն խռովութեան պատճառով «պետականութեան գաղափարը, որ առանց այն էլ ուժեղ չէր մեր նորաստեղծ ազգային բանակում, աւելի եւս թուլացաւ»<sup>249</sup>։

Ուշագրաւ է, որ բարձրաստիճան հրամկազմը եւս չի վստահել իր ղեկավարած զօրքին։ Հայ ռամկավար կուսակցութեան՝ 1920 թ. սեպտեմբերին տեղի ունեցած Գ Ընդհանուր պատգամաւորական ժողովին իր ներկայացրած զեկոյցում ՀԴԿ երեւանաբնակ ղեկավարներից Արտակ Դարբինեանը յայտնում է, թէ Հայկական բանակի ղեկավարութեան կարծիքով՝ «այսօրուան մեր ազգային բանակին մէջ գտնուող զինուորներուն մեծ մասը այլեւս անպէտք դարձած է, յոգնած, դասալքութեան եւ անկարգապահութեան ենթարկուած»<sup>250</sup>։

Անպատասխանատուութեան եւ անկարգապահութեան ցայտուն օրինակ է ՀՀ բանակի հոկտեմբերի 14-ի հակայարձակումը, որը նախատեսուած էր արեւածագին, սակայն «գնդապետների եւ շտաբների անհոգութեան պատճառով»<sup>251</sup> սկսում է որոշուած ժամից երկու, Հարամ Վարդանի ամրութիւնների ուղղութեամբ գործող թելում՝ 3.5 ժամ անց, իսկ աջ թեւի մի զօրամաս «իր թնդանօթներով երեք ժամ յետոյ հասած էր իրեն համար որոշուած վայրը»<sup>252</sup>։

Անպատասխանատուութեան մէկ այլ դասական օրինակ է խմբապետ Կնեազի արարքը. ստանալով ձախ թելը հետախուզելու

<sup>246</sup> ՀԱԱ, ֆ. 477, ց. 1, գ. 18, թ. 21:

<sup>247</sup> Նոյն տեղում:

<sup>248</sup> Վահէ Արծրունի, նշ. աշխ., էջ 46:

<sup>249</sup> Ա. Վրացեան, «Հայաստանի Հանրապետութիւն», Երեւան, 1993, էջ 426:

<sup>250</sup> Արտակ Դարբինեան, «Հայ ազատագրական շարժման օրերէն», Բ տպագրութիւն, Երեւան, 2003, էջ 257:

<sup>251</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 57:

<sup>252</sup> ԴԹՊ, «Հայրենիք», 1926, թիւ 5, էջ 84:

հրաման՝ «կէս ճանապարհից վերադարձել էր հանգստացուցիչ հաղորդագրութեամբ»՝ յայտնելով, թէ այդ թեւի վրայ թշնամի չկայ<sup>253</sup>։

Ահաւասիկ անփութութեան եւս մէկ արտառոց օրինակ։ Հոկտեմբերի 22-ին Սեպուհի բրիգադի շտաբը հաստատուում է Կարսի նահանգի Ռադինովկա մոլոկանների գիւղի մի բնակարանում, ուր ապրում էր մի մոլոկան պառաւ՝ իր թոռան հետ։ «Մեր հեռագրատան ծառայողներն ընդհանուր առմամբ խօսում են ռուսերէն, գրութիւնների մեծ մասը նոյն լեզուով է կատարուում եւ օ~, զարմանք, մոլոկան ընտանիքը նստած այստեղ լսում է ամեն բան»<sup>254</sup>։ Եւ սա այն դէպքում, երբ մոլոկանների վերաբերմունքը դէպի ՀՀ-ն շատ թշնամական էր։

Իսկ յիմարութեան եւս մէկ «գլուխգործոց»։ Չորրորդ գնդի հրամանատար, գնդապետ Դմիտրի Միրիմանեանի յանձնարարութեամբ սեպտեմբերի 13-ի՝ լոյս 14-ի գիշերը Կարաուրգան կայարանում՝ յառաջացեալ դիրքում, տեղի է ունենում հայ եւ թուրք սպաների միացեալ... խնջոյք, որպէսզի «հնարաւոր ըլլար գոնէ կոնեակի ազդեցութեան տակ տեղեկութիւններ կորզել տաճկական ներքին իրադարձութիւններուն մասին»։ Հնչում են փոխադարձ «կեցցէ»-ներ եւ «ուռռա»-ներ, «գնդապետ Միրիմանեանի ստորադասները հոգեկան ամենամեծ հաճոյքով կոնեակի շիշերը կպարպէին որկրամուկ, այլ ծուղակէ չբռնուող թուրք սպաներուն կենացը»։ Եւ ի՞նչ։ Թուրք սպաների մեկնումից քիչ անց թուրք հետախոյզները թափանցում են քէֆի վայր եւ կոտորում շատերին, իսկ մի քանի ժամ անց սկսւում է թուրքական «չնախատեսուած» եւ «անակնկալ» յարձակումը<sup>255</sup>, որին հետեւում է հայկական նահանջը՝ առանց լուրջ դիմադրութեան։ Ամենից շուտ փախչում է գնդապետ Միրիմանեանը<sup>256</sup>... Ոչ ոք պատասխանատուութեան չի կանչւում այս այլանդակ վարքի համար...

<sup>253</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 61:

<sup>254</sup> Անանուն, «Ազատ, անկախ եւ միացեալ Հայաստանի վերջին օրերը», էջ 101:

<sup>255</sup> Վահէ Արծրունի, նշ. աշխ., էջ 83:

<sup>256</sup> ՀԱԱ, ֆ. 477, ց. 1, գ. 7, մաս 3, թ. 350: Տե՛ս նաեւ նոյնը, թ. 352: Եւ ասել, թէ Միրիմանեանը քաջ եւ խիստ հրամանատարի համբաւ է ունեցել... (Գարեգին արք. Յովսէփեանց, «Կեանքիս ամենադժբախտ օրը եւ երջանկութեանս րոպէն». տե՛ս «Ոգուն չապաւինելու արդիւնքը», էջ 38):

Անպատասխանատուութիւնը համատարած է եղել նաեւ պետական ողջ համակարգում<sup>257</sup>:

Հետեւաբար լիովին իրաւացի է Կարսի երբեմնի նահանգապետը, երբ հաստատում է, որ «Կարսը ընկաւ ոչ պարտուած, նա զոհ դարձաւ մեր ոճրագործ անհոգութեան»<sup>258</sup>:

#### Բ. 2. 4. Դասալքութիւնը

Սա որեւէ բանակի ամենամահացու հիւանդութիւններից է, որեւէ հասարակութեան «ներքին թշնամին»<sup>259</sup>, որի դէմ պէտք է պայքարել ամենայն խստութեամբ՝ ռազմական ատեանի վճռով բոլոր դասալիքներին դատապարտելով մահապատժի: Դրան հակառակ՝ դասալիքներն արժանանում էին իրենց հարազատների հոգածութեանը, նրանց միջոցով ձեւեր գտնում ծլկելու ռազմաճակատից, իսկ ճարպիկները եւ «ուժեղների» տղերքը ճողոպրում էին Թիֆլիս<sup>260</sup>: Ստ. Դորդանեանը իրաւացի է, երբ դասալքութեան պատճառները դիտարկում է «կառավարչական ամբողջ սիստեմի» համատեքստում<sup>261</sup>: Այդ պատճառների մէջ առաջնայիններից էր կողոպտելու մոլուցքը (այս մասին՝ յետագայ շարադրանքում): Կարսի նահանգապետ Ստ. Դորդանեանն իր յուշերում գրում է, որ ամեն տեղից, նոյնիսկ Օլթիի ուղղութեամբ շարժած զօրամիաւոր

<sup>257</sup> ՀԱԱ, ֆ. 477, ց. 1, գ. 12, ք. 77:

<sup>258</sup> Նոյնը, գ. 7, մաս 3, ք. 421:

<sup>259</sup> Գարեգին արք. Յովսէփեանցի արտայայտութիւնն է. տես նրա «Մեր թշնամիները» («Էջմիածին» շաբաթաթերթ, 4 հոկտեմբերի 1920, թիւ 12, էջ 181-183) եւ Ալեքսանդրապոլում գրուած «Ներքին թշնամին» յօդուածները (ՀԱԱ, ֆ. 57, ց. 5, գ. 93, թթ. 20-21). տես «Ոգուն չապաւինելու արդիւնքը», էջ 75-80: Վերջինիս մէջ հեղինակը գրում է, թէ «մեր աչքում տաճիկն աւելի բարձր է իբրեւ թշնամի, քան այդպիսի ներքին թշնամին՝ դասալիքը» (նոյնը, էջ 78):

<sup>260</sup> Այստեղ արժէ նշել, որ ՀՀ այսօրուայ պաշտպանութեան նախարարի օգնական, պետական լեզուին անգիտակ գեներալ-մայոր Հայկ Քոթանջեանի երկու որդիները ՀՀ բանակում «ծառայել» են փափուկ պայմաններում, գտնուում են ՀՀ սահմաններից դուրս՝ օտարների ծառայութեան մէջ, իսկ նրանց գեներալ հայրն արժանացել է ՀՀ ազգային անվտանգութեան հայեցակարգի հեղինակային խումբը ղեկավարելու պատուին: Նման բացասական յատկանիշներով անձի մասնակցութեամբ ստեղծուած փաստաթուղթը վստահութիւն կարող է ներշնչել հայութեանը...

<sup>261</sup> ՀԱԱ, ֆ. 477, ց. 1, գ. 7, մաս 2, ք. 167:

րումների հետ կապ չունեցող ամբողջ գնդեր դասալիք էին դառնում՝ Օլթի գնալու՝ թալանին մասնակցելու համար<sup>262</sup>:

Գործող բանակում դասալքութիւնը գրեթէ անշրջելի դարձաւ հոկտեմբերի 14-ի հակայարձակման անյաջողութիւնից յետոյ: Եւ ի՞նչ. փախչելիս «շատեր կլքէին ոչ միայն հրացանները, այլեւ փախուստը հեշտացնելու համար կհանէին նոյնիսկ ամերիկեան կօշիկները»<sup>263</sup>: Դասալքութիւնը կանխելու եւ հաւանական դասալիքներին վախեցնելու համար Կարսի հրապարակներից մէկում կախաղան է դրուում: Սակայն դա էլ չի ազդում, քանի որ գեներալ Փիրումեանը ռազմական ատեանի նախագահ է նշանակում իր փեսայ, փոխգնդապետ Միրզոեւին, որը 9-10 ամիս առաջ արատաւորուել էր ֆինանսական զեղծարարութեան համար. իւրացրել էր իր գնդի զինուորներին յատկացուած սննդամթերքի մի մասը: «Այդ դատարան չէր, ի հարկէ, այդ մի նախատինք էր, մի ծաղր իրաւակարգի, որ... բնորոշում էր բարքերը եւ մեր ժամանակը...», - դառնութեամբ արձանագրում է Կարսի երբեմնի նահանգապետն իր յուշերում<sup>264</sup>:

Դասալքութիւնն աներեւակայելի չափերի հասաւ մանաւանդ Կարսի անկման օրից սկսեալ: «Զօրքի բարոյական կորովը բաւականին ընկած է. զօրավարներից սկսած մինչեւ հասարակ զինուորը ոչ միայն դիմադրելու, առաջխաղալու յոյս չունեն, այլեւ հաւատացած են, որ այլեւս ամեն բան վերջացել է,- գրում է ականատես վկան հոկտեմբերի 31-ին,- Բաբելոնեան խառնակութիւն էր տիրում»<sup>265</sup>: Հազարաւոր դասալիքներին ՀՀ իշխանութիւնները չեն պատժում: Ի տես այս խայտառակ իրավիճակի՝ ափերից դուրս ելած Սեպուհն անձամբ գնդակահարում է երկու դասալիքի, որոնցից մէկը բախտի քմահաճոյքով ողջ է մնում, քանի որ ատրճանակից փամփուշտ դուրս չի գալիս<sup>266</sup>:

Դասալքութիւնը համակել էր նաեւ քաղաքացիական իշխանութիւններին: Իր յուշերում Շիրակի նահանգապետ Կարո Սասուն

<sup>262</sup> Նոյնը, թթ. 265-266:

<sup>263</sup> Նոյնը, մաս 3, ք. 376:

<sup>264</sup> Նոյնը, թթ. 375-380:

<sup>265</sup> Անանուն, «Ազատ, անկախ եւ միացեալ Հայաստանի վերջին օրերը», էջ 109:

<sup>266</sup> Նոյնը, էջ 110:



նին, առանց ամօթ զգալու, արդարացնում է նման վարքագիծը<sup>267</sup>: Նա եւ Ալեքսանդրապոլի քաղաքապետ Պարոյր Լեւոնեանը «թիրքերի դեռ Ախուրեան չհասած եւ առանց կառավարութեան թոյլտուութեան լքել են իրենց դիրքերը եւ հեռացել»<sup>268</sup>: Այդուհանդերձ «արտակարգ դատարանը, իւր վերջին նիստում քննելով Ալեքսանդրապոլի քաղաքագլուխ Պարոյր Լեւոնեանի ու վարչութեան անդամների պաշտօնալքման գործը[,] գտել է նրանց արդար»<sup>269</sup>:

Պ. Լեւոնեանի, Կ. Սասունու եւ Ալեքսանդրապոլի դասալիքների «արդարացումը» եզակի դէպքեր չէին: Դասալիքները ոչ միայն չէին պատժուում, այլեւ յաճախ նոր պաշտօնների էին նշանակուում<sup>270</sup>: Էլ աւելի ապականելով ու անբարոյականացնելով հասարակական ընդհանուր մթնոլորտը:

#### **Բ. 2. 5. Ձորքի բարոյալքումը անհարկի նահանջներով**

Պատերազմին անպատրաստ լինելու հետեւանքներից մէկն էլ անհիմաստ եւ ռազմական անհրաժեշտութիւնից չբխող շարունակուող նահանջն էր, որը տեւեց մինչեւ սեպտեմբերի վերջը. կանգառը Կարսի մատոյցներում էր: Այս ժամանակահատուածում թուր-

<sup>267</sup> Ներքին գործերի նախարար Ռուբէն Տէր-Մինասեանը հեռագրով պահանջել էր, «որ թուրքերը քաղաքը գրաւելու պարագային, իրենց պաշտօնի գլուխը պէտք է մնան քաղաքագլուխը, վարչութեան անդամները, շրջանային ինքնավարութեան նախագահը եւ վարչութեան անդամները. միայն նահանգապետը արտօնուած էր հեռանալ քաղաքէն»: Այս հեռագիրը քննարկուում է Ալեքսանդրապոլում, նոյեմբերի 1-ի երեկոյեան, «եւ այդ տեղ գտնուած կառավարութեան անդամներն ու գործիչները գրեթէ միաձայնութեամբ որոշեցին, որ վեր[ը] յիշուած պատասխանատու պաշտօնեաները իրաւունք ունին հեռանալու, նկատի ունենալով թրքական բարբարոսութիւնները» (ՀԹՊ, 1926, թիւ 8, էջ 93): Սա եւս ապացոյց է այն բանի, թէ ոչ միայն բանակում, այլեւ քաղաքացիական վարչամեքենայում կարգապահութիւնը նուազագոյնից ցածր էր:

<sup>268</sup> «Ժողովուրդ», թիւ 182, 1920 թ., 9 նոյեմբերի, էջ 2, «Քրոնիկոն» սիւնա-

կը:  
<sup>269</sup> «Ժողովուրդ», թիւ 192, 1920 թ., 24 նոյեմբերի, «Քրոնիկոն» սիւնակը, ենթավերնագիր՝ «Պարոյր Լեւոնեանի արդարացումը»:

<sup>270</sup> Օրինակ՝ Կարսի անկումից հաշուած ընթացքում առաջ քաղաքից փախած նահանգապետ Ստ. Դորդանեանը նոյեմբերի սկզբին նշանակուեց ներքին գործերի նախարարի օգնական, իսկ երկրորդ կեսին՝ Կարաբէքիրի հետ հաշտութեան բանակցութիւնների համար Ալեքսանդրապոլ մեկնած ՀՀ պատուիրակութեան անդամ:

քական զօրքի հետ լուրջ ընդհարումներ տեղի չունեցան: Սակայն այդ նահանջներն էլ աւելի բարոյալքեցին զօրքը:

#### **Բ. 2. 6. Հայկական եւ թուրքական էթնոհոգեբանական եւ ռազմահոգեբանական առանձնայատկութիւնների անտեսումը**

Սա ռազմարուեստի կարեւորագոյն գործօններից է, որը հայկական կողմը հիմնովին անտեսել է հայ-թուրքական պատերազմում: Ցարական բանակին սովոր ռուս եւ ռուսախօս բարձրաստիճան հրամանատարները հայոց բանակի զինուորին վերաբերուել են իբրեւ ռուսների, մինչդեռ, պայմանաւորուած ազգային յատկանիշներով, հայ եւ ռուս զինուորներն ունեն որոշակի տարբերութիւններ: Ընդհանուր առմամբ հայ զինուորը յարձակման ժամանակ համարձակ է եւ թշնամու ոյժն արհամարհող<sup>271</sup>: Իր կարգին՝ թուրք զինուորը աւելի չարքաշ է մարտական գործողութիւնների ժամանակ, քան հայը: Մէկ այլ յատկանիշ (որը նկատի է ունեցել գեներալ Սիլիկեանը, բայց դրա հետ հաշուի չեն նստել). եթէ հայ զինուորին, մարտական գործողութիւնների ժամանակ ստիպում են սպասել (մանաւանդ անհարկի կամ չտրամաբանուած), նա «շուտով կորովագուրկ» է լինում<sup>272</sup>:

#### **Գ. Կարսի անկման բարոյահոգեբանական պատճառները**

Այս բաժնում բերուող պատճառներն ու կատարուող դատողութիւնները ճիշտ են ոչ միայն ՀՀ բանակի, այլեւ ՀՀ պետական վարչամեքենայի եւ պետութեան հայազգի հասարակութեան համար<sup>273</sup>: Այլ կերպ չէր էլ կարող լինել: Արդարեւ, որեւէ երկրի բանակ այդ պետութեան համակարգի անբաժան եւ կարեւոր մասն է եւ արտացոլում է այդ պետութեան ու նրա հասարակութեան մէջ գոյութիւն ունեցող ամենատարբեր յարաբերութիւնները, մասնաւորաբար բարոյական եւ հոգեբանական ոլորտներում:

<sup>271</sup> Այս եզրակացութեանը յանգել ենք պատմութեան ընթացքում հայ զինուորի մղած մարտերի մեր դիտարկումներից:

<sup>272</sup> ՀԹՊ, «Հայրենիք», 1926, թիւ 6, էջ 83:

<sup>273</sup> Տարբեր ժամանակահատուածներում ՀՀ ազգաբնակչութեան մինչեւ երկու երրորդը եղել է հայազգի, իսկ օտարազգիների մէջ մեծ տոկոս են կազմել ռուսները, թուրքերը, ադրբեջանցիները, քրդերն ու եզդիները, Կարսի նահանգում՝ նաեւ յոյները:

Առանձնապես չենք անդրադառնալ Հայկական բանակում եւ ընդհանուր առմամբ Հայաստանի առաջին Հանրապետութիւնում բոլշեւիկեան քարոզչութեան ակտիւ ազդեցութեանը: Այս մասին շատ է գրուել մեր պատմագրութեան մէջ՝ յաճախ չափազանցելով այս ազդակի իսկական ներգործութեան տարողութիւնը:

Հասարակութեան կառուցուածքը նման է մարդու օրգանիզմին: Մարդու վրայ ամեն ակնթարթ միլիոնաւոր վնասակար միկրոօրգանիզմներ են յարձակուում: Եթէ մարդու դիմադրողականութիւնը հզօր է, նա անվնաս է դուրս գալիս պայքարից, մինչդեռ թուլութեան պարագային ոչ վտանգաւոր միկրոօրգանիզմներն իսկ կարող են անգործութեան, հաշմանդամութեան եւ նոյնիսկ մահուան մատնել մարդուն: Իսկ հասարակութեան դիմադրականութեան հզօրութեան հիմքը ոգեղէնութիւնն ու բարոյականութիւնն են:

Մեր կարծիքով՝ բոլշեւիկեան քարոզչութիւնը (իր հիմնական երկու ազգակործան բաղադրիչներով՝ հայոց միակ փրկութիւնը խորհրդային Ռուսաստանին կցուելու եւ թուրքերին ու ադրբեջանցիներին «եղբայր» ճանաչելու դրոյթներով) չէր կարող յաղթել հայկական հասարակութեանը, եթէ նրա մարմինն ունենար մեծ դիմադրողականութիւն ու վարակուած չլինէր բարոյական եւ հոգեբանական բազմաթիւ ախտերով, որոնցից կարելորագոյնները ներկայացնում ենք ստորեւ:

#### **Գ. 1. Հայերի՝ կռուելու եւ յաղթելու կամքի բացակայութիւնը եւ թշնամու՝ այդ յատկանիշների գերազանցութիւնը**

Այս յոյժ կարեւոր գործօնը նշում են բոլոր յուշագրողներն ու փաստաթղթերի հեղինակները՝ առանց բացառութեան, թէւ իւրաքանչիւրը դա կատարում է տարբեր հնչողութեամբ: Ոչ միայն ՀՀ բանակը, այլեւ հայութիւնն ընդհանրապէս «կռուիլ չուզելու եւ չտոկալու հիւանդութեամբ մը վարակուած» էր<sup>274</sup>, մինչդեռ «բարոյական ոյժը կամ կորովը գլխաւորագոյն գէնքն է զօրքին, կռուի դաշտին վրայ յաղթական ըլլալու համար»<sup>275</sup>: «Հայ զօրքը վտանգին սէրը չէր ճաշակած»<sup>276</sup>, «Հայ ղեկավարները Սպարտայի վարդապետութիւնը լսեր էին, առանց, սակայն, անոր հոգեբանութեանը թափանցելու»<sup>277</sup>: Հայ զինուորը չէր յաղթել մահուան վախը: Գերա-

<sup>274</sup> ԿԱՊ, «Մարտկոց», 1932 թ., 29 հոկտեմբերի, էջ 2:

<sup>275</sup> Նոյնը, 1 նոյեմբերի, էջ 2:

<sup>276</sup> Նոյնը, 8 նոյեմբերի, էջ 1:

<sup>277</sup> Վահէ Արծրունի, նշ. աշխ., էջ 90:

գոյն զօրահրամանատար գեներալ Նազարբեգեանը «լաւատեսներէն չէր Հայաստանի ապագայի մասին»<sup>278</sup>: Սիլիկեանի շտաբի պետ, գնդապետ Վեքիլեանը խոստովանում էր, թէ «հայ զինուորականութիւնը հաւատք չունէր թուրքերը յաղթելու»<sup>279</sup>: Ինչպէ՞ս ունենար, եթէ տեւաբար ալան-թալանով վարակուած լինելով, «նա (ՀՀ բանակը - Գ. Ե.) ինքն էլ կորցրել էր իր հաւատը դէպի իր կարողութիւնը»<sup>280</sup>: Իսկ Հարամ Վարդանի ամբողջութեան պաշտպանութեան հրամանատար գնդապետ Փերվերդիեւն իր զօրամասերին օրերով բացատրում էր, թէ «ի՞նչ ճանապարհներով պետք է հեռանալ, փախչել, երբ թշնամին գալու լինի...»: Կարսի նահանգապետն այդ մասին տեղեկացնում է Փիրունեանին, որը քննութիւն կատարելով պարզում է, թէ «Փերվերդիեւ արբած էր, նա յայտնի արբեցող է, եւ ես նորան մի երկու օրով պատուիրեցի բանտարկել...»<sup>281</sup>:

Կռուելու կամքի բացակայութեան առումով ուշագրաւ է մի թուրք գերի վաշտապետի խոստովանութիւնը Սեպուհին, թէ թուրքական հրամանատարութեան՝ իր յաղթանակի նկատմամբ հաւատքի հիմքերից էր այն, որ «ծեր զօրքը ո՛չ թէ չէր կրնար դիմանալ մեզ, այլ պիտի չկռուէր մեր դէմ»<sup>282</sup>: Այսինքն՝ թուրքերը հայ զինուորի մարտական կարողութիւնները չէին թերագնահատում, սակայն լաւատեսակ էին երկրում ու յատկապէս բանակում տիրող բարոյահոգեբանական վիճակին, եւ պահը յարմար էին համարում ծնկի բերելու հայութեանը: Կարաբեքիրը իր յուշերում շատ է գրում այն մասին, թէ չափազանց դժուարութեամբ կարողացաւ համոզել միլլի շարժման ղեկավարութեանը (որը կենաց-մահու կռիւ էր մղում Փոքր Ասիայի ակի ելած ու դէպի Անատոլիայի խորքերն առաջացող յունական բանակի դէմ եւ անյետաձգելի կարիքն ունէր Կարաբեքիրի տրամադրութեան տակ գտնուող զինոյթին եւ ռազմամթերքին)՝ ՀՀ-ի դէմ պատերազմն սկսելու ճիշտ պահի հարցում: Մարտական ոգի կոչուող բարոյահոգեբանական հզօր գէնքը նա հիանալիօրէն գործածեց: Կարսի անկման նախօրէին՝ իսլամական

<sup>278</sup> Նոյնը, էջ 380:

<sup>279</sup> Նոյնը, էջ 33:

<sup>280</sup> ՀԱԱ, ֆ. 477, ց. 1, գ. 7, մաս 2, թ. 306:

<sup>281</sup> Նոյնը, մաս 3, թ. 370: ՀՀ բարձրաստիճան սպաների զգալի տոկոսը նաեւ հարբեցողութեամբ էր աչքի ընկնում. այս սովորոյթը «յիշատակ» էր ցարական բանակից:

<sup>282</sup> Վահէ Արծրունի, նշ. աշխ., էջ 291:

ուրբաթին, նա դիմել է կիսամերկ ու թերսնուած իր զօրքին<sup>283</sup> եւ, ցոյց տալով Կարսի վրայ իշխող Կարադաղի ամրութիւնները, խոստացել քաղաքի գրաւման դէպքում նրանց թողնել քաղաքի հայ բնակչութեան սնունդն ու հանդերձանքը:

«Յոկտեմբերի առաջին օրերին» Կարս ուղեւորուած Գարեգին եպս. Յովսէփեանցը<sup>284</sup>, գիշերով հասնելով քաղաքի երկաթուղու կայարանը, այնտեղ ծանօթանում է «ժողովրդական կարծիքների եւ ճնշուած տրամադրութեան հետ: Երկնտութեան եւ մասամբ յուսալքութեան ոգին փռել էր իւր թելերը ժողովրդի բացասական հոգեբանութեան վրայ: Ոմանք չէին քաշուում ասելու, թէ այս պատերազմը պիտի վերջանայ մեր պարտութեամբ»<sup>285</sup>: Նոյն յուշագրողը քիչ անդին դառնութեամբ արձանագրում է. «Ազգերի պատմութեան մէջ դժուար է գտնել այնպիսի խայտառակ պարտութիւն, ինչպէս մերն էր այդ օրերին: Միայն թաթարների արշաւանքների ժամանակ պատահել են այնպիսի անհասկանալի երեւոյթներ, ընդդիմութեան կատարեալ բացակայութիւն թշնամու դէմ»<sup>286</sup>: Անկման օրը Կարսում գերի ընկած նախարար Արտաշէս Բաբալեանն էլ նոյնն է վկայում. «Դիմադրութիւն չեղաւ. վիրաւորներ եւ սպանուածներ (հայ - Գ. Ե.) զօրքից չկային: Տաճիկներից վիրաւորուած էին հինգ ասկեար միայն»<sup>287</sup>: Մինչեւ հոկտեմբերի 30-ի ուշ երեկոն թուրքական մի զումարտակ եւ քուրդ ձիաւորներն են գրաւուած պահել քաղաքը<sup>288</sup>: ժողովրդի հոգեկան վիճակը յայտարարելով «անկայուն»՝ Ս. Վրացեանը յայտնում է, որ նա «իրեն սպառնացող

<sup>283</sup> Բոլոր յուշագրողները հաստատում են Կարս մտած թուրք ասկեարների եւ քուրդ բաշիբոզուկների այս վիճակը: Նրանց առաջին գործն էր, կոտորածն սկսելուց առաջ, մերկացնել հայերին եւ նրանց հագուստը հագնել:

<sup>284</sup> Գարեգին արք. Յովսէփեանց, «Կեանքիս ամենադժբախտ օրը եւ երջանկութեանս ըրպէն», «Ոգուն չապաւինելու արդիւնքը», էջ 27: Մեր հաշուամերով՝ արքեպիսկոպոսը քաղաք պէտք է հասած լինի հոկտեմբերի 10-ի՝ լոյս 11-ի գիշերը (նոյնը, էջ 18):

<sup>285</sup> Նոյնը, էջ 28: ժողովրդի եւ բանակի պարտուողական հոգեբանութեամբ վարակուած լինելու մասին տես նաեւ նոյնը, էջ 37-39: ԴԹՊ, «Հայրենիք», 1926, թիւ 5, էջ 83:

<sup>286</sup> Գարեգին արք. Յովսէփեանց, «Կեանքիս ամենադժբախտ օրը եւ երջանկութեանս ըրպէն», «Ոգուն չապաւինելու արդիւնքը», էջ 41:

<sup>287</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 62:

<sup>288</sup> Նոյն տեղում:

ահաւոր վտանգի դիմաց անկարող եղաւ բաւարար կամք եւ վճռականութիւն ցոյց տալ»<sup>289</sup>: Կռուելու կամքի հարցում միակ բացառութիւնը Սուրմալուի երկրորդական նշանակութեան ճակատն էր, որի հրամանատարն էր ժողովրդի ու բանակի սիրած առաջնորդը՝ Դրօն: Այստեղ զօրամիւտուումները հերոսական դիմադրութիւն էին ցոյց տալիս թուաքանակով գերազանցող թշնամուն: Այս ճակատում «կամաւոր կռուողները սրբազան պատերազմի մը շունչով տոգորուած էին»<sup>290</sup>: Հաշուի առնելով այս հանգամանքը՝ սկսել էին զրոյցներ շրջել Դրոյին գլխաւոր հրամանատար կամ գոնէ Կարսի ճակատի հրամանատար նշանակելու մասին<sup>291</sup>:

Տեղին է նորից մէջբերել Հայ Գնդունու դիպուկ հաստատումը. «Իրենց կոչումին բարձրութիւնը չգիտցող մեր մտաւորականներն ու գլուխները՝ Հայկական բանակին ռազմական դիրքերու վրայ կրած պարտութենէն առաջ, այո՛, սաղմնաւորներ եւ պատրաստներ էին Կարսի անկումն ու գրաւումը: Ուրիշ խօսքով, Կարսը, հայկ. թիկունքին մէջ հոկտ. 30-էն աւելի կանուխ ինկած էր անարժան եւ դաւաճան ղեկավարներուն ձեռքով»<sup>292</sup>:

#### Գ. 2. Անառողջ մթնոլորտը զինուորական բարձրաստիճան հրամանատարների եւ պաշտպանութեան նախարարութեան յարաբերութիւններում

Վերելում արդէն գրել ենք Սեպուհ-զօրահրամանատարներ հակամարտութեան մասին, որի ընդամենը մէկ օրինակն է Սեպուհի բրիգադի ոյժերի կոտորակումը պատերազմի սկզբնական շրջանում: Սեպուհի «հետ էին հայրենասէր սպայութեան եւ զօրքին սիրտն ու հոգին»<sup>293</sup>, մինչդեռ ուսադիրներ կողմ գնեցողների ու գնդապետների համար նա «խորթ զաւակ» էր<sup>294</sup>, «աչքի փուշ»<sup>295</sup>: Վերջիններս նրան, Դրոյին, Անդրանիկին, Սմբատին եւ միւս հայդուկներին արհամարհանքով «խմբապետ» էին կոչում, «ռուսերէն

<sup>289</sup> Սիմոն Վրացեան, «Հայաստանի Հանրապետութիւն», Երեւան, 1993, էջ 521:

<sup>290</sup> ԴԹՊ, «Հայրենիք», 1926, թիւ 6, էջ 97: Ոգու գործօնում առաջնորդի դերի մասին տես քիչ անդին:

<sup>291</sup> Նոյն տեղում:

<sup>292</sup> ԿԱՊ, «Մարտկոց», 1932 թ., 10 նոյեմբերի, էջ 2. ընդգծումն իմն է - Գ. Ե.:

<sup>293</sup> Նոյնը, 5 նոյեմբերի, էջ 2:

<sup>294</sup> ՀԱԱ, ֆ. 477, ց. 1, գ. 7, մաս 1, թ. 66:

<sup>295</sup> Նոյնը, գ. 6, թ. 45:

կտրատելով» նրանց անուանում «Սեպուհ-Սեպուհ», «Սմբատ-Սըմբատ»<sup>296</sup>, եւ որոնց գոյութիւնը, իրենց համոզմամբ, «անհամապատասխան [էր] արդիական պետութեան մը կենսական շահերուն եւ պահանջներուն, զայն կհամարէր տեսակ մը դիտմամբ ստեղծուած հակադիր ոյժ զինուորականութեանը»<sup>297</sup>: «Բարձր զինուորականութիւնը, զօր. Նազարբեգեանի գլխաւորութեամբ, չէր տաներ Սեպուհի եւ Դրոյի <...> նման ոչ կանոնաւոր եւ ոչ ուսեալ զինուորականները»<sup>298</sup>, թշնամական վերաբերմունք ունէր «դէպի նախկին յեղափոխական հերոսներն ու ռազմիկները»<sup>299</sup>, չորրորդ բրիգադը համարում էր «աւազակախումբ»<sup>300</sup>: Սեպուհը, իր կարգին, չէր վստահում զօրահրամանատարներին<sup>301</sup>: Գեներալներն ու գնդապետներն անընդհատ դաւեր էին նիւթում Սեպուհի դէմ՝ աշխատելով որքան հնարաւոր է նրան հեռու պահել ռազմական գործողութիւնների բեմից: Փիրումեան-Սեպուհ տարածայնութիւնը «մէկ կողմէ՝ բնական զարգացումն էր» Փիրումեան-նահանգապետ Ղորղանեան հակամարտութեան, «եւ միւս կողմէ՝ անուրանալի փաստն այն անհամերաշխութեանը, որ սկիզբէն ի վեր գոյութիւն ունէր մեր կամա-

<sup>296</sup> Նոյնը, գ. 7, մաս 3, թ. 386: Բացի զինուորական ակադեմիական կրթութիւն ունենալու կամ չունենալու հանգամանքից՝ այս արհամարհանքն ունի նաեւ հոգեբանական բացատրութիւն: Այս հայդուկները ազգային-ազատագրական պայքարի ֆիդայական շրջանում դարձել էին ազգային խորհրդանիշ, իսկ ապազգային հրամանատարները, որ հոգեբանօրէն չէին նոյնացել հայ ազգին, աւելին՝ ժխտում էին կամ, առնուազն, արհամարհում որպէս հայ ազգի խորհրդանիշ ընկալուող ամեն բան (լեզու, պետութիւն եւ պետական խորհրդանիշներ [հիմներգ, զինանշան, եւ այլն], անձեր եւ այլն): Ազգային խորհրդանիշները անձնական եւ ազգային «հոգեբանական խտացումներ են» (Ալբերտ Նալչաջեան, «Էթնիկական հոգեբանութիւն», էջ 173), իսկ զօրահրամանատարների մեծ մասի հոգեբանական խտացումը ռուսական էր:

<sup>297</sup> Վահէ Արծրունի, նշ. աշխ., էջ 379: Սեպուհ-բարձրաստիճան զինուորականներ հակամարտութեան մասին յաւելեալ տես ՉԱԱ, ֆ. 477, ց. 1, գ. 7, մաս 1, թ. 70, մաս 3, թ. 338: ԳԹՊ, «Հայրենիք», 1926, թիւ 5, էջ 82: Անանուն, «Ազատ, անկախ եւ միացեալ Հայաստանի վերջին օրերը», էջ 96:

<sup>298</sup> ԳԹՊ, «Հայրենիք», 1926, թիւ 5, էջ 82:

<sup>299</sup> Անանուն, «Ազատ, անկախ եւ միացեալ Հայաստանի վերջին օրերը», էջ 96:

<sup>300</sup> ՉԱԱ, ֆ. 477, ց. 1, գ. 7, մաս 1, թ. 70:

<sup>301</sup> Անանուն, «Ազատ, անկախ եւ միացեալ Հայաստանի վերջին օրերը», էջ 94:

ւոր ռազմիկներուն եւ սպայութեանը միջեւ»<sup>302</sup>: Սեպուհի նկատմամբ այս անյարգալից մօտեցումը բարոյագրկում էր այն ժողովրդին, որը Սեպուհին ազգային հերոս էր համարում:

Թալանի բաժանման հարցում եւ այլ խնդիրներում անհամաձայնութիւնների պատճառով գեներալներ Փիրումեանի եւ Յովսէփեանի յարաբերութիւնները լաւ չէին<sup>303</sup>: Վերջինս «աններելի չափով» ատում էր եւ դաւեր էր լարում իր անմիջական ենթականերից՝ չորրորդ գնդի հրամանատար գնդապետ Միրիմանեանի հետ<sup>304</sup>, ինչպէս նաեւ կռուում էր գնդապետ Յարութիւնեանի հետ<sup>305</sup>: Վերջինս, որ ազգային ու պետական մտածողութեան եւ զինուորական պարտաճանաչութեան տարրեր ունէր, առաջին գնդի հրամանատարն էր. գեներալները նրա նկատմամբ տիպիկ զգացումներ էին տածում եւ «նորան միշտ Կարսում էին պահում»<sup>306</sup>: Փիրումեանին Կարսի բերդապետ են նշանակում, երբ այդ օրերին զօրաց նախարարի օգնական, գեներալ Սիլիկեանը բացակայում էր Երեւանից: Վերադառնալով մայրաքաղաք՝ նա «շատ սուր եւ շատ անախորժ բացատրութիւն» է տալիս զօրաց նախարար, գեներալ Արարատեանին եւ սպարապետ Նազարբեգեանին՝ բողոքելով բերդապետի բարձր կոչմանը չհամապատասխանող Փիրումեանի նշանակման դէմ՝ դա համարելով «ցաւալի մի թիրիմացութիւն»<sup>307</sup>: Սիլիկեանը կարծում էր, որ Փիրումեանը մի գումարտակի կամ էլ, «ամենաշատը, մի գնդի հրամանատար կարող է լինել եւ ոչ երբեք աւելի»<sup>308</sup>: Որոշում է չեղեալ յայտարարել Փիրումեանի բերդապետ

<sup>302</sup> Վահէ Արծրունի, նշ. աշխ., էջ 149:

<sup>303</sup> Սիմոն Վրացեան, «Հայաստանի Հանրապետութիւն», Երեւան, 1993, էջ 508:

<sup>304</sup> Վահէ Արծրունի, նշ. աշխ., էջ 90: Յատկանշական է գլխաւոր հրամանատար Նազարբեգեանի խոստովանութիւնը, որ գեներալներ Յովսէփեանն ու Փիրումեանը միջնորդում էին Միրիմանեանին՝ «այդ երկչոտ եւ անպէտք սպային... գեներալի աստիճան տալու: Երբ յանդիմանեցի դորա համար գեներալ Յովսէփեանին, վերջինս խոստովանուեց, որ իրանք ուզում էին գէթ այդ միջոցով ազատուել այդ գնդապետից...» (ՉԱԱ, ֆ. 477, ց. 1, գ. 7, մաս 3, թ. 353):

<sup>305</sup> ՉԱԱ, ֆ. 477, ց. 1, գ. 6, թ. 22:

<sup>306</sup> Նոյնը, գ. 7, մաս 2, թ. 267:

<sup>307</sup> Նոյնը, մաս 3, թթ. 356, 392: Նոյնը, գ. 12, թ. 58:

<sup>308</sup> ՀՀ բանակին նախորդած Հայկական կորպուսում հրամանատար, գեներալ-մայոր Սիլիկեանի տեղակալն է եղել գնդապետ Դանիէլ-բեգ Փիրումեանը:

նշանակումը: Սակայն վերջինս «ուխտագնացութիւն է կատարում Երեւան, դէպի Աստղերի պալատը»<sup>309</sup>, «ընկերական շրջանները» եւ դրութիւնը դիւթիջ ձեւով փոխում է», ու նա մնում է իր նոր պաշտօնում: Սիլիկեանը շատ բուռն կերպով բողոքում է եւ նորից ընդհարում նազարբեգեանի հետ<sup>310</sup>: ՀՀ անկումից յետոյ նազարբեգեանը թիֆլիսում խոստովանել է Ստեփան Ղորղանեանին, թէ զօրաց նախարար Ռուբէն Տէր-Սինասեանը «շատ անգամ անում էր իր կարգադրութիւնները առանց սպարապետի գիտութեան, եւ ես շատ անգամ բոլորից ուշ էի իմանում զինուորական նորութիւնները»: Օրինակ՝ նազարբեգեանը Փիրումեանի գեներալ-լեյտենանտութեան աստիճան ստանալու մասին իմացել է «post factum»<sup>311</sup>:

Իր հերթին՝ գեներալ Փիրումեանը, նրա շտաբի պետ, գնդապետ Տէր-Առաքելեանը եւ շտաբի ավագ սպայ, փոխգնդապետ Աւշարովը «շարունակ կռում էին իրար հետ, հայիոյում իրար...»<sup>312</sup>: Փիրումեանը եւ Կարսի ամրութիւնների հրետանու պետ գնդապետ Բաբաջանովն «իրարու տակ փորելու եւ իրարու տապալելու» հարցում մրցում էին<sup>313</sup>: Գեներալներն ու գնդապետները ավարի բաժանման հարցերում (այս մասին՝ յետագայ շարադրանքում) անընդհատ տարակարծութիւններ ունենալով, միշտ իրար էին ամբաստանում եւ իրար հայիոյում<sup>314</sup>: Հոկտեմբերի 28-ին գեներալ Յովսէփեանին փոխարինած գեներալ Ղազարեանի գալուստը Փիրումեանը տիաճութեամբ է ընդունում<sup>315</sup>: Ղազարեանը երբ մեկնում

<sup>309</sup> Ստեփան Ղորղանեանն իր յուշագրութեան մէջ յաճախ է յիշատակում Երեւանում գտնուող «Աստղերի պալատը», «այդ աներեւոյթ ոյժը», որ «անջատ կառավարութիւնից եւ պարլամենտից, տնօրինում էր երկրի բախտը» (ՀԱԱ, ֆ. 477, ց. 1, գ. 7, մաս 3, թթ. 392-393): Մեր կարծիքով՝ նա նկատի ունի մասոնական կազմակերպութիւնը: Վտարանդիութեան մէջ, Խատիսեանին կտեսնենք մասոնական Մեծ վարպետի՝ 33-րդ աստիճանով, իսկ Վրացեանին՝ 18-րդ աստիճանով:

<sup>310</sup> ՀԱԱ, ֆ. 477, ց. 1, գ. 7, մաս 3, թթ. 392-393:

<sup>311</sup> Նոյնը, թ. 354:

<sup>312</sup> ՀԱԱ, ֆ. 477, ց. 1, գ. 6, թ. 22: Արժէ նորից յիշեցնել, որ Վահան Տէր-Առաքելեանը ժամանակին եղել է Կոմիտաս վարդապետի աշակերտը Մայր Աթոռ Ս. Էջմիածնի Գեորգեան ճեմարանում եւ հաւանաբար հոգեւորական դառնար, եթէ Առաջին համաշխարհային պատերազմը չբռնկուէր:

<sup>313</sup> ՀԱԱ, ֆ. 477, ց. 1, գ. 7, մաս 3, թ. 430:

<sup>314</sup> Նոյնը, գ. 6, թթ. 22-24:

<sup>315</sup> Դրա պատճառն այն էր, որ բարձրաստիճան զինուորականութեան կողպուտի մասին նահանգապետի բողոքագրերի իսկութիւնը ստուգելու

է Յովսէփեանի կայանը, այնտեղ ռազմական քարտէզ չի գտնում՝ ապացոյցը իրենց գործի նկատմամբ սպաների համատարած անպատասխանատուութեան (այս մասին գրել ենք ռազմական պատճառների բաժնում): Այս փաստն արձանագրող Ստ. Ղորղանեանը յայտնում է, որ Ղազարեանն «առանց այդ ռազմական քարտէզի, ինքը նապոլէոն (էլ լինէր - Գ. Ե.)՝ ոչինչ չէր կարող անել»<sup>316</sup>:

«Սպաների եւ զինուորների փոխարաբերութիւնը շատ մասերում մտերմական չէր»<sup>317</sup>. Ինչպէ՞ս լինէր, եթէ «իրամանատար կազմը շահագործում էր» մեր շարքային զինուորութիւնը իր անձնական օգուտների համար: Այդ մթնոլորտում հասարակ զինուորը չէր կարող պետական դաստիարակութիւն ստանալ, նա տեսնում էր մեծերի օրինակը եւ իրան էլ, ի հարկէ, չէր մոռանում... Այդ առանցքում խօսք չէր կարող լինել զինուորական կորովի, գաղափարի մասին: Պետականութիւնը, հայրենիքը, ազգային պատուախնդրութիւնը արդէն խորթացած, երանաւոր ուրուականներ էին»<sup>318</sup>: Մի խօսքով՝ ՀՀ բանակում տիրում էին ռուսական բանակից ժառանգուած «դեղովչչինայի» այլանդակ բարքերը<sup>319</sup>:

համար զօրաց նախարար գեներալ Արարատեանը 1919-ի ամառը որպէս քննիչ Կարս էր ուղարկել Ղազարեանին, որը հաստատել էր բողոքների հաւաստիութիւնը (ՀԱԱ, ֆ. 477, ց. 1, գ. 7, մաս 1, թթ. 67-68), թէ «ոչ ոք այդ թալանի հերոսներից դատի չտրուեց, եւ բոլորը մնացին իրանց տեղերում» (նոյնը, մաս 2, թ. 291):

<sup>316</sup> Նոյնը, գ. 6, թ. 32:

<sup>317</sup> Սիմոն Վրացեան, «Հայաստանի Հանրապետութիւն», Երեւան, 1993, էջ 508:

<sup>318</sup> ՀԱԱ, ֆ. 477, ց. 1, գ. 7, մաս 2, թթ. 304-305:

<sup>319</sup> Այսօր եւս այդ բարքերը շարունակում են գոյատեւել ՀՀ բանակում: Այդ այլանդակութիւնը ՀՀ քաղաքական եւ զինուորական ղեկավարութիւնը, ՀՀ գլխաւոր ու ռազմական դատախազութիւնները եւ այլք անուանում են «ոչ կանոնադրական յարաբերութիւններ»...

Այս տեսակէտից ուշագրաւ են հանրային քաղաքականութեան փորձագետ, պատմական գիտութիւնների թեկնածու Աղասի Թադեւոսեանի դիտարկումները: Ըստ նրա՝ երրորդ հանրապետութիւնում «գողական» գործելաճը «դարձաւ ներբանակային «կարգուկանոնի» հաստատման ձեւը՝ սպայական կազմի, զինուորական կազմի եւ նշուած երկուսի միջեւ փոխարաբերութիւնները կարգաւորելիս»: Հեղինակի՝ ՀՀ բնակչութեան, մասնաւորաբար զօրացրուած զինուորականութեան շրջանում անցկացրած հարցախոյզը ցոյց է տուել, որ ՀՀ բանակում «գերակշռողը ոչ թէ կանոնադրական, այլ «գողական» ոճն է, ինչից ազատուելու միակ ելքը, շատերի կարծիքով, «կռուած տղերքից» բանակի սպայական կազմը

### 4. 3. Թշնամանքի հասնող հակամարտութիւնը Կարսի նահանգի քաղաքացիական եւ ռազմական իշխանութիւնների միջեւ

Սա եւս նշում են բոլոր յուշագիրները<sup>320</sup>: Մի կողմից՝ Կարսի նահանգապետ Ստեփան Դորղանեանի եւ միւս կողմից՝ բերդապետ, գեներալ Դանիէլ-բէգ Փիրումեանի, ռազմաճակատի կենտրոնական հատուածի հրամանատար գեներալ Արտեոն Յովսէփեանի ու նրանց ենթակայ զնդապետների եւ մաուզերիստների խմբերի միջեւ յարաբերութիւնները չափազանց լարուած էին: Փաստօրէն նահանգում երկիշխանութիւն էր: Այս հակամարտութիւնն ուներ բազմաթիւ պատճառներ, որոնցից գլխաւորներն են ալան-թալանի նկատմամբ գեներալների ու նրանց ենթակաների մեծ ախորժակն ու դրան՝ նահանգապետի խիստ հակառակութիւնը<sup>321</sup>, եւ, երկրորդ, նահանգի մուսուլման (թուրք, քուրդ, կարափափախ եւ այլն) բնակչութեան նկատմամբ զինուորականների եւ նահանգապետի վարած տրամագծօրէն հակառակ քաղաքականութիւնը: Նահանգապետը վարում էր այլազգիներին, մասնաւորաբար քրդերին սիրաշահելու քաղաքականութիւն<sup>322</sup>, մինչդեռ գեներալները, կողմնակից լինելով այլազգիների նկատմամբ կոշտ քաղաքականութեանը<sup>323</sup>, իրականում հետապնդում էին մահմեդականներին կո-

զտելն է»՝ բանակը համալրելով սպայական յատուկ պատրաստութիւն անցած սպաներով (Աղասի Թադէոսեան, «Սոցիալական վախի երեւոյթը. արմատները եւ ձեւերը Հայաստանում (1991-1998 թթ.)», «Անցումային շրջանի էթնոհոգեբանական փոփոխութիւնների առանձնայատկութիւնները Հայաստանում» (յօդուածների ժողովածու), «Ռազմավարական եւ ազգային հետազօտութիւնների հայկական կենտրոնի» հրատարակութիւն, Երեւան, հոկտ. 1998, էջ 25):

<sup>320</sup> Տե՛ս, օրինակ, Սիմոն Վրացեան, «Հայաստանի Հանրապետութիւն», Երեւան, 1993, էջ 508: Գարեգին արք. Յովսէփեանց, «Կեանքիս ամենադժբախտ օրը եւ երջանկութեանս թոպէն», «Ոգուն չապաւինելու արդիւնքը», էջ 34: Արտաշէն Բաբալեան, «Կարսի անկումը», «Հայրենիք», 1923, թիւ 12, էջ 59: Ստ. Դորղանեանի յուշագրութիւնն ամբողջութեամբ (ՀԱԱ, ֆ. 477):

<sup>321</sup> Տե՛ս, օրինակ, ՀԱԱ, ֆ. 477, ց. 1, գ. 7, մաս 1, թ. 114:

<sup>322</sup> «Հայաստանի ոչ մի շրջանում հայ-մահմեդական յարաբերութիւնները այնքան լաւ չէին, որքան Կարսում», - վկայում է Սիմոն Վրացեանը («Հայաստանի Հանրապետութիւն», Երեւան, 1993, էջ 392): Դրանում իր մեծագոյն ներդրումն է ունեցել նահանգապետ Ստ. Դորղանեանը:

<sup>323</sup> Ալեքսանդր Խատիսեան, «Հայաստանի Հանրապետութեան ծագումն ու զարգացումը», «Հայրենիք», 1925, թիւ 6, էջ 50-51: Մեր կարծիքով՝ Կարսի անկման եւ առաջին հանրապետութեան կործանման քաղաքա-

ղոպտելով հարստանալու անառողջ նպատակներ: Փիրումեանը պահանջում էր իրեն նշանակել գեներալ-նահանգապետ եւ իրեն ենթարկել քաղաքացիական վարչութիւնը, մի բան, որին բացարձակապէս դէմ էր նահանգապետ Դորղանեանը<sup>324</sup>: Զինուորականների գործողութիւնների պատճառով նահանգում թագաւորում էին կամայականութիւններն ու բռնութիւնները: ՀՀ կառավարութիւնը փոխանակ Ալեքսանդր Մակեդոնացու յանգոյն լուծելու Կարսի նահանգում իշխանութեան երկուութեան այս գորղեան հանգոյցը, բաւարարում էր լսելով երկու կողմերի՝ միմեանց նկատմամբ բողոքները եւ... հարցի վճռումը մատնում բարձիթողի, հակառակ նրա, որ 1920 թ. մայիսեան դէպքերից յետոյ Կարս մեկնած Նիկոլ Աղբալեանի գլխաւորած խորհրդարանական յանձնաժողովը, ի տես այդ անբնական յարաբերութիւնների, կառավարութիւնից պահանջել էր փոխել խնդիրներ յարուցած բոլոր զօրահրամանատարներին եւ նահանգապետին<sup>325</sup>:

կան պատճառների շարքում երկրորդական դեր չի խաղացել հանրապետութեան՝ իր ազգային փոքրամասնութիւնների նկատմամբ յստակ քաղաքականութիւն չունենալու փաստը: Դրանից օգտուել են ամեն տեսակի պատեհապաշտները: Օրինակ՝ Կարսի գեներալները նահանգի յոյներից կազմել էին կամաւորական խմբեր, որոնք «մասնագիտացել էին» թուրքական եւ քրդական գիւղերի թալանման գործում (տե՛ս, օրինակ, ՀԱԱ, ֆ. 477, ց. 1, գ. 7, մաս 3, թթ. 456-458), մի հանգամանք, որն իր բացասական դերն ունեցաւ նահանգում ազգամիջեան յարաբերութիւնները սրելու հարցում: Այս խնդիրն աւելի մանրամասն անդրադարձել ենք մեր «Հայքրդական յարաբերութիւնները Կարսի նահանգում 1919-1920 թուականներին» ուսումնասիրութեան մէջ («Մերձաւոր Արեւելք. պատմութիւն, քաղաքականութիւն, մշակոյթ (յօդուածների ժողովածու)», ՀՀ ԳԱԱ արեւելագիտութեան ինստիտուտ, Երեւան, 2002, էջ 158-169): Այստեղ արժէ նշել, որ անկախութեան հռչակումից աւելի քան 15 տարի անց ՀՀ-ն այսօր եւս չունի օրէնք կամ յստակ հայեցակարգ իր ոչ հայազգի քաղաքացիների նկատմամբ տարուելիք քաղաքականութեան մասին:

<sup>324</sup> Ալեքսանդր Խատիսեան, «Հայաստանի Հանրապետութեան ծագումն ու զարգացումը», «Հայրենիք», 1925, թիւ 6, էջ 51: Նահանգում 1919 թ. մայիսին՝ հայկական գերիշխանութեան հաստատումից անմիջապէս յետոյ, շատ կարճ ժամանակահատուած նահանգում հաստատուել է զինուորական իշխանութիւն, եւ գեներալ Արտեոն Յովսէփեանը նշանակուել է գեներալ-նահանգապետ (ՀԱԱ, ֆ. 477, ց. 1, գ. 7, մաս 2, թ. 230): Յովսէփեան-Դորղանեան հակամարտութեան պատճառներից մեկն էլ դա էր (նոյն տեղում):

<sup>325</sup> ՀԱԱ, ֆ. 4047, ց. 1, գ. 197, թթ. 3-4:

Գեներալներ-Կարսի նահանգապետ հակամարտութիւնն ուղեկցում էր երկկողմանի բանսարկութիւններով, դաւերով եւ նահանգում անիշխանութեան խորացմամբ: Այս հակամարտութեանը մասնակցում էր նահանգի ԴՅԴ կառույցը, որի անդամների մի մասը նահանգապետի կողմն էր, միւսը՝ զինուորականների. նահանգի ԴՅԴ կենտրոնական կոմիտէի անդամ, քաղաքագլուխ Նորիատեանը պաշտպանում էր զինուորականներին, քանի որ «յեմուելով իր կուսակցական կոչման վերայ, մեծ ախորժակ ուներ Կարսի նահանգապետ դառնալու»<sup>326</sup>: Այս կուսակցականներն ու զինուորականները, դուրս գալով իրենց իրաւասութիւններից, խառնում էին նահանգի եւ, առհասարակ, ԴԴ-ի քաղաքացիական, վարչական, տնտեսական ու կադրային գործերին, ինչի դէմ նահանգապետը անընդհատ բողոքում էր<sup>327</sup>: Այս հակամարտութիւնը, իր ծանր հետեւանքներով, շարունակուեց նոյնիսկ պատերազմական գործողութիւնների ամբողջ ժամանակահատուածում<sup>328</sup> եւ ճակատագրա-

<sup>326</sup> ՀԱԱ, ֆ. 477, ց. 1, գ. 7, մաս 2, ք. 180:

<sup>327</sup> Նոյնը, գ. 14, քք. 1-2: Նոյնը, գ. 7, մաս 3, քք. 394-396: «Կուսակցական (ԴՅԴ - Գ. Ե.) գերագոյն մարմինը չկարողացաւ պետական դաստիարակութիւն մտցնել իր մեծ կուսակցութեան շարքերը», - ցաւով արձանագրում է Կարսի նահանգապետ Ստ. Ղորղանեանը իր յուշերում (նոյնը, գ. 14, ք. 2: Տե՛ս նաեւ նոյնը, գ. 2, ք. 5), չհասկացաւ, որ «հայդուկային սիստեմը տեղ չունի կառավարչական կազմում» (նոյնը, գ. 10, ք. 9): Նա բերում է արտառոց մի փաստ. Արդահանում գնդապետ Մազմանեանը ինքնագլուխ կերպով պատերազմական դրութիւն է հաստատում, եւ միայն նահանգապետի բողոքից յետոյ զօրաց նախարարը բեկանում է գնդապետի այդ հրամանը: Այդուհանդերձ «գնդապետը մնաց իր տեղում եւ շարունակում էր գնդապետի ուսադիրների տակ պարապել իր տնտեսութեամբ, թաւանով, առելորով, բայց ոչ պետական եւ զինուորական գործով» (նոյնը, գ. 7, մաս 2, ք. 275): Այսքանից յետոյ կարելի է ասել, որ Կարսի անկման նախօրեակին, ինքնասպանութեամբ վերջ տալով իր կեանքին, Մազմանեանը քաւած եղաւ իր բազում մեղքերը... Համակարծիք ենք պատմաբան-հրամանատար Բագրատ Ուլուբաբեանի տեսակէտին. «Դաւաճանութիւնն առհասարակ անհնար է քաւել նոյնիսկ անձնագոհութեամբ» (Բագրատ Ուլուբաբեան, «Արցախեան գոյապայքարը», Երեւան, 1994, էջ 286): Իսկ Մազմանեանը դաւաճանել էր հայ սպայի պատիւը՝ թաւանելով իր իսկ Հայրենիքը՝ նրա ազատագրուած տարածքներին վերաբերուելով իբրեւ թշնամու տարածքի...

<sup>328</sup> Գարեգին արք. Յովսէփեանց, «Կեանքիս ամենադժբախտ օրը եւ երջանկութեանս րոպէն», «Ոգուն չապաւինելու արդիւնքը», էջ 34: Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 59:

կան ու աղիտաբեր եղաւ թէ՛ քաղաքի հայութեան եւ թէ՛ առհասարակ հայ ժողովրդի ու հայկական պետականութեան համար<sup>329</sup>:

#### Գ. 4. Քաղաքական եւ ռազմական պատկառագողու առաջնորդ-հրամանատար(ներ)ի բացակայութիւնը

Հայ զինուորականութեանը պատկառանք չէր ներշնչում գերագոյն հրամանատար, գեներալ-լեյտենանտ Թովմաս Նազարբեգեանի անձը: Նա «նորաստեղծ Հայաստանի պահանջներուն բաւարարութիւն տուող մարդը չէր»<sup>330</sup>, նա «աւելի շոյող ֆիկցիա էր, քան թէ ցանկալի իրականութիւն - գեներալ Նազարբեգով թագաւորում էր, բայց ոչ կառավարում»<sup>331</sup>: «Մեզ պակասում էր մի իշխանալից հրամանատար միայն եւ հայ քաջերը պատրաստ կլինէին կրակը նետուելու», եւ այդ զօրահրամանատարի սրի հետեւից «Հայկական բանակն անձնուրաց կերթար»<sup>332</sup>: Ըստ գեներալ Սիլիկեանի՝ Նազարբեգեանն «առհասարակ իր եսը չունէր եւ միայն յարմարում էր եւ բոլորի հետ համաձայնում...»<sup>333</sup>:

Այս գործօնի առնչութեամբ Հայ Գնդունին խոր վրդովւումով գրում է. «Քանի մը տասնեակ վարժապետներ եւ ասոնց մէջ ամենէն աւելի «ճարպիկները», դաւադիրները, սուտ հերոսներն ու կեղծ յեղափոխականները կկարծէին նախարար, վարչապետ, մեծամեծ ժողովներու նախագահներ եղած ըլլալ»: Նրանք չգիտէին եւ, աւելի դատապարտելին, չէին էլ ուզում սովորել «այն բոլոր բաները, որոնք անհրաժեշտ էին, անխուսափելի էին երկիր եւ ժողովուրդ կառավարելու համար»<sup>334</sup>: Չկային «ոտքի կանգնած բազ-

<sup>329</sup> Ալեքսանդր Խատիսեան, «Հայաստանի Հանրապետութեան ծագումն ու զարգացումը», «Հայրենիք», 1925, թիւ 6, էջ 51: Արարատ Յակոբեան, «Հայաստանի խորհրդարանը եւ քաղաքական կուսակցութիւնները 1918-1920», Երեւան, 2005, էջ 274:

<sup>330</sup> Վահէ Արծրունի, նշ. աշխ., էջ 381:

<sup>331</sup> ՀԱԱ, ֆ. 477, ց. 1, գ. 16, ք. 41:

<sup>332</sup> Նոյնը, գ. 6, ք. 82: Տե՛ս նաեւ նոյնը, գ. 7, մաս 3, ք. 357:

<sup>333</sup> Նոյնը, գ. 7, մաս 3, ք. 393:

<sup>334</sup> ԿԱՊ, «Մարտկոց», 10 նոյեմբեր 1932, էջ 2: Արդեօք նոյնը չէ՞ նաեւ այսօր, երբ Արցախեան ազատամարտին մասնակցութիւն չունեցածներ կամ համեստ ներդրում ունեցածներն արժանանում են գեներալական ուսադիրների, զանազան ու զարմանազան շքանշանների եւ պարգեւատրումների, իսկ նախրիյունանեանների եւ քաղաքական դաւերի շնորհիւ՝ պատգամաւորական եւ նախարարական աթոռների: Նոյնը տիրում է նաեւ ԴԴ կրթութեան, գիտութեան, մշակոյթի եւ, առհասարակ, կեանքի բոլոր

մութիւնն օգտագործող, կամքերը կռող-կոփող վայրկեանի ղեկավարները»<sup>335</sup>, հրապարակում երեւացող զօրահրամանատարները «ոչ մի բարոյական հեղինակութիւն չէին ներկայացնում հայ զինուորի աչքում: <...> Գաղափարական, ազգային նոյնիսկ հեռաւոր սկզբունքների մասին խօսելն անգամ անելորդ» էր<sup>336</sup>: Պատերազմում եւ խաղաղութեան մէջ յաղթելու համար հայ ժողովուրդը կարիքն ունէր, եւ ունի այսօր եւս, համազգային միասնութեան<sup>337</sup>, իսկապէս (եւ ոչ թե խօսքով կամ պաշտօնաձգտող կեղծաւորների շեփորած) գաղափարապաշտ, հայրենասէր, հեռատես եւ պատկառազու քաղաքական եւ զինուորական առաջնորդների: Ոչ միայն բանակի անձնակազմը, այլեւ հասարակ ժողովուրդը չէր հաւատում իր զօրահրամանատարների կարողութիւններին եւ յարգանք

ուրոտներում. գիտութիւնների թեկնածուն եւ գիտութեան մէջ համեստ ներդրում ունեցածը դառնում է Գիտութիւնների ազգային ակադեմիայի ինստիտուտի տնօրէն, նորաթուխ դոկտորը կամ ազգային պատմագրութիւնն ու ինքն իրեն վարկաբեկած պատմաբանն «ընտրուում» է ակադեմիկոս, Ազգային ժողովի դարպասից ներս սողոսկած դատարկաբան պատգամաւորը՝ քաղաքական գիտութիւնների դոկտոր եւ այլն: Ողբերգութիւնը սակայն հենց այն է, որ սրանք հաւատում են կամ հաւատալ են ձեւացնում, որ իրենք իսկապէս արժանի են այն պաշտօններին եւ կոչումներին, որոնք շնորհուել են ոչ թէ իրենց դրական, այլ բացասական յատկանիշների համար: Այս անբնական երեւոյթը նկատի ունենալով 2006 թ. վերջին օրերին մի հեռուստատելոյթի ժամանակ եթնհոգեբան, հոգեբանական գիտութիւնների թեկնածու Ալբերտ Նալչաջեանը ՀՀ-ն ախտորոշեց որպէս «կեղծ հեղինակութիւնների երկիր»: Նոյնպիսին է եղել նաեւ Հայաստանի առաջին Հանրապետութիւնը՝ յատկապէս իր կործանման նախորդած ամիսներին:

<sup>335</sup> ՀԹՊ, «Հայրենիք», 1926, թիւ 6, էջ 97:

<sup>336</sup> ՀԱԱ, ֆ. 477, ց. 1, գ. 6, թ. 252:

<sup>337</sup> Յատկանշական է, որ մինիստր-նախագահ (վարչապետ) Ալեքսանդր Խատիսեանը յայտարարում էր, թէ «Հայաստանը 40 հազար կամ 60 հազար զօրք ունի եւ կարօտ չէ արեւմտահայութեան կամ արտասահմանի զանգուածային զինուորագրութեան» (ԿԱՊ, «Մարտկոց», 1932 թ., 10 նոյեմբերի, էջ 2): ՀՀ ղեկավարութեան մեծ մասի նման մտայնութիւնն էր, թէ՛ սփիւռքահայութեան հայրենասիրութեան պակասը, որ սփիւռքը «յուզուած ականատեսը եղաւ մեր գօտեմարտին», - հարց է տալիս Կարօ Սասունին (ՀԹՊ, «Հայրենիք», 1926, թիւ 11, էջ 112): Նոյնը կրկնուեց Արցախեան ազատամարտի ընթացքում, որին մասնակցած սփիւռքահայերի թիւը կարելի է հաշուել երկու ձեռքի մատների վրայ...

չունէր նրանց նկատմամբ<sup>338</sup>: Ձանազան պատճառներով, յատկապէս ՀՀ ղեկավար դէմքերի անհամապատասխան գործունէութեան հետեւանքով, արեւմտահայ գաղթականութիւնը երկրում իրեն խորթ էր զգում: «Հայաստանի հանրապետութիւն» խօսքն էլ ընդունելի չէր շատերի համար, եղածը սոսկ «Արարատեան Հանրապետութիւն» էր»: «Այդ «Հանրապետութեան» մէջ դեռ շատ բանից՝ օրէնքներից ու լեզուից սկսած մինչեւ ներքին կարգերը, մինչեւ հանրային կենցաղն ու բարքերը՝ ռուսի հոտ էր բուրում: Արեւմտահայութեան մտքին ու զգացմունքներին խորթ էր այդ, անհարազատ»<sup>339</sup>:

Հայութեանը, մասնաւորաբար Կարսի նահանգի ռազմական ու քաղաքացիական իշխանութիւնների պառակտուածութեանը հակառակ Հայաստանի Հանրապետութեան դէմ արշաւող թուրքական բանակն ունէր քաղաքական եւ զինուորական մէկ ղեկավար՝

<sup>338</sup> ՀԱԱ, ֆ. 477, ց. 1, գ. 7, մաս 3, թ. 381: ժողովրդի մեծ մասը չէր հաւատում նաեւ իր քաղաքական ղեկավարներին:

<sup>339</sup> Սիմոն Վրացեան, «Հայաստանի Հանրապետութիւն», Երեւան, 1993, էջ 269-270: Այսօր եւս նոյն խայտառակ վիճակն է Հայաստանի երրորդ Հանրապետութիւնում, այն փոքր տարբերութեամբ, որ ռուսերէնի եւ ռուսական բարքերի կողքին հայկական արժէքների դէմ ՀՀ-ում լրջօրէն մրցակցում են անգլերէնն ու եւրօ-ամերիկեան բարքերը, եւ շատ անգամ յստակ չէ, թէ ՀՀ-ն հայկակա՞ն, թէ՞ մի այլ բնոյթի պետութիւն է: Բաւարարուեմք՝ մէջբերելով ընդամենը մէկ օրինակ: 1991 թ. սեպտեմբերի 21-ին իր անկախութիւնը հռչակած պետութեան մէջ, որի պետական ՄԻԱԿ լեզուն հայերէնն է, պետական բազմաթիւ հիմնարկներում տիրապետում է ռուսերէնը. նոյն պետութեան սահմանների հատման ժամանակ պետական դրոշմակնիքը ամբողջ 14 տարի եղել է բացառապէս ռուսերէնով, ընդ որում, մինչեւ 1998-ը՝ «Ռոսսիա, Երեւան» խայտառակ բովանդակութեամբ, այնուհետեւ՝ «Արմենիա, Երեւան» նշումներով, եւ միայն 2005 թ. աշնանն են հայոց տառերը յայտնուել այդ դրոշմակնիքի վրայ (այդ տարիներին ՀՀ սահմանը հատել են օրնիբուն ազգային արժէքներից բարբառող «մտաւորականներ» եւ այլազան չափ ու կշիռի եւ ոլորտների բիրաւոր գործիչներ՝ լռելով այդ ամօթալի երեւոյթի հանդէպ...): Եւ ասել, թէ վերջին 9 տարիներին ՀՀ կառավարութիւնը ղեկավարել է ինքն իրեն նմոյնեան եւ ցեղակոսն յայտարարած վարչապետը, պարզապէս հայիոյանք է մեծ հայորդու յիշատակին... Այսօր եւս ամենասարսափելի այլանդակութիւններն ու ապազգային-հակազգային քայլերը կատարում են հանրապետա-դաշնակցական կեղծ ազգայնական, իրականում՝ ազգայնականութեան գաղափարը հիմնովին վարկաբեկած իշխանութիւնների օրօք, նրանց կողմից կամ, առնուազն, նրանց հովանաւորութեամբ:



38 տարեկան, գերմանական զինուորական ակադեմիական բարձրագույն կրթութիւն (որը յատկանշուում է կարգապահութեան եւ ռազմական հոգեբանութեան նկատմամբ խստագոյն մօտեցումով) ստացած, Առաջին աշխարհամարտին մեծ փորձառութիւն ձեռք բերած, «ընդունակ եւ լուրջ զօրավար»<sup>340</sup>, պատկառազօր մէկ անձ՝ Քեազիմ Կարաբէքիր փաշան, որն իր անձի մէջ միաւորում էր նաեւ այլ կարեւոր որակներ՝ քաղաքագետն ու դիւանագետը, ռազմական գործիչն ու թուրքական ազգային գաղափարախօսութեան՝ համաթուրքականութեան գաղափարակիրն ու դրա անձնական պայծառ օրինակը: Նա նաեւ հմուտ հոգեբան էր, եւ իր այս հմտութիւնն ի գործ էր դնում թէ՛ իւրայինների եւ թէ՛ մանաւանդ, հակառակորդի նկատմամբ<sup>341</sup>: Հայոց միջավայրում այդ օրերին նման թուրք ղեկավարին կարող էր հակակշռել միայն Գարեգին Նժդեհը, որոշ վերապահութեամբ՝ նաեւ Սեպուհը: Սակայն Նժդեհը զբաղուած էր Սիւնիքում, իսկ Սեպուհին մեկուսացրել էին ռազմական հրամանատարներն ու նրա նկատմամբ ոչ պակաս նախանձ տածող զօրաց նախարար եւ պետութեան ու ՀՀԴ բիւրոյի փաստական դիկտատոր Ռուբէն Տէր-Մինասեանը:

Առաջնորդի անձնական օրինակը շատ վարակիչ է մասնաւորաբար արտակարգ իրավիճակներում, օրինակ՝ պատերազմի ժամանակ: Մինչ Կարաբէքիր անձնապէս էր առաջնորդում իր զօր-

<sup>340</sup> ՀԱԱ, ֆ. 477, ց. 1, գ. 17, ք. 22:

<sup>341</sup> Դրա վառ ապացոյցներից է Ալեքսանդրապոլի բանակցութիւնների ժամանակ նրա պահուածքը: ՀՀ պատուիրակութեան անդամ, Կարսի երբեմնի նահանգապետ Ստեփան Դորղանեանին բարոյապէս եւ հոգեպէս ճնշելու համար ցուցադրաբար եւ «վեհանձնօրէն» ժամանակաւորապէս նրան է տրամադրում նահանգապետի՝ աւար ինկած ու Կարսից Ալեքսանդրապոլ բերուած աւտոմեքենան եւ անկողինը, իսկ նրա՝ հրամանատարական սեղանին դրուած էր նահանգապետի գրեմական պիտոյքը, վերջին օրը ճաշ է մատուցում հայ պատուիրակներին... նահանգապետի տան սպասքով... (ՀԱԱ, ֆ. 477, գ. 16, ք. 17-19): Հայ բանագնացներին հոգեպէս սպանելու համար Կարաբէքիրն իր ներկայացրած համաձայնագրի նախագիծ-վերջնագրին կցել է մի յուշագիր, որի բովանդակութիւնը վրիպել է հայ պատմագրութեան ուշադրութիւնից: Այնտեղ թուրք հրամանատարը, ի շարս այլ բաների գրել է, թէ հայերը սեփական ոչինչ չունեն. չունեն... սեփական պատմութիւն, մշակոյթ, նոյնիսկ՝ երաժշտութիւն, երգ ու պար, սեփական ճաշատեսակներ. դրանք բոլորը վերցրել են... իրենցից՝ թուրքերից: Նման հանգամանքները նկատի ունեն, երբ ասում են. «Յաղթողներին չեն դատում:

քերը, հեռադիտակը ձեռքին հետեւում ռազմական գործողութիւններին եւ տեղում օպերատիւ որոշումներ ընդունում ու հրամաններ արձակում, հայոց բանակի հրամանատարութիւնը նստում էր փափուկ բարձերի վրայ՝ երեւանում, Ալեքսանդրապոլում կամ Կարսի ծորում տեղակայուած շտաբի շէնքում (որտեղից «երկնքի մի կտոր տեսնելու հնարաւորութիւն ուներ միայն»<sup>342</sup>) եւ ոչ թէ քաղաքին իշխող Կարաղաղի ամրութիւններում, որտեղից հեռադիտակով կարելի էր հետեւել գործողութիւններին<sup>343</sup>: Փիրումեանը «շատ քիչ անգամ Կարսէն դուրս եկաւ իրեն յանձնուած շրջանին եւ դիրքերուն ու ամրութիւններուն ծանօթանալու»<sup>344</sup>: Այսքանը բաւարար չէր կարծէք, ճակատագրական օրերին նա աւտովթարի հետեւանքով կոտրել էր ոտքը եւ պառկում էր ծորի շտաբի շէնքում:

<sup>342</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 68:

<sup>343</sup> Այս մասին տե՛ս, օրինակ, Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 68: ԿԱՊ, «Մարտկոց», 1932 թ., 8 նոյեմբերի, էջ 2: ՀԱԱ, ֆ. 477, ց. 1, գ. 7, մաս 3, ք. 368: Ուշագրաւ է այն փաստը, որ արդէն գերութեան մէջ Կարաբէքիրի շտաբի պետ Խալիլ բէյը, երբ հարցնում է Սիլիկեանի շտաբի պետ Վեքիլովին, «թէ ո՞ր դիրքերից էիք դուք, գնե՞րալ Փիրումովի հետ վերջին օրերը դիտում ռազմաբեմը», նա պատասխանել է՝ «Կարսի ամրութիւնների վերայ»-ից: «Մենք Կարաբէքիր փաշայի հետ այդպէս էլ կարծում էինք», - հեզնել է թուրք սպան (ՀԱԱ, ֆ. 477, ց. 1, գ. 7, մաս 3, ք. 368):

<sup>344</sup> Վահէ Արծրունի, նշ. աշխ., էջ 383: Նոյնը հաստատում է նաեւ Ստ. Դորղանեանը: Հետեւաբար հիմնազուրկ է պատմաբան Յարութիւն Թուրշեանի կարծիքը, որ Փիրումեանը «այն զինուորականներից չէր, որոնք ապահով հեռաւորութիւնից են ղեկավարում կռիւլը: Դանիէլ-բեգն անմիջապէս մեկնում է կրակի առաջին գիծը, սակայն աւտոմեքիլային աղէտ է տեղի ունենում, որի հետեւանքով կոտրւում է նրա ոտքը» (Յարութիւն Թուրշեան, «Սարդարապատի հերոսը (Դանիէլ-բեգ Փիրումեան) (1863-1922)», «Բանբեր Հայաստանի արխիւների», 1969, թիւ 1, էջ 179): Թուրշեանը հիացած է Փիրումեանի անձով, որին անուանում է «վճռական ու քաջ գնդապետ», «հերոս» եւ այլն: Չժխտելով հանդերձ Դ. Փիրումեանի իսկապէս մեծ ու հերոսական դերակատարութիւնը Սարդարապատի ճակատամարտում, ցաւօք, հաստատում ենք, որ նա չմնաց հերոսին վայել իր բարձրութեան վրայ, բարոյական ահաւոր անկում ունեցաւ՝ իր հետ անկման տանելով իրեն վստահուած Կարսն ու ՀՀ-ն:

**Գ. 5. Ալան-թալանի մոլուցքը ԴԴ քաղաքական դեկավարութեան միջավայրում եւ Կարսի նահանգի կանոնաւոր ու անկանոն զօրամիաւորումներում**

Այս մասին հարիւրաւոր վկայութիւններ կան բոլոր հեղինակների յուշագրութիւններում<sup>345</sup>, յատկապէս նահանգապետ Ստ. Ղորղանեանի անտիպ յուշերում, ինչպէս նաեւ արխիւային փաստաթղթերում: Թալանի հարցում իր անձը վարկաբեկել էր Սարդարապատի հերոսամարտի համար «ներ դարաշրջանի Վարդան Մամիկոնեան»<sup>346</sup>, «Վարդան Սպարապետ»<sup>347</sup> հռչակուած, գեներալ Դանիէլ-բեգ Փիրումեանը<sup>348</sup>: Այս ոլորտում յատկապէս «փայլում» էր գեներալ Արտեոն Յովսէփեանը, որը պատերազմական գործողութիւնների օրերին աւելի շատ զբաղուած էր իր թալանը ապահով տեղ հասցնելու հարցով, քան զօրամիաւորումների հրամանատարութեամբ<sup>349</sup>: Իր վկայութիւնը վերագրելով ժողովրդին, Գարեգին արք. յայտնում է, որ «նորան «թալանչի» եւ «անասունների վաճառական» էին անուանում, որ թուրք եւ քուրդ տարրերից յափշտակելով նրանց անասունները, որպէս խռովարարների պատժելու պատրուակով, վաճառում էր Վրաստանի վերայ»: Սակայն այդ զինուորները կարիքը չունէին այդպիսի «գրոյցներ» լսելու, քանի որ իրենց մի մասը եւս պարտադրաբար, ոմանք էլ՝ սիրայօժար մասնակցել են այդ կողոպուտներին, մի մասն էլ յօգուտ սեփական անձին իւրացնելով<sup>350</sup>: Ընդ որում, զինուորները տնային

<sup>345</sup> Տե՛ս, օրինակ, Անանուն, «Ազատ, անկախ եւ միացեալ Հայաստանի վերջին օրերը», էջ 93:

<sup>346</sup> Բանաստեղծ Նաիրի Ջարեանը Փիրումեանին այդպէս է որակել Սարդարապատի հերոսամարտի 50-ամեակին նուիրուած հանդիսութեան ժամանակ:

<sup>347</sup> Գարեգին արք. Յովսէփեանց, «Կեանքիս ամենադժբախտ օրը եւ երջանկութեանս ըրպէն», «Ոգուն չապաւինելու արդիւնքը», էջ 29:

<sup>348</sup> Գեներալ Դանիէլ-բեգ Փիրումեանը տիպիկ օրինակն է այն հերոսի, որը, չդիմանալով գայթակղութիւններին, հեշտութեամբ ընտրում է անբարոյականութեան ուղին եւ այդ ճանապարհով ընթանում դէպի սեփական անձի եւ սեփական ազգի կործանում: Այստեղ արժէ յիշել Նժդեհի իմաստուն միտքը. «Կեանքում դժուար է հերոսանալը, բայց աւելի դժուար է հերոս մնալը, իսկ էլ աւելի դժուար՝ հերոս մեռնելը»:

<sup>349</sup> Այս մասին տե՛ս ԴԹՊ, «Հայրենիք», 1926, թիւ 5, էջ 87:

<sup>350</sup> Նոյն երեւոյթը տեղի է ունեցել նաեւ Արցախեան ազատամարտի ընթացքում եւ դրանից յետոյ, երբ հայանուն բաշխեցողներ, ազատագրուած տարածքները համարելով թշնամու տարածք, անխնայ կողոպտում

իրերը կողոպտելուց յետոյ սկսում էին հնձել հարուստ արտերը եւ թոյլ չտալ, որ «աւելի սոված հայ գիւղացիութիւնը գէթ մասամբ օգտուէր ծրիաբար ձեռք անցած այդ հսկայական հարստութիւնէն»<sup>351</sup>: Յուշագրողը դիպուկ նկատել է տալիս. «Հոգեբանական այս դրութեան մէջ հայ զինուորը ո՛չ ընդունակ էր կռուելու եւ ո՛չ ալ իր կացութեանը մասին վճիտ գաղափար մը ունենալու»<sup>352</sup>: Կողոպուտի հարցում, «ըստ աստիճանների, հրամանատարական կազմը բաժանել էր իրար մէջ «ազդեցութիւնների զոնաները», եւ ամեն մէկը գծել էր իր տնտեսական իրաւասութեան սահմանը», նկատել է տալիս նահանգապետ Ղորղանեանը<sup>353</sup>:

Թալանել են նոյնիսկ պետական պաշտօնեայ, ԴԴ բանակի Օլթի մուտքից յետոյ այնտեղ գաւառապետ նշանակուած քուրդ էգօ բեգի 800 գլուխ ոչխարի հօտը՝ նրա երկու հովիւներին սպաննելով<sup>354</sup>: 1920 թ. ամառուայ ընթացքում Կարսից մինչեւ Օլթի տարածքի թուրքական եւ քրդական գիւղերը «ենթարկում էին սիւտեմատիկ թալանի ու բռնութեան»<sup>355</sup>: Այս մասին Կարսի նահանգապետը տեղեկացրել է Երեւան եւ առաջարկել թողնը պետակա-

էին հայոց Հայրենիքում ադրբեջանցիների թողած հարստութիւնները: Այդ թալանչիների մի մասը, գեներալ Յովսէփեանի նման, այսօր էլ զարդարուած է գեներալական ուսադիրներով ու կարմրերիզ շալվարով, իր անձի շուրջը հերոսի դափնիներով պարուրուած առասպելներ է հիւսել տալիս, արժանանում ԴԴ նախկին ու ներկայ նախագահների առատածեռն շնորհներին, միջամտում պետութեան քաղաքական, վարչական ու յատկապէս տնտեսական կեանքին՝ իր «մեծ» «ներդրումն» ունենալով ԴԴ այսօրուայ հասարակութեան անբարոյականացման գործում՝ դուռը լայն բանալով մեր յետագայ կործանման համար: Ըստ Աղասի Թադեւոսեանի՝ մերօրեայ ԴԴ բանակում «սպայական հեղինակութիւնների մէջ գերիշխող են անգրագիտութիւնը եւ «ախպերութիւնը»» (Աղասի Թադեւոսեան, «Սոցիալական վախի երեւոյթը. արմատները եւ ձեւերը Հայաստանում (1991-1998 թթ.)», «Անցումային շրջանի էթնոհոգեբանական փոփոխութիւնների առանձնայատկութիւնները Հայաստանում» (յօդուածների ժողովածու), «Ռազմավարական եւ ազգային հետազօտութիւնների հայկական կենտրոնի» հրատարակութիւն, Երեւան, հոկտ. 1998, էջ 25):

<sup>351</sup> Վահէ Արծրունի, նշ. աշխ., էջ 199:

<sup>352</sup> Նոյն տեղում:

<sup>353</sup> ՀԱԱ, ֆ. 477, ց. 1, գ. 7, մաս 2, թ. 272:

<sup>354</sup> Նոյնը, թթ. 265, 269-271:

<sup>355</sup> Նոյնը, թ. 277: Օլթիի շրջանում եւ ընդհանրապէս Կարսի նահանգում թալանի եւ դրան՝ զինուորականութեան մասնակցութեան մասին յաւելեալ տե՛ս ՀԱԱ, ֆ. 477, ց. 1, գ. 7, մաս 2, թթ. 303-304, մաս 3, թ. 312:

նացնել: Առաջարկը յարուցել է կողոպուտով յղվացած բարձրաստիճան հրամանատարների թշնամանքը: Մի խօսքով՝ ինչպես մերօրեայ ԳԳ-ում, գերիշխել է «մեր դեմ խաղ չկայ» լկտի կարգախօսը՝ բռնաբարելով օրինականությունն ու, առհասարակ, պետականության, բարոյականության, արդարության եւ այլ վսեմ գաղափարները:

Ալան-թալանին «եռանդագին» ակտիւութիւն է ցուցաբերել առաջին գնդի հրամանատար, գնդապետ Յովհաննէս Մազմանեանը: Քաջ եւ հայրենասէր սպայի համբաւի տիրացած այս զինուորականը գեներալ Արտեմ Յովսէփեանի աջ բազուկն էր թալանի գործում<sup>356</sup> եւ յօգուտ նրան ու սեփական անձի կատարում էր սպային ոչ վայել արարքներ: Այդ գործում նրան մեծապէս օգնում էին այսպէս կոչուած «կամաւորները»՝ ծիաւոր մաուզերիստները<sup>357</sup>:

Ամենաթողութիւնն ու սանձարծակութիւնը հասել էին ամենավառ երեւակայութիւնից անդին: Նման մի օրինակ է բերում Կարսի երբեմնի նահանգապետն իր յուշերում. «Գեներալներից մէկը, որ սիրում էր ժամերով ուղիղ գծով խօսել երեւանի իր բարեկամների հետ օրուայ նորութիւնների մասին եւ այդպիսով զբաղեցնել իր պատմութիւններով հեռագրական միակ գիծը, գեներալի [եւ] Աստղերի Պալատի մի անդամի միջեւ տեղի է ունենում հետեւեալ բանախօսութիւնը – Ո ջան, ասում է գեն. Փիրումով, քեզ շատ են կարօտել, ել՞րբ ես գալու Կարս, թալանի քո բաժինը պահել եմ...»: Դորդանեանը յայտնում է, որ եթէ նոյնիսկ դա կատակ էր, ապա գոնէ չպէտք է արուեր «հրապարակաւ, երեւանի եւ Կարսի հեռագրատան բազմաթիւ պաշտօնեաների ներկայութեամբ», որի հետեւանքով այս խօսակցութիւնը «մի ժամից յետոյ բերանից բերան էր անցնում թէ Կարսում եւ թէ երեւանում...»<sup>358</sup>:

Թալանում էին ոչ միայն մահմեդականների ունեցուածքն ու պետական հարստութիւնը, այլեւ, զինուորական կարիքների անուան տակ, բարձրաստիճան սպաները կողոպտում էին Կարսի

<sup>356</sup> ՀԱԱ, ֆ. 477, ց. 1, գ. 6, թ. 34: Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 59, 62:

<sup>357</sup> Վահէ Արծրունի, նշ. աշխ., էջ 59:

<sup>358</sup> ՀԱԱ, ֆ. 477, ց. 1, գ. 10, թթ. 39-40: Նկատի ունենալով այն փաստը, որ այս զրոյցից յետոյ գեներալ Նազարբեգեանի պահանջով սկսուած հետաքննութիւնը մնացել է անհետեւանք, յարգելով հանդերձ անմեղութեան կանխավարկածի դրոյթը, հակուած ենք կարծելու, որ Փիրումեանի խօսակիցը պատերազմական նախարար, գոռոզ Ռուբէն Տէր-Մինասեանն էր:

ամրութիւններում ցարական կառավարութեան կուտակած հսկայաքանակ զույքը<sup>359</sup>: Թալանն այնպիսի ծաւալ էր ընդունել, որ Կարսի անկումից մի շաբաթ առաջ, երբ որոշում են կարգի բերել բերդի ամրութիւնները, պարզուում է, որ նրանք զուրկ են էլեկտրականութիւնից ու ջրից, հեռախօսային եւ հեռագրական սարքերից, հետեւաբար նաեւ կապից թէ՛ միմեանց հետ, թէ՛ բերդի շտաբի ու հրետանու հրամանատարի հետ<sup>360</sup>: Գողացուել էին նաեւ... աւտոմեքենաները եւ թիֆլիսում վաճառուել<sup>361</sup>: Դրա հետեւանքով պատերազմի օրերին «Կարսի Հայկական բանակը տրանսպորտ չունէր», եւ գեներալները ստիպուած դիմել են նահանգապետին, որպէսզի նրա աւտոմեքենայով փամփուշտ հասցուեր ռազմաճակատի զօրամասերին...<sup>362</sup>

Հայկական բանակի Օլթի մուտքից յետոյ թալանն այնպիսի համատարած բնոյթ է կրել, որ Կարսի նահանգապետն իր յուշերում հառաչում է. «Եւ ո՞ւմ դէմ ես պէտք է կռուիի, ամբողջ Հայկական բանակի»...<sup>363</sup>

Կողոպուտներին մասնակից զինուորականները չէին պատժուում: Երբ թալանն ահռելի չափեր է ընդունում ու հետաքննութեամբ հաստատուում, Նազարբեգեանը խստօրէն հրամայում է վերջ տալ դրան, բայց ոք ոք չի ենթարկում սպարապետի հրամանին: Որեւէ ազդեցութիւն չի գործում նոյնիսկ Փիրումեանին դատի տալու Նազարբեգեանի սպառնալիքը: Աւելին՝ Փիրումեանը դրանից յետոյ ստանում է աւագ զօրավարի (գեներալ-լեյտենանտ) աստիճան...<sup>364</sup>

Թալանի հարցում գեներալներին ու գնդապետներին մեծ «օժանդակութիւն» են մատուցել մաուզերիստներն ու նրանց խմբապետները, որոնք Հայրենիքի պաշտպան «կամաւորականների» անուան տակ յայտնուել էին Կարսի մարզում ու կցուել այս կամ այն սպային. «Գրեթէ ամեն մի սպայ ունէր իր <...> «խումբը»»<sup>365</sup>: Նրանք զբաղուել են ոչ միայն թալանով, այլեւ բռնաբարութիւններով եւ սպանութիւններով: Կողոպուտի հերթական արշաւից վե-

<sup>359</sup> ՀԱԱ, ֆ. 477, ց. 1, գ. 7, մաս 1, թ. 50:

<sup>360</sup> Նոյնը, թ. 51: Տես նաեւ նոյնը, մաս 3, թ. 365:

<sup>361</sup> Նոյնը, գ. 7, մաս 1, թ. 61: Տես նաեւ նոյնը, մաս 3, թ. 364:

<sup>362</sup> Նոյնը, մաս 1, թ. 64:

<sup>363</sup> Նոյնը, մաս 2, թ. 276:

<sup>364</sup> Նոյնը, թթ. 243-244, 251:

<sup>365</sup> Նոյնը, թ. 262:

րադառնալով Կարս՝ նրանք «հիւրանոցներում վատնում էին շատ մեծ գումարներ՝ հիւրասիրելով գեներալներին», ովքեր «այդ զեղ-խութեան ընդմիջումներում թուղթ խաղալով, տանում եւ տարւում էին միլիոններ...»<sup>366</sup>: Խմբապետների մէջ իրենց բաշխողուկութեամբ յատկապէս «փայլել» են Փիլոսն ու Մուրադխանը<sup>367</sup>: Այս հրոսակախմբերը մեծապէս նպաստել են նաեւ կանոնաւոր զօրքի մէջ անկարգապահութեան տարածմանը: Նրանք ճակատից փախ-չողների առաջին շարքում էին<sup>368</sup>: Խմբապետներ Փիլոսի եւ Մուրադխանի տղերքը չէին խորշում պատերազմի օրերին իսկ կողոպտելու Կարսի իրենց հայրենակիցների բնակարանները<sup>369</sup>: Կողոպուտով զբաղուել են Սմբատի՝ համեմատաբար չվարկաբեկուած ծիւղոր կամաւորներն անգամ<sup>370</sup>:

Խմբապետների ղեկավարած կամաւորականներին հիանալի է բնութագրել Սեպուհի բրիգադում ծառայած անանուն յուշագրողը: Նրանց նա համարում է «սրիկայ», «որոնք միայն թալանի եւ բռնաբարութեան համար են գալիս ռազմաբեմ, չափից դուրս շռայլ են եւ անհասկացող: <...> Նրանք մեր ամենավտանգաւոր պահին իսկոյն դուրս են գալիս մեր սահմանները պաշտպանելու, անպայման զգալի կերպով թեթեւացնում են մեր ծանր դրութիւնը, բայց դրա հետ միասին այնքան անկարգութիւն, թալան եւ բռնաբարութիւններ են անում, որ եթէ նրանց շահն ու օգուտը կշռելու լինենք, տակը միայն տխուր յիշողութիւններ են մնում»<sup>371</sup>: Այս տարրին հիանալիօրէն է բնութագրում մէկ այլ յուշագրող՝ Վահէ

<sup>366</sup> Նոյնը, թ. 283: Այսօր պատկերը գրեթէ նոյնն է, այն տարբերութեամբ, որ զեխութեան ու բախտախաղի վայրերի շարքում են նաեւ Մոսկուան, Լաս Վեգասն ու յատկապէս ոմանց պաշտած Մոնտե Կարլօն՝ իրենց խաղատներով ու անառականոցներով...

<sup>367</sup> Յուշագրողների մեծ մասը յիշատակում է այս ստահակներին. տես, օրինակ, Գարեգին արք. Յովսէփեանցի օրագիրը, «Բանբեր Հայաստանի արխիւների», 1989, թիւ 3, էջ 131:

<sup>368</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 62:

<sup>369</sup> Վահէ Արծրունի, նշ. աշխ., էջ 131-132:

<sup>370</sup> Նոյնը, էջ 154: Ռազմական գօտում մաուզերիստների անօրինականութիւնների մասին յաւելեալ տես Անանուն, «Ազատ, անկախ եւ միացեալ Հայաստանի վերջին օրերը», էջ 31, 83: Վահէ Արծրունի, նշ. աշխ., էջ 31, 124, 156:

<sup>371</sup> Անանուն, «Ազատ, անկախ եւ միացեալ Հայաստանի վերջին օրերը», էջ 31:

Արծրունին. « «Մավզերիստ»ներուն ինիսունինը տոկոսը, չունենալով ո՛չ զինուորի կարգապահութեան գիտակցութիւնը եւ ո՛չ ալ պետական պաշտօնեայի մտածողութիւնը, անհամեմատօրէն անելի լայն ասպարեզ տուաւ իր կենդանական բնազդին, քան միւս դասերը...»: Մի քանի տող յետոյ նա շարունակում է. « «Մավզերիստ»ներու թալանի ախորժակը ո՛չ չափ ունէր եւ ո՛չ սահման, ո՛չ կարգ գիտէր եւ ո՛չ ժամանակ: Հերիք էր, որ առիթ մը ներկայանար հարստանալու, անձնական վրէժ լուծելու եւ կամ պղտոր ջուրին մէջ ձուկ որսալու՝ անոնք մի՛շտ պատրաստ էին»<sup>372</sup>: Հենց այդ «հայրենասէր»-բաշխողուկները՝ Փիլոսը, Մուրադխանը, Աբգարը եւ իրենց տղերքը առաջինն են փախել Կարսի ռազմաճակատի Բէզլի Ահմէդի հատուածից սեպտեմբերի 29-ի թուրքական յարձակման առաջին իսկ ժամին<sup>373</sup>: «Մեր կամաւորները բուն կռուի պահուն կգերադասէին թիկունքը թալանելով զբաղուիլ, քան թէ իրենց պարտականութիւնը կատարելով մտահոգուիլ»<sup>374</sup>: Ժողովուրդը նմաններին վերաբերում էր «թէ՛ որպէս դասալիք եւ թէ՛ որպէս հին թալանչի»<sup>375</sup>:

Մի խօսքով՝ թալանի մոլուցքով վարակուել են շատ շատերը՝ զօրահրամանատար, սպայ, զինուոր, կամաւոր, պետական ծառայող, շարքային քաղաքացի, «նոյնիսկ կեդրոնի համազգային պատասխանատուութիւն ունեցողներն որոշ թուով անձեր»<sup>376</sup>: Նրանք «մխրճուեցան թալանի, կողոպուտի եւ բռնաբարութեան տիղմին մէջ եւ ալ անկարող եղան դուրս գալ անկէ, մինչեւ որ հայկական անկախութիւնն ալ իրենց հետ ցելիին յատակը տարան»<sup>377</sup>:

<sup>372</sup> Վահէ Արծրունի, նշ. աշխ., էջ 31:

<sup>373</sup> Անանուն, «Ազատ, անկախ եւ միացեալ Հայաստանի վերջին օրերը», էջ 83:

<sup>374</sup> Վահէ Արծրունի, նշ. աշխ., էջ 156:

<sup>375</sup> Նոյնը, էջ 124: Մեր կարծիքով՝ երրորդ հանրապետութեան առաջին տարիներին մաուզերիստներին նմանակում էին (նոյնիսկ արտաքին տեսքով՝ բեղ-մօրուք, փնթի հագուածք ու խօսուածք եւ այլն), այսպէս կոչուած, «ասֆալտի ֆիդայիները»: Վերջիններիս որոշ գործառոյթները յետագայում անցան մերօրեայ պարարտ, հաստավիզ եւ սափրագլուխ թիկնապահների խաւին:

<sup>376</sup> Նոյնը, էջ 152: Մեր կարծիքով՝ ակնարկը վերաբերում է Ռուբէն Տէր-Մինասեանին: Տես նաեւ նոյնը, էջ 29, 256:

<sup>377</sup> Նոյնը, էջ 73:

Թալանում էին ոչ միայն բնակչութեանը, այլև օտարերկրացիների եւ պետական հաստատութիւնները<sup>378</sup>, նոյնիսկ... մէկը միւսին. «Գողը գողէն կգողանար եւ Աստուած ինք երկնքին մէջ կգարմանար»<sup>379</sup>, - հառաչում է յուշագրողը: Թալանի «հոգեբանութիւնը կարճ ժամանակէն ստացած էր տեսակ մը բնական երեւոյթ»<sup>380</sup>: Յուշագրողը «թալանի անզուսպ հակումը» համարում է «Կարսի ճակատի ձախորդութեանց խոշորագոյն դրդապատճառներէն մէկը»<sup>381</sup>, մի գնահատական, որի հետ լիովին համաձայն ենք, այն յաւելումով, որ թալանը հիմնական դեր խաղաց զօրքի եւ հասարակութեան բարոյական անկման էլ աւելի խորացման գործում: Կարսի նահանգապետ Ստ. Ղորղանեանն ամբաստանում է ռազմական երեք նախարարներին՝ գեներալներ Չախվերդեանին եւ Արարատեանին եւ Ռուբէն Տէր-Մինասեանին, որ, լաւատեղեակ լինելով հանդերձ Կարսի բերդում տիրող անբարոյական մթնոլորտին, կամ աչք էին փակում դրա առաջ, կամ էլ նոյնիսկ հովանաւորում այդ անբարոյականութիւնը՝ «նկատի առնելով կուսակցութիւնը եւ նորա խնամհութիւնը», օրինակ բերելով Ռուբէնի ցանկութեամբ Փիրումեանին գեներալ-լեյտենանտի աստիճանի շնորհումը<sup>382</sup>: «Այլասերուել էր հասարակական մթնոլորտը եւ մարդիկ բթացել էին ոչ միայն դէպի պետական, հասարակական պատիւը, այլև դէպի իրանց անձնական պատուասիրութիւնը, <...> խախտուել էին տարրական հասկացողութիւնները, մարդկանց մէջ բթացել էր պարտաճանաչութեան զգացմունքը»<sup>383</sup>, - դիպուկ նկատել է տալիս Ստ. Ղորղանեանը: Իսկ մարդկային հասարակութեան մէջ որեւէ նիւթական կործանմանը նախորդում է բարոյական անկումը:

Թալանին «ջանադրաբար» մասնակցել են նաեւ Կարսի ու Ալեքսանդրապոլի դաշնակցական կոմիտեների անդամները՝ Կարսի նահանգի կենտրոնական կոմիտէի անդամ եւ քաղաքագլուխ,

<sup>378</sup> Օրինակ՝ Ալեքսանդրապոլից նահանջելիս հայոց բանակի զինուորները, այլոց շարքում, կողոպտել էին «Սագօ» ընկերութեան եւ ֆինանսական նախարարութեան շէնքերը: Սա կողոպուտ էր, քանի որ կատարուել է ոչ թէ բարիքները եւ պետական գոյքն ու փաստաթղթերը թշնամուն չթողնելու նպատակով, այլ, խառնակութիւնից օգտուելով, դրանք սեփականացնելու մոլուցքով:

<sup>379</sup> Վահէ Արծրունի, նշ. աշխ., էջ 256:

<sup>380</sup> Նոյնը, էջ 29:

<sup>381</sup> Նոյնը, էջ 152: Տե՛ս նաեւ նոյնը, էջ 29, 255-256:

<sup>382</sup> ՀԱԱ, ֆ. 477, ց. 1, գ. 7, մաս 3, թթ. 422-423:

<sup>383</sup> Նոյնը, մաս 1, թթ. 57-58:

«քրդերի գիւղերից բուրդ փախցնող» Նորհատեանի գլխաւորութեամբ<sup>384</sup>: Իսկ ֆինանսների նախարարութեան բարձրաստիճան պաշտօնեայ Տիգրան Աղամալեանը «բաւարարուել է» կողոպտելով պետական ունեցուածքը՝ աղահանքերը՝ այդ «գործին» լծելով դասալիք զինուորների<sup>385</sup>: Ուշագրաւ է, որ Կարս մտնելուց յետոյ թուրքերը նոյնների առաջին օրերին հրապարակաւ կախաղան են հանել յիշեալ երկու թալանչիներին<sup>386</sup>:

**Գ. 6. Գաղափարական-բարոյական ահաւոր անկումը բանակում, պետական վարչամեքենայում եւ ՀՀ հասարակութեան մէջ**

Կարսի նահանգապետը գրել է իր յուշերում. «(Բանակում - Գ. Ե.) գաղափարական, ազգային նոյնիսկ հեռաւոր սկզբունքների մասին խօսելն աւելորդ էր, եւ այդ առանցքում մենք չէինք կարող ազգայնացնել զօրքը, չէինք կարող պետական կրթութիւն տալ զօրքին եւ, հետեւապէս, չունեցանք այն ոյժը, որ պետական գաղափարի մարմնացումն է»<sup>387</sup>: Նա կարծէք նաեւ այսօրուայ համար է գրել հետեւեալ տողերը. «Գաղափարը, սրբութիւնը եւ իդէալները կարծես իջել էին իրանց հմայիչ բարձրութիւնից, ուր մարդիկ ծաղրում էին իրանց ամենանուիրական հաւատալիքները եւ ուր

<sup>384</sup> Նոյնը, թ. 93, մաս 2, թթ. 241-242:

<sup>385</sup> Նոյնը, մաս 1, թթ. 31-38: Տե՛ս նաեւ Վահէ Արծրունի, նշ. աշխ., էջ 157:

<sup>386</sup> Կ. Սասունին նրանց «նահատակ» է անուանում (ՀԹՊ, «Հայրենիք», 1926, թիւ 7, էջ 76): Այս բնութագրմանը բացարձակապէս համաձայն չենք: Թալանչի անբարոյականը չի կարող «նահատակ» անուանուել, անգամ եթէ թշնամին է նրան պատժում:

<sup>387</sup> ՀԱԱ, ֆ. 477, ց. 1, գ. 7, մաս 2, թ. 252: Այսօրուայ ՀՀ բանակում եւս վիճակը մխիթարական չէ: ՀՀ պաշտպանութեան նախարար Սերժիկ Սարգսեանն ու զօրահրամանատարները գանգատում են, թէ բանակ են զօրակոչում նորահաս երիտասարդներ, որոնք ոչ մայրենի լեզուն գիտեն, ո՛չ էլ հայոց պատմութիւնը: Թուում է, թէ գոնէ այդ դժգոհողներն իրենք պէտք է փայլէին յիշեալ ոլորտներում: Սակայն ՀՀ մերօրեայ գեներալների մի մասն իր մայրենի լեզուին չի տիրապետում, մի մասն էլ խօսում է անգրագէտ «հայերէնով»: Իսկ նոյն պաշտպանութեան նախարարը, որը բանասիրական բարձրագոյն կրթութիւն ունի, 2006 թ. գարնանը հրապարակաւ յայտարարեց. «Աղղամը երբեք հայկական չի եղել»: Ճակատագրի հեզմանքով, ելոյթից օրեր անց Աղղամից հիւսիս-արեւելք յայտնաբերուեցին Արցախի Տիգրանակերտի աւերակները... Լաւ կլինէր, եթէ պարոն գերմախարարը, նժդեհական ՀՀԿ (sic!) խորհրդի նախագահն ու հանրապետութեան հաւանական նախագահացուն մի քիչ աւելի խորութեամբ իմանար հայ ժողովրդի պատմութիւնը եւ Հայաստանի սահմանները...

չկար (ճիշտը՝ «չկային» - Գ. Ե.) այլևս ամօթ, պատկառանք եւ ազգային այն մեծ կորույթ եւ տրամադրութիւնը, որ կրթել է սերունդներ եւ պատմութիւն ստեղծել...»<sup>388</sup>: Նա աւելացնում է. «Այդ մթնոլորտում չէր (ճիշտը՝ «չէին» - Գ. Ե.) կարող զարգանալ ու ամրանալ կառավարչական հմայքը ու համարումը, այդ պրեստիժը օրէցօր ընկնում, թուլանում էր եւ իր հետեւից տանում իրաւակարգը, որի փլուզումը եւ ակներեւ էր եւ անխուսափելի»<sup>389</sup>:

#### Գ. 7. Բարբարոսական վերաբերմունքը Հայրենիքի ազատագրուած տարածքների նկատմամբ

Հայոց Հայրենիքը սրբութիւն է, հայութեան բոլոր սերունդների համայնական սեփականութիւնը: Հետեւաբար նրան պէտք է վերաբերուել երկիրդածութեամբ, իսկ նրա ազատագրուած տարածքներին՝ առանձնայատուկ սիրով: Այս սկզբունքը ոչ միայն չյարգուեց Կարսի նահանգում եւ 1920 թ. ամառը ՀՀ բանակի՝ Օլթիի շրջանի ազատագրած տարածքներում, այլ, ընդհակառակը, դրանց վերաբերուեցին որպէս թշնամու տարածքի՝ սրանից բխող

<sup>388</sup> ՀԱԱ, ֆ. 477, ց. 1, գ. 18, թ. 79: Այսպէս՝ անպատկառութիւնը հասել էր այն աստիճանի, որ Կոտայքի շրջանում գիտական աշխատանքներ կատարող, Սարդարապատի ճակատամարտի «Ղեւոնդ Երեց» պատուանուանն արժանացած Գարեգին եպս. Յովսէփեանցին եւ նրան ուղեկցող ճարտարապետ Եղիազարեանին դաժանօրէն ծեծում են Կոտայքի շրջանի Գեօքիլիսա գիւղի հարբած կոմիսարը եւ նրա «թայֆան», ինչ է թէ՛ սրբազանը ցանկացել է հետագօտել գիւղի հին եկեղեցին՝ առանց իրենցից արտօնութիւն խնդրելու: Աստուծոյ օծեալն ու անարգուած եկեղեցականը ներում է խուժանին (Մաշտոցի անուան Մատենադարան, Գարեգին Յովսէփեանցի ֆոնդ, թղթապանակ թիւ 91, վաւերագիր էջ 49ա, 50ա, 50բ: «Ժողովուրդ», թիւ 167, 1920 թ., 6 հոկտեմբերի, «Քրոնիկոն սիւնակ, ենթավերնագիր՝ «Գեղեցիկ օրինակ»): Այս անամօթութիւնը տեղի է ունեցել 1920 թ. սեպտեմբերի 26-ին, երբ թշնամու հորդաները համարեայ անարգել յառաջանում էին Կարսի ուղղութեամբ:

<sup>389</sup> ՀԱԱ, ֆ. 477, ց. 1, գ. 2, թ. 21: Աղասի Թադեւոսեանի՝ 1998 թուականին անցկացրած հարցախոյզը ցոյց է տուել, թէ ՀՀ «հասարակութեան 90 տոկոսից աւելին նոյնացնում է պետական եւ յանցագործ հեղինակութիւններին» (Աղասի Թադեւոսեան, «Սոցիալական վախի երեւոյթը. արմատները եւ ձեւերը Հայաստանում (1991-1998 թթ.)», «Անցումային շրջանի էթնոհոգեբանական փոփոխութիւնների առանձնայատկութիւնները Հայաստանում» (յօդուածների ժողովածու), «Ռազմավարական եւ ազգային հետազօտութիւնների հայկական կենտրոնի» հրատարակութիւն, Երեւան, հոկտ. 1998, էջ 25):

յանցաւոր հետեւանքներով: «Կարսի նահանգը լցուեց բախտախնդիրներով միայն, պատահական մարդկանցով, որոնք շտապում էին միայն կեղեքել եւ փախչել»<sup>390</sup>: Այս տարածքներում զինուորականներն ու խմբապետների մաուզերիստ տղերքը վարեցին «այրած հողի» քաղաքականութիւն. կողոպուտը, բռնաբարութիւնները, սպանութիւնները եւ ամեն տեսակ վայրենութիւնները չափ ու սահման չունէին եւ դրսեւորում էին իրենց ողջ «պերճութեամբ»: Բաւարար է ասել, որ ընդամենը երկու ամսուայ ընթացքում Կարսի նահանգապետը արձանագրել է զինուորականների գործած 75 ուճիր<sup>391</sup>:

Գեներալներն ու գնդապետները այդ տարածքներին վերաբերուեցին որպէս սեփական ազարակի՝ բռնանալով ոչ միայն մահմեդական բնակչութեան, այլև իրենց նախկին բնակավայրերը վերադարձող չափազանց փոքրաքանակ հայութեան վրայ<sup>392</sup>:

Հայրենիքի նկատմամբ նման վերաբերմունքը անբարոյականութեան գագաթնակետն է, աններելի յանցանք՝ բոլոր ժամանակների համար...

Ելնելով վերոշարադրեալից ու հետեւեալ փաստերից, որ՝

1. գեներալներ Փիրումեանը եւ Յովսէփեանը 1920 թ. մայիսի բոլշեիկեան խռովութեան օրերին անցել էին խռովարարների կողմը՝ «չէզոքութեան» անուան տակ,

2. գեներալ-մայոր Արտեմ Յովսէփեանին ու գնդապետ Դմիտրի Սիրիմանեանին բոլշեիկները ոչ միայն Ռեազան չաքսուրեցին 1921 թ. յունուարին՝ ՀՀ սպայութեան հետ, այլ նոյն թուականի փետրուարին իրենց ծառայութիւնները մատուցին Կարմիր բա-

<sup>390</sup> ՀԱԱ, ֆ. 477, ց. 1, գ. 7, մաս 1, թթ. 145-146:

<sup>391</sup> Նոյնը, մաս 2, թ. 285: Այդ ոճիրների մասին յաւելեալ տես նոյնը, մաս 3, թթ. 329-333:

<sup>392</sup> Կարսի նահանգապետը յայտնում է, որ նահանգից միայն դուրս էին տանում եւ նոյնիսկ չէին մտածում նահանգը ոտքի կանգնեցնելու եւ զարգացնելու մասին (ՀԱԱ, ֆ. 477, ց. 1, գ. 7, մաս 1, թ. 18: Տես նաեւ նոյնը, մաս 3, թ. 421): Այս տեսակետից՝ Արցախեան ազատամարտում էլ դրսեւորուեցին նման երեւոյթներ, մասնաւորաբար ազատագրուած Քաշաթաղի շրջանում: ՀՀ նախագահ Ռոբերտ Քոչարեանն էլ աւելի հեռուն գնաց՝ հայոց Հայրենիքի արեւելեան ազատագրուած տարածքները մի քանի տարի առաջ համեմատելով ոչ աւել ոչ պակաս... զուգարանի հետ՝ հայ հանրութեանը իբր բացատրելու համար «օկուպացուած» օտար բառի նշանակութիւններից «զբաղուած» իմաստը:

նակին՝ դեպի Լոռի, Թիֆլիս ու ապստամբած Երեւան արշաւանքների ժամանակ, որի համար էլ նրանք շքանշանների արժանացան (համաձայն ենք Ստ. Ղորղանեանի հետ, թէ «աւելի ցայտուն դաւաճանութիւն եւ աւելի այլանդակ հոգեբանական տեսիլ չի կարող ստեղծել ամենավառ երեւակայութիւնը անգամ»<sup>393</sup>),

3. վերոյիշեալ երկուսը շարունակեցին ծառայել Կարմիր բանակին (Միրիմանեանը հասաւ իր մուրագին՝ գեներալական ուսադիրների),

4. Ստեփան Ղորղանեանի այն վկայութիւնը, թէ Կարսի բռնկոր առումների ժամանակ մեծ դեր է խաղացել կաշառքի դիմաց քաղաքի յանձնումը՝ պաշտպանական ձեւական կռիւներից յետոյ<sup>394</sup> (Սէյմի ղեկավար Ակակի Չխենկելու հրահանգով գեներալ Նազարբեգեանի հրամանատարած Հայկական կորպուսը 1918 թ. ապրիլի 12-ի կեսօրին քաղաքը համարեայ առանց դիմադրութեան թողել էր թուրքերին),

հակուած ենք վարկածի կարգով ենթադրելու, որ Կարս բերդաքաղաքի 1920 թ. հոկտեմբեր 30-ի յանձնումը եւս կատարուել է ՀՀ բանակի ղեկավարութեան մի մասի, որոշակիօրէն՝ ռազմաւկատի կարելորագոյն հատուածների հրամանատարներ Յովսէփեանի ու Միրիմանեանի, դաւաճանութեան հետեւանքով<sup>395</sup>: Այստեղ արժէ յիշեցնել, որ հայ հասարակութեան մէջ առ այսօր յամառօրէն շրջում են լուրեր, թէ Արծուաշէնն ու Շահումեանի շրջանը 1990-ականների սկզբին ադրբեջանցի թշնամուն յանձնուեցին դաւաճանական գործարքի հետեւանքով<sup>396</sup>:

<sup>393</sup> Նոյնը, գ. 18, ք. 38:

<sup>394</sup> Տե՛ս նաեւ նոյնը, գ. 7, մաս 3, ք. 416:

<sup>395</sup> Դմիտրի Միրիմանեանը, 1919 թ. մարտից մինչեւ 1920 թ. մայիսը ՀՀ ռազմական նախարար, ՀՀ բանակի, ապա Կարմիր բանակի գեներալ Քրիստափոր Արարատեանը եւ բոլշեւիկներին ծառայելուց հրաժարուած գեներալ Մովսէս Միլիկեանը 1937-ին յայտարարուեցին «ժողովրդի թշնամի» եւ մի քանի այլ սպաների հետ նոյն թուականի դեկտեմբերի 10-ին գնդակահարուեցին Նորքի ձորում. տե՛ս Гайк Айрапетян, Триумф и трагедия генерала Силикова, Новое время, еженедельник, Ереван, 25 сентября 2002г., с. 3 [Հայկ Հայրապետեան, «Գեներալ Միլիկովի յաղթանակն ու ողբերգութիւնը», «Նովոյէ վրեմիա» շաբաթաթերթ, Երեւան, 2002 թ., 25 սեպտեմբերի, էջ 3 (ռուսերէն)]:

<sup>396</sup> Տե՛ս այդ դէպքերի ներքին ծալքերին շատ մօտիկից ծանօթ Դնեպրիկ Բաղդասարեանի յուշերը, «Դիմակայութիւն», Երեւան, 1998, էջ 144-151:

## ՎԵՐՋԱԲԱՆ

Ամփոփելով՝ մէկ անգամ եւս հաստատում ենք, որ ռազմական եւ մանաւանդ բարոյահոգեբանական այսպիսի բազմաթիւ սխալների թէկուզ մի մասը բաւարար կլինէր՝ կործանման տանելու հայկական Կարսն ու Հայաստանի Հանրապետութիւնը: Նման իրավիճակում պարտութիւնն անխուսափելի պիտի լինէր, իսկ յաղթանակը՝ ամեն տեսակ օրինաչափութիւնների կոպիտ եւ անտրամաբանական խախտում<sup>397</sup>:

Կարսի 1920 թ. խայտառակ պարտութեան ու դրան հետեւած Հայաստանի առաջին Հանրապետութեան կործանման ներքին բազմաբեւեռ պատճառները ներկայացնելուց ու վերլուծելուց յետոյ յանգում ենք հետեւեալ եզրակացութիւններին.

1. Կարսում ընդհանրապէս հայութեան ու մասնաւորապէս Հայոց բանակի պարտութիւնը օրինաչափ էր եւ անխուսափելի, տրամաբանական եւ բնական հանգուցալուծումը հայութեան «հաւաքական դաւաճանութեան»<sup>398</sup>: Բանակներն ու ժողովուրդները

<sup>397</sup> Համանման բարոյահոգեբանական անկման պատճառով յունական բանակը խայտառակ պարտութիւն կրեց թուրքերից՝ 1922 թ. եւ «Կարսը» թուրքերը կրկնեցին Իզմիրում՝ 1922 թ. սեպտեմբերին: Այս զուգահեռը դիպուկ նկատել է Բէյրութի «Նայիրի» շաբաթաթերթի խմբագիր, գրող Անդրանիկ Ծառուկեանը: Թերթի ժե տարուայ (1968 թ. - Գ. Ե.) 45-50 միացեալ համարների փոխարէն լոյս տեսած բացառիկ համարում նա վերահրատարակել է Կարսի անկման մասին Արտաշէս Բաբալեանի եւ Գարեգին արք. Յովսէփեանցի յուշագրութիւնները (համապատասխանաբար՝ էջ 8-14 եւ 15-19)՝ իւրաքանչիւրին կցելով ընդարձակ խմբագրական: Այնուհետեւ տպագրել է Մարտիրոս Սարեանի (չշփոթել աշխարհահռչակ գեղանկարչի հետ - Գ. Ե.) «Իզմիրի աղէտը» յուշագրութիւնը (էջ 20-27): Յուշագրողը նշում է, որ յունական բանակը թուրքական դիրքերի դէմ յանդիման ժամանակն անցկացնում էր անգործութեամբ, խաղուպարով, երաժշտութեամբ, հարբեցողութեամբ եւ այլ զուարճութիւններով (նա մոռացել է կամ չի ցանկացել նշել թալանն ու բռնաբարութիւնները - Գ. Ե.), եւ յաւելում. «Իսկապէս ողբերգական էր յոյն բանակին եւ յոյն ժողովուրդին վիճակը Իզմիրի մէջ, եւ կարգ մը սմանութեան եզրեր ունէր մեր Կարսի ու Արդահանի բանակին, Հայաստանի եւ հայ ժողովուրդի դառնադէտ պարտութեան սեւ ճակատագրին հետ» (էջ 27):

<sup>398</sup> Անդրանիկ Ծառուկեան, խմբագրական ներածական խօսք Արտաշէս Բաբալեանի «Կարսի անկումը» յուշագրութեան վերահրատարակման

համեմատում են իրենց ոգեղեն ու գաղափարական եւ դրանցից բխող բարոյահոգեբանական յատկանիշներով: Բանակի մարտունակութիւնը որոշում է ո՛չ բանակի թուակազմով, ո՛չ մարտական պատրաստութեամբ (զինտեխնիկային տիրապետելով), ո՛չ էլ մարտական տեխնիկայի արդիականութեամբ ու դրանով հագեցուածութեան աստիճանով: Այդ ամենն անհրաժեշտ են, բայց ո՛չ բաւարար: Բանակը նախ եւ առաջ ոգի է, մարտական ոգի, որը սնւում է ազգի ոգուց: Եթե ոգին չկայ կամ թոյլ է, պարտութիւնները հնարաւոր կամ նոյնիսկ անխուսափելի են դառնում: Ոգեղեն, գաղափարական, բարոյական եւ հոգեւոր անկումը անպայմանօրէն եւ անխուսափելիօրէն առաջնորդում է ֆիզիկական (նիւթական) անկման:

2. Ազգի եւ ազգային պետութեան պահպանման ու հզօրացման յոյսը պէտք է դնել միայն եւ միայն ազգի սեփական կարողութիւնների վրայ՝ դրանք ծայր աստիճան կենտրոնացնելով ու շաղախելով վեհագոյն գաղափարներով եւ ղեկավարների անձնական դրական օրինակներով:

Կարսի ու Հայաստանի առաջին Հանրապետութեան անկմանն ու կործանմանը նախորդած արատաւոր երեւոյթներից շատերն առկայ են նաեւ Հայաստանի երրորդ հանրապետութեան մէջ, ՀՀ զինուած ոյժերում<sup>399</sup> եւ հայ հասարակութեան կեանքում՝ եր-

առթիւ, «Նայիրի», ԺԵ. տարուայ (1968 թ.- 9. Ե.) 45-50 միացեալ համարների փոխարէն լոյս տեսած բացառիկ համար, էջ 8:

<sup>399</sup> Արցախեան ազատամարտի հերոս, Շուշիի ազատարար, զենեւաւմայր Արկադի Տեր-Թադեւոսեանը վկայում է, որ Արցախեան ռազմաճակատներում, յատկապէս Մարտակերտի հատուածում 1992 թ. երկրորդ կէսի հայկական պարտութիւնների հիմնական պատճառներն են քաղաքական հակամարտութիւնը ՀՀԵ եւ ՀՀԴ կուսակցութիւնների միջեւ, Շուշիի ազատագրումից եւ Լաչինի միջանցքի բացումից յետոյ առաջացած բերկրաթմբիրն (էյֆորիա) ու կարգապահութեան անկումը զինուած ոյժերում, ռազմամթերքի վատնումն ու զէնքի գողութիւնը, ռազմական եւ քաղաքական հետախուզութեան «մեծ ծախողութիւնը», մարտական ոգու անկումն ու խուճապը: Նա զգուշացնում է. «Մենք չպէտք է մեր սխալները կրկնենք եւ մենք մեզ թուլացնենք՝ մեր ռազմական գերազանցութեան գիտակցութեան պատճառով».

Аркадий Тер-Тадевосян, Анализ боевых действий в Арцахе (июль 1991-июль 1992 гг.), (Արկադի Տեր-Թադեւոսեան, «Արցախում մարտական գործողութիւնների վերլուծումը (յուլիս 1991-յուլիս 1992 թթ.)»), «Ռազմավարութեան եւ անվտանգութեան

բեմն էլ աւելի մեծ տարողութիւններով, քան առաջին Հանրապետութեան վերջալոյսի օրերին: Հետեւաբար նոր անկումն ու կործանումը կդառնան անխուսափելի, եթէ վայրկեան առաջ չծերբազատուենք բացասական երեւոյթներից եւ տրամագծօրէն չշրջենք կացութիւնը<sup>400</sup>:

Սոյն ուսումնասիրութեամբ փորձեցինք ներկայացնել ու վերլուծել Կարսի եւ Հայաստանի առաջին Հանրապետութեան անկումները՝ գաղափարական, ռազմահոգեբանական, սոցիալ-հոգեբանական եւ այլ «ներքին» պատճառների տեսանկիւններից: Այս «ներքին» պատճառների համալիր եւ էլ աւելի խորը վերլուծումը յոյժ կարեւոր նշանակութիւն ունի հայ ժողովրդի եւ հայկական պետականութեան յետագայ գոյատեւման համար:

Կարսի անկման ականատես Արտաշէս Բաբալեանն իր յուշագրութիւնն աւարտում է՝ ասելով. «Երանի թէ այս դառն սխալները դաս ծառայէին ապագայի համար»<sup>401</sup>:

Մեր կարգին՝ այս ուսումնասիրութիւնն աւարտում ենք՝ ասելով. «Երանի թէ մեր ժողովրդի զաւակները լսեն Արտաշէս Բաբալեանի այս խորհուրդը»: Այսօր իսկ: Վաղը ոչ միայն ուշ կլինի, այլեւ կարող է այդ «վաղը» չլինել իսկ... Աստուած մի՛ արասցէ:

հարցեր» (յօդուածների ժողովածու, կազմող եւ խմբագիր՝ Արմէն Այվազեան), Երեւան, 2007, էջ 576-577:

<sup>400</sup> Երբ այս գրքոյկի պատրաստութիւնն աւարտուել էր, 2007 թ. փետրուարի 14-ին պատահաբար հանդիպեցի ՀՀ նախագահի ազգային անվտանգութեան հարցերով խորհրդական Գառնիկ Իսագուլեանին: Նրան ներկայացրի ՀՀ-ում տիրող ահաւոր վիճակը՝ համոզմունք յայտնելով, որ դա ՀՀ-ի պետական եւ հայութեան ազգային անվտանգութեանն սպառնացող մեծագոյն վտանգն է այսօր՝ աւելացնելով, թէ այս ընթացքի շարունակութեան դէպքում մեր կործանումն անխուսափելի է: ՀՀ նախագահի խորհրդականն անմիջապէս ասաց. «ՀՀ-ն արդէն կործանուել է»: Համաձայն չեմ նման գնահատականին, թէեւ Իսագուլեանի պատասխանում կայ նման վտանգի գիտակցումը:

<sup>401</sup> Արտաշէս Բաբալեան, «Կարսի անկումը», «Հայրենիք», 1923, թիւ 12, էջ 68:



**1. Արխիւային փաստաթղթեր**

**- Հայաստանի ազգային արխիւ**

- 1. 1. Ֆոնդ 57, ցուցակ 5, գործ 93:
- 1. 2. Ֆոնդ 200, ցուցակ 1, գործ 602:
- 1. 3. Ֆոնդ 276, ցուցակ 1, գործ 19:
- 1. 4. Ֆոնդ 477, ցուցակ 1, գործեր 2, 6, 7, 8, 9, 10, 11, 12, 14, 16, 18:
- 1. 5. Ֆոնդ 4047, ցուցակ 1, գործ 197:
- 1. 6. Ֆոնդ 114, ցուցակ 2, գործ 43:

**- Մաշտոցի անուան Մատենադարան**

- 1. 7. Գարեգին Յովսէփեանցի ֆոնդ, թղթապանակ թիւ 91, վաւերագիր էջ 49ա, 50ա, 50բ:

**2. Մենագրութիւններ**

- 2. 1. Ալեքսանդրեան Արտաշէս, «Կարս. 1920-21», Երեւան, 1986:
- 2. 2. Անանուն, «Ազատ, անկախ եւ միացեալ Հայաստանի վերջին օրերը», Երեւան, 1994:
- 2. 3. Ասատրեան Հայկ, «Վերանորոգչական շարժում (խորհրդածութիւններ)», «Ազգայնական ակումբի» հրատարակութիւն, Երեւան, 2002:
- 2. 4. Արծրունի Վահէ, «Հայ-տաճկական պատերազմը – Հայ սպայութիւնը – Շատախ», Երեւան, 2002:
- 2. 5. Բաբաջանեան Վանիկ, «Միջկուսակցական յարաբերութիւնները Հայաստանի Հանրապետութիւնում բոլշեւիկեան հակապետական ելոյթների եւ դրանց հետեւանքների յաղթահարման շրջանում (1920 թ. մայիս-օգոստոս)», Երեւան, 2006:
- 2. 6. Բաղդասարեան Դնեպրիկ, «Դիմակայութիւն», Երեւան, 1998:
- 2. 7. Դարբինեան Արտակ, «Հայ ազատագրական շարժման օրերէն», Բ. տպագրութիւն, Երեւան, 2003, էջ 263:
- 2. 8. Զարմունի Օննիկ, «Ցեղի հրամայականը», Երեւան, 2007:

- 2. 9. Յակոբեան Արարատ, «1920 թ. թուրք-հայկական պատերազմի պատմութեան փորձն ու դասերը», Երեւան, 2004:
- 2. 10. Յակոբեան Արարատ, «Հայաստանի խորհրդարանը եւ քաղաքական կուսակցութիւնները 1918-1920», Երեւան, 2005:
- 2. 11. Նալչաջեան Ալբերտ, «Էթնիկական հոգեբանութիւն», Երեւան, 2001:
- 2. 12. Նժդեհ Գարեգին, «Հատընտիր», Երեւան, 2001:
- 2. 13. Ուլուբաբեան Բագրատ, «Արցախեան գոյապայքարը», Երեւան, 1994:
- 2. 14. Պահլաւունի Եղիշէ, «Յուշամատեան», Երեւան, 2006:
- 2. 15. Ռուբէն, «Հայ յեղափոխականի մը յիշատակները» հ. է, Լուսնջելոս, 1952:
- 2. 16. Սարգարեան Կտրիճ, «Հայ-վրացական յարաբերութիւնները 1918-1921 թթ.», Երեւան, 2002:
- 2. 17. Վիրաբեան Վանիկ, «Հայաստանի առաջին Հանրապետութեան յատուկ ծառայութիւնները 1918-1920 թթ.», Երեւան, 1998:
- 2. 18. Վրացեան Սիմոն, «Հայաստանի Հանրապետութիւն», Երեւան, 1993:

**3. Փաստաթղթերի, յօդուածների եւ նիւթերի ժողովածուներ**

- 3. 1. (կազմող եւ խմբագիր՝ Եազըճեան Գեորգ), «ՌՌՈՒՆ չապաւիներու արդիւնքը», Երեւան, 2002:
- 3. 2. Թադէւոսեան Աղասի, «Սոցիալական վախի երեւոյթը. արմատները եւ ձեւերը Հայաստանում (1991-1998 թթ.)», «Անցումային շրջանի էթնոհոգեբանական փոփոխութիւնների առանձնայատկութիւնները Հայաստանում» (յօդուածների ժողովածու), «Ռազմավարական եւ ազգային հետազօտութիւնների հայկական կենտրոնի» հրատարակութիւն, Երեւան, հոկտ. 1998:
- 3. 3. Հախվերդեան Լեւոն, «Մենք եւ մեր դժուար օրերը», Երեւան, 2000:
- 3. 4. «Հայաստանի Հանրապետութիւնը 1918-1920թթ. (Քաղաքական պատմութիւն). փաստաթղթերի եւ նիւթերի ժողովածու», Երեւան, 2000:
- 3. 5. Аркадий Тер-Тадевосян, Анализ боевых действий в Арцахе (июль 1991-июль 1992 гг.), (Արկադի Տէր-Թադէւոսեան, «Արցախում մարտական գործողութիւնների վեր-

լուծումը (յուլիս 1991-յուլիս 1992 թթ.)), «Ռազմավարութեան եւ անվտանգութեան հարցեր» (յօդուածների ժողովածու, կազմող եւ խմբագիր՝ Արմէն Այվազեան), Երեւան, 2007, էջ 576-577:

3. 6. (compiled by Anita Burdette), <Armenia – Political and Ethnic Boundaries 1878-1948>, <Archive> Editions, London, 1998.

#### 4. Յօդուածներ եւ հրապարակումներ

4. 1. Ասատրեան Հայկ, «Վերանորոգչական խորհրդածութիւններ», «Ռազմիկ» կիսաշաբաթաթերթ, Սոֆիա, թիւ 113-120, 1938-1939:

4. 2. Բարալեան Արտաշես, «Կարսի անկումը», «Հայրենիք», 1923, թիւ 12:

4. 3. Գնդունի Հայ, «Դրուագներ Կարսի կռիւներէն», «Պայքար» ամսագիր, 1931 թ., սեպտեմբեր:

4. 4. Գնդունի Հայ, «Կարսի անկումին պատճառները», «Մարտկոց» թերթ, Փարիզ, 1932 թ., 10 նոյեմբերի:

4. 5. Եազըճեան Գէորգ, «Հայ-քրդական յարաբերութիւնները Կարսի նահանգում 1919-1920 թուականներին», «Մերձաւոր Արեւելք. պատմութիւն, քաղաքականութիւն, մշակոյթ (յօդուածների ժողովածու)», ՀՀ ԳԱԱ արեւելագիտութեան ինստիտուտ, Երեւան, 2002:

4. 6. Թուրշեան Յարութիւն, «Սարդարապատի հերոսը (Դանիէլ-բէգ Փիրումեան) (1863-1922)», «Բանբեր Հայաստանի արխիւների», 1969, թիւ 1:

4. 7. Խատիսեան Ալեքսանդր, «Հայաստանի Հանրապետութեան ծագումն ու զարգացումը», «Հայրենիք», 1925, թիւ 6:

4. 8. Խուդինեան Գէորգ, «Սիմոն Վրացեան (1882-1969)», «Նշանաւոր ճեմարանականներ» (յօդուածների ժողովածու), Մայր Աթոռ Ս. Էջմիածին, 2005:

4. 9. Մելքոնեան Աշոտ, «Կարս» եւ «Կարսի մարզ» յօդուածներ, «Հայկական հարց» հանրագիտարան, Երեւան, 1996:

4. 10. Չուգասզեան Լեւոն, «Մեծի Տանն Կիլիկիոյ Կաթողիկոս Տ. Տ. Գարեգին Ա Յովսէփեան (1867-1952)», «Նշանաւոր ճեմարանականներ» (յօդուածների ժողովածու), Մայր Աթոռ Ս. Էջմիածին, 2005:

4. 11. Սասունի Կարօ, «Հայ-թուրքական պատերազմը», «Հայրենիք» ամսագիր, Բոստոն, 1926, թիւ 4-9 եւ 11:

4. 12. Փափագեան Աւետիս, «Հայոց ցեղասպանութեան անհերքելի փաստաթղթեր», «Զարթօնք», 2005 թ., 14 սեպտեմբերի:

4. 13. «Քեազըմ Կարաբէքիրի յուշերը Հայաստանի Հանրապետութեան վրայ թրքական յարձակումներուն մասին», թարգմ. Ա. Շորվոլեան, «Զարթօնք» օրաթերթ, Բէյրութ, 1966 թ., յուլիս-օգոստոս:

4. 14. Айрапетян Гайк, Триумф и трагедия генерала Силикова, Новое время, еженедельник, Ереван, 25 сентября 2002г.

#### 5. Պարբերական մամուլ

5. 1. «Բանբեր Հայաստանի արխիւների» հանդես, Երեւան, 1971, թիւ 1, 1989, թիւ 3, 2006, թիւ 1:

5. 2. «Երեկոյեան Երեւան» օրաթերթ, Երեւան, 989 թ., 23 եւ 24 օգոստոսի:

5. 3. «Էջմիածին» շաբաթաթերթ, Վաղարշապատ, 4 հոկտեմբերի 1920, թիւ 12:

5. 4. «Ժողովուրդ» թերթ, օրգան Հայ ժողովրդական կուսակցութեան, Երեւան, թիւ 167, 182, 185, 192 (1920 թ.):

5. 5. «Հայաստանի Հանրապետութիւն» օրաթերթ, Երեւան, 2006 թ., 7 սեպտեմբերի:

5. 6. «Յառաջ», Երեւան, 1920 թ., 5 հոկտեմբերի:

5. 7. «Նայիրի» շաբաթաթերթ, Բէյրութ, ԺԵ տարուայ (1968 թ. - Գ. Ե.) 45-50 միացեալ համարների փոխարէն լոյս տեսած բացառիկ համար:

ԱՆՁՆԱՆՈՒՆՆԵՐԻ ՑԱՆԿ\*

Աբգար (խմբապետ) .....	93
Ալեքսանդրեան Արտաշէս .....	15, 46, 47, 102
Ահարոնեան Աւետիս .....	33, 34
Աղամալեան Տիգրան .....	95
Աղայեան (հազարապետ) .....	51
Աղբալեան Նիկոլ .....	81
Ամուրեան Անդրէ .....	30
Այվազեան Արմէն .....	3, 23, 101, 104
Անանեան Լեւոն .....	29
Անանուն (Սեպուհի բրիգադում ծառայած օրագրող) .....	16, 24, 27, 42, 43, 60, 67, 69, 76, 88, 92, 93, 102
Անդրանիկ (Օգանեան Անդրանիկ) .....	21, 75
Ասատրեան Հայկ .....	35, 102, 104
Արարատեան Քրիստափոր .....	5, 77, 79, 94, 98
Արշէան Միքայէլ .....	54
Արծրունի Վահէ (Մուրադեան Մելիքսէթ) ...	10, 15, 23, 25, 29-31, 38, 40, 44-46, 48-50, 53-56, 61, 64-67, 72, 73, 76, 77, 83, 87, 89, 90, 92-95, 102
Աւշարով (փոխգնդապետ) .....	78
Բաբալեան Արտաշէս .....	4, 7, 8, 11, 12, 24, 25, 35, 37, 45, 49, 50, 52, 53, 56, 58, 59, 61, 66, 67, 74, 80, 83, 87, 90, 92, 99-101, 104
Բաբաջանեան Վանիկ .....	28, 102
Բաբաջանով (բուլղարացի գնդապետ) .....	22, 59, 78
Բագրատունի (գլխապետ) .....	7, 18
Բադալեան Գեղամ .....	15, 45
Բաղդասարեան Դնեպրիկ .....	99, 102
Բորոյեան Սմբատ (Մախլուսո) .....	12, 29, 41, 75, 76, 92
Բուրդետ Անիթա .....	19, 104

\* Անձնանուններն այս ցուցակում բերուել են ազգանունների հայկական ձեւերով: Ներառուել են ծանօթագրութիւններում եւ օգտագործուած աղբիւրների ցանկում յիշատակուող անձնանունները, նաեւ նրանք, ում անձնանունները չեն յիշատակուում տուեալ էջում, բայց անձերն, այնուամենայնիւ, յիշատակուում են:

Գնդունի Հայ (Թօփչեան Համբարձում) ...	10, 13, 18, 19, 41, 43-45, 51-56, 64, 72, 75, 83, 84, 87, 104
Գրոոս Սիգիզմունդ .....	22
Դարբինեան Արտակ .....	63, 66, 102
Դենիկին Անտոն .....	30, 47
Դրօ (Կանայեան Դրաստամատ) .....	40, 49, 75, 76
Եազըճեան Գեորգ .....	7, 103, 104
Եղիազարեան (ճարտարապետ) .....	96
Երուսալիմսկի (գինուորական) .....	22
Զարեան Նաիրի (Եղիազարեան Հայաստան) .....	88
Զարեան (Նալբանդեան, Զաւէն) .....	10
Զարմունի (Փանիկեան) Օննիկ .....	57, 102
Զինգելիչ (գնդապետ) .....	22, 30, 47
Էգօ բեգ (գաւառապետ) .....	89
Թադեւոսեան Աղասի .....	3, 62, 79, 80, 89, 96, 103
Թումանեան Յովհաննէս .....	18, 19
Թուրշեան Յարութիւն .....	87, 104
Թրուանց Անոյշ .....	9
Իշխանեան (գնդապետ) .....	39
Իոնեսկու Վասիլ .....	5
Իսագուլեան Գառնիկ .....	101
Իսահակեան Աւետիք .....	18
Լեւոնեան Պարոյր .....	70
Լուսինեան Լեւոն Զ (թագաւոր Կիլիկիոյ) .....	26
Խալիդ բեգ (Կարաբէքիրին ենթակայ զօրահրամանատար) ....	57
Խալիլ բեյ (Կարաբէքիրի շտաբի պետ) .....	64, 87
Խատիսեան Ալեքսանդր .....	16, 32, 34, 78, 81, 83, 84, 104
Խուդինեան Գեորգ .....	9, 104
Խուրշուդեան Լենդրուշ .....	9

Ծառուկեան Անդրանիկ	4, 7, 8, 11, 99, 100
Կաղինով Իբրահիմ	45
Կարաբէքիր Քեազիմ	4, 5, 12, 13, 17, 40, 42, 43, 46, 53, 57, 63, 64, 70, 73, 86, 87, 105
Կնեազ (խմբապետ)	66
Կորուկով (զինուորական)	22
Հախվերդեան Լեւոն	18, 103
Հախվերդեան Յովհաննէս	29, 30, 58, 94
Հայրապետեան Հայկ	98, 105
Հասան-Փաշայեան (Ղասաբբաշեան) (զնդապետ)	40
Հիդայաթ (Թադեոս-Էմմանուէլ, դաւաճան)	46-47
Հիւսնի բէյ	46
Հովեան Յովիկ	29
Ղազանչեան (Ղարաքիլիսայի յեղկոմի անդամ)	65
Ղազարեան (զենեալ)	49, 56, 78, 79
Ղոնդախչեան (փոխզնդապետ)	40, 50
Ղորղանեան Նիկոլայ	29, 48, 65
Ղորղանեան Ստեփան	10, 16, 19, 22, 24-32, 36-40, 44, 45, 48-57, 59, 60, 62-66, 68-70, 73, 75-92, 94-98, 102
Մազմանեան, Յովհաննէս	7, 18, 49, 82, 90
Մակավիւ (զնդապետ)	54
Մամիկոնեան Վարդան (սպարապետ)	88
Մանուկեան Արամ	50
Մեղվեղեւ (զլիսապետ)	22, 44
Մելքոնեան Աշոտ	5, 9, 104
Միրզոեւ (զնդապետ)	50, 51, 69
Միրիմանեան Դմիտրի	49, 67, 77, 98
Մուրադիսան (խմբապետ)	92, 93
Յակոբեան Արարատ	10, 24-26, 61, 83, 103
Յարութիւնեան (զնդապետ)	25, 51, 77
Յովսէփեան Արտեմ	22, 27, 28, 42, 45, 49-52, 56, 58, 65, 77-80, 81, 88-90, 97, 98

Յովսէփեան Գարեգին (եպս., արք., կաթողիկոս)	6, 7, 14, 15, 19, 21, 33, 46, 47, 55, 58, 62, 67, 68, 74, 80, 83, 88, 92, 96, 99, 102, 104
Նազարբեգեան Թովմաս	12, 23, 26, 30, 31, 38, 50, 52, 58, 73, 76-78, 83, 90, 91, 98
Նալչաջեան Ալբերտ	23, 26, 76, 84, 103
Նապոլէոն Բոնապարտ	79
Նաւասարդեան Մկրտիչ	38
Նեստերովսկի (փոխզնդապետ)	22, 25
Նժդեհ (Տէր-Յարութիւնեան) Գարեգին	8, 9, 12, 17-21, 56, 86, 88, 103
Նորիատեան (Կարսի քաղաքագլուխ)	82, 95
Նուրի բէյ	5
Շաղուբաթեան (Շահբուդաղեան) (զնդապետ)	31, 65
Շնէուր Ալեքսանդր	22, 30
Շորվոզլեան Ա.	4, 17, 105
Ուլուբաթեան Բագրատ	14, 82, 103
Չեռնոզուբով	30
Չիլինգարեան (հազարապետ)	7, 18
Չխենկելի Ակակի	98
Չուզասզեան Լեւոն	14, 104
Պահլաւունի Եղիշէ	5, 6, 103
Պահլաւունի Նորայր	15
Պուլադեբար Անտուան	27
Ջամալեան Արշակ	60
Ջանփոլաղեան (զնդապետ)	22
Ռուբէն (Տէր-Մինասեան Մինաս)	10, 24, 29, 49, 51, 63, 70, 78, 87, 91, 93, 94, 103
Սասունի Կարո	5-7, 12, 13, 25, 29, 33, 36, 37, 41, 42, 44-46, 49, 55, 58, 61, 65, 66, 69-71, 74-76, 95, 104
Սարգիսեան Գարեգին (կաթողիկոս)	14

Սարգսեան Սերժիկ	20, 95
Սարդարեան Կորիճ	25, 103
Սարեան Մարտիրոս (ՀՅԴ գործիչ)	99
Սեպուհ (Ներսեսեան Արշակ)	7, 12, 16, 26, 27, 29, 41, 42, 48, 67, 69, 73, 75-77, 86, 92
Սիլիկեան Մովսէս	25, 42, 52, 53, 71, 73, 77, 78, 83, 87, 98, 105
Սողոմոնեան Կոմիտաս (վարդապետ)	39, 78
Սուրենեանց Գեորգ Ե (կաթողիկոս Ամենայն հայոց)	4, 6, 33
Ստոկս (բրիտանացի գնդապետ)	19, 35
Վեքիլեան Ալեքսանդր	5, 42, 53, 73, 87
Վէյգան Մաքսիմ	34
Վիրաբեան Վանիկ	44-48, 103
Վրանգել Պետր	31, 35
Վրացեան Սիմոն	9, 11, 16, 35, 36, 54, 55, 65, 66, 74, 75, 77-80, 85, 103, 104
Տեր-Առաքելեան Վահան	39, 49, 65, 78
Տեր-Թադևոսեան, Արկադի	100, 101, 103
Տիգրանեան Սիրական	30
Փափազեան Աւետիս	5, 105
Փերվերդիեւ (գնդապետ)	73
Փիլոս (խմբապետ)	38, 92, 93
Փիրումեան Դանիէլ-բեգ	5, 23, 38, 39, 42, 49-52, 58, 59, 65, 69, 73, 76-78, 80, 81, 87, 88, 90, 91, 94, 97, 104
Քեազըմ բեգ (Կարաբէքիրին ենթակայ զօրահրամանատար)	57
Քեմալ Մուստաֆա	4, 13
Քոթանջեան Կորիւն (քահանայ)	4, 6, 19, 46
Քոթանջեան Հայկ	41, 68
Քոչարեան Ռոբերտ	97
Օհանջանեան Համօ	63
Օռլովսկի (գինուորական)	22
Ֆելզի փաշա	5
Ֆօշ Ֆերդինանդ	33, 34

## ԲՈՎԱՆԴԱԿՈՒԹԻՒՆ

Ներածութիւն	3
Կարսի 1920 թ. անկման խորքային պատճառները	22
Ա. Կարսի անկման եւ ՀՀ բանակի քայքայման գաղափարական պատճառները	22
Բ. Կարսի անկման ռազմական պատճառները	36
Բ. 1. Ջուտ ռազմական պատճառներ եւ սխալներ	36
Բ. 2. Ռազմահոգեբանական պատճառներ եւ սխալներ	61
Գ. Կարսի անկման բարոյաժողովրդական պատճառները	71
Վերջաբան	99
Օգտագործուած աղբիւրների ցանկ	102
Անձնանունների ցանկ	106

### Նկատուած վրիպակներ

էջ 5, ծանօթագրութեան 4-րդ տողը, «նոյնը» բառի փոխարէն պէտք է լինի՝ «Քեազըն Կարաբէիրի յուշերը Հայաստանի Հանրապետութեան վրայ թրջական յարձակումներուն մասին», «Չարթօնք»

էջ 15, 2-րդ պարբերութեան առաջին բառի՝ «Եօթերորդ»-ի փոխարէն պէտք է լինի «Վեցերորդ»:

էջ 16, 1-ին տողի «ութերորդ» բառի փոխարէն պէտք է լինի՝ «Եօթերորդ»: